

<sup>40</sup>  
Germ. sp.

256

2542.



4<sup>o</sup> Germ sp 256 2542 Planer  
**M. IOANNIS ANDREAE PLANERI,**  
ORD. PHILOS. ADI. IN ACAD.  
VITEMBERGENSI,

# HISTORIA

VARISCIAE,

SIGILLATIM

**VRBIS CVRIAE.**



VITEMBERGAE,  
SYMPTVS CHRISTIAN. THEOPH. LVDOVICI,  
BIELIOPOLAE ACADEMICI,  
ANNO dñi MDCCL.

BAYERISCHE  
STAATS-  
BIBLIOTHEK  
MÜNCHEN



TABVLA  
AD  
HISTORIAM VARISCIAE,  
ET VRBIS CVRIAE.

( *PARS* I, De VARISCIA.

( Notatio, §. I.

( Narisciae,

( Varisciae.

( Origo Populi Variscorum, §. II.

( Generalis,

( Specialis.

( Limites Varisciae antiquae, §. III.

( Situs Varisciae antiquae, §. IV.

( Situs Varisciae hodiernae, eiusdemque propriae,  
§. V.

( Synonymum Varisciae, Vogtlandia, §. VI.

( Quid sit Vogtlandia propria;

( Vnde dicta sit Vogtlandia;

( A quibus Vogtis Vogtlandia dicta sit;

( Cur Variscia appellata sit Vogtlandia;

( Varisciae et Vogtlandiae nomina promiscue usurpari  
coepta.

( Limites Varisciae, et Vogtlandiae, hodiernae, §. VII.

( Synonymum Varisciae spurium, Merania, §. VIII. A

A B

a 2

Vari-



A B Varisciae Bona Naturae :

{ Aeris temperies, aqua, acidulae, §. IX.

{ Fluvii, fluvioli, rivi, §. X.

{ Fertilitas Soli, §. XI.

{ Mons Pinifer, §. XII.

{ Definitio,

{ Homonymia,

{ Ambitus,

{ Divisio,

{ Patria,

{ Lacus,

{ Flumina navigabilia,

{ Divitiae,

{ Sylvae, §. XIII.

{ Metalla, et Mineralia, §. XIV.

Varisciae Oppida maiora, §. XV.

Varisciae Oppida minora, Vici, Castella, Asyla, Gymnasia, §. XVI.

Incolae.

{ Eruditio, §. XVII.

{ Rusticus eruditus, §. XVIII.

{ Opificia, mercatura, agricultura, §. XIX.

{ Mores, §. XX.

Varisciae

Varisciae Imperium.

{ Domini veteres, §. XXI.

{ Duces Boii,

{ Duces Saxones,

{ Marchiones Vogburgii,

{ Duces Meranii.

{ Domini hodierni:

{ Comites Rutheni, §. XXII.

{ Marchiones Brandenburgici, §. XXIII.

{ Duces Saxoniae, §. XXIV.

{ Clientes, §. XXV.

Religio Variscorum, §. XXVI.

{ Profana,

{ Christiana,

{ Emendata.

{ Bella, §. XXVII.

*PARS II. DE CVRIA VARISCORVM.*

{ Urbis Curiae dignitas, et eiusdem aedificandae occasio, §. I.

{ Divisio Urbis in Veterem, et Novam, et utriusque origo, §. II.

{ Urbis varia Nomina, §. III.

{ Urbis Latitudo, Longitudo, Signum, et Insigne, §. IV.

A

Situs remotior, §. V.

{ Colles,

{ Valles,

{ Pontes.

Situs proximus, §. VI.

{ Suburbia,

{ Vicus Piscatorius,

{ Portae, et Portulae,

{ Murus, et Fossa.

Vrbis utriusque partes, §. VII.

{ Fora,

{ Plateae,

{ Viculi,

{ Crateres,

{ Putei.

Aedificia publica, eademque sacra, § VIII.

{ Sacella,

{ Tempia.

Aedificia sacra alia, §. IX.

{ Coenobia,

{ Gymnasium,

{ Xenodochium,

{ Prochotropheia,

{ Nosocomium.

Aedificia profana publica, aut publicis usibus dicata,

§. X.

A

Rob.

A

Religio Curienſium, §. XI.

{ Pontificia ,  
{ Emendata.

Magiſtratus, §. XII.

{ Superior :

{ Priſtinus :

{ { Duces Meranii,

{ { Comites Orlamundani,

{ { Advocati Veidenſes,

{ { Hodiernus: Marchiones Brandenburgici;

{ Inferior :

{ Exarchus Provincialis,

{ Officiales Principales :

{ Quaeftor,

{ Epigrammateus,

{ Praetor Oppidanus,

{ Praefectus Cœnobii,

{ Praefecti Rationum Principalium,

{ Senatus Oppidanus,

{ Curatores.

Bona, §. XIII.

{ Viſtus commodus,

{ Opificium,

{ Mercatura,

{ Fertilitas agrorum,

{ Marmor.

Mala, §. XIII.

{ Peſtilentia,

{ Incendia,

{ Belli calamitas.

ERRA.

# ERRATA

addenda ad calcem.

## PART. I.

Lege, pag. 16, lin. 23, *Vogtlandia*. p. 43, l. 28, *milliarium*. p. 49, l. 15, *tum, tum*; pro: five, five. p. 65, l. 23, *character*; pro: in-  
signe. Ibid. l. ult *milliare unum*; pro: milliarια tria. Item:  
*tria*; pro: unum. P. 66, l. 25. *Olsnizburgum*. p. 70. *Godofredus*;  
pro: Georgius. p. 89, l. penult. *Vogros*; pro: Vogtum. Item:  
*appellarunt*, pro: appellavit. p. 115, XVIII; pro: XXXII.  
Ibid. loc; pro lo.

## PART. II.

Lege, p. 159, l. 24, *fuit*, ante: Varisciae. p. 162, l. 7. *Post*  
*vim*; pro: Vim.



AYAT

PRAE-

# PRAEFATIO.

**Q**Uominus monumentorum  
de Variscia extat, eo iustius  
nostrum hoc molimur. Digna  
plaga nobilis, digna urbs urbium,  
cui tribuamus. Haud vero licet  
utrique sui praecones defuerint,  
dabitur tamen, speramus, nostra  
etiam in his nomina profiteri. V-  
tinam Beklerus affectum de Vogt-  
landia Nova et Antiqua opus  
consummasset! Quem Atlantem  
quod fata oneri huic inviderunt,  
eo minus nostra de Variscia, pari-  
ter et Curia Variscorum, pietas  
conticefcit.

B

Aucto.



Auctores, qui aut ex instituto de Variscia scripserunt, aut aliis monumentis quaedam attigerunt, hi fere sunt.

I, Christophori Philippi Valdensis, Equitis Varisci, Monumentum Historicum, I, de Maioribus nostris; II, de Voitlandis Nariscis. Ed. A. cl. loc LXXII.

II, Eiusdem Selectae Antiquitatis Libri XII. Ed. Norimb. cl. loc LXXVII. Accesserunt his Additamenta MSS vulganda.

III, M. Io. Georgii Pertschii Origines Voitlandiae, et celebris in hac urbis Bonifideliae, Tractatus bipartitus, quo Status praeus et hodiernus utriusque Reipublicae declaratur. Ed. cl. loc LXXVII, sumptibus Ordinis Senatorii.

IV, Petri Bekleri Illustre Stemma Ruthenicum, Teutonice scriptum. Ed. Sleizae, cl. loc LXXXIV, impensa Auctoris. Ei libro iungantur Nobiliss. Dn. Ieremiae Schroeteri Animadversiones edendae.

V, Petri Bekleri Historia Hovorea, similiter Teutonice perscripta. Ed. Curiae Variscorum, cl. loc XCIV. Ceterum in hoc opere auctor promissit Opus de Voitlandia Nova et Antiqua. Vid. P. I, L. III, C. 5, et P. II, L. I, c. 6. Sed, schedis MSS incendio urbis Sleizenis exustis, morte praeventus, fidem non liberavit.

VI, M. Io. Casp. Zoppii Chronicon Ruthenicum Geravien-  
se. Ed. cl. loc XCII.

VII, Lineamenta Historiae de Terra Advocatorum, sive Vogtlandia, publica disputatione proposita a M. Ehrenfrido Durrio, Mylenae Varisco, et Ehrenfrido Klozio, Reichenbacense Varisco, Ienae, cl. loc LXXV.

VIII, Caspari Bruschii Accurata, ut vocatur, Descriptio Montis Piniferi, Germanice concinnata A. cl. loc XLII.

Ed.



Ed. a M. Zacharia Theobaldo Iuniore, Vitemb. c15 l3c XII, recusa Norimbergae, c15 l3c LXXXIII.  
IX, M. Io. Villii Teutonicus Paradisus Pinifer, lingua Teutonica conscriptus, adhuc manu exaratus, sed prope diem luce publica, ut spes est, donandus.  
X, M. Enochii Videmanni Chronicon Curiae Regnitianae, confectum A. c15 l3c xcii. Vidimus pervolvimusque αὐτοῦ γράφον beneficio Ampliff. Dn. Christiani Haslii, Consulis Curienfis, Patroni optime maximeque meriti.

## PARS I.

D E

# VARISCIA.

## I.

**V**ARISCIA Regio pro Nariscia iam pridem dici coepta est: Nariscia a Gente Nariscorum.

Nomen Varisciae usitatus, quam antiquius: ortum ex nomine Narisciae. Ut autem Variscia pro Nariscia, sic Varisci pro Nariscis dicti. Dioni Casio, Historiae Romanae L. LXXI, ex Theodosio, *Nariscy* sed C. Corn. Tacito, de situ, moribus, et populis Germaniae, libro; item Iul. Capitolino, in vita M. Aurel. Antonini, Narisei audiunt. Tacito recentior Cl. Ptolemaeus οὐαρίσων meminit. *Varia*, de Geographia, II, II. *ὡς ἐπὶ τὰ σέθεντα ὄρη. τευριοχαιμαί. ὡς ὁ δὲ τὰ ὄρη εὐαγγελοί.* Supra Sudetos montes Teuriochaemae:

sub montibus autem Varisti. Latini nomina illa in Nariscos et Variscos commutarunt. Iam, unde utrumque nomen ortum sit, oppido dubium: praesertim, unde Narischorum. Horum appellationem Io. Aventinus, scriptor clarissimus, a Nardge derivat. Ait enim, suis temporibus Narischorum terram Nordge, et Nardge, appellatam esse, i. e. terram aquilonis. Vulgus appellare Narca: inde a Corn. Tacito Nariscos dictos. Ceterum, terram plagae septentrionis adversam vocari Sunderge. Anna- lium Boiorum I. Bilibaldus Birckheimerus, in Descriptione Noribergae, a Noricis antiquioribus derivat. Sed A- ventinus populos eos distingvit. Eodem enim, quem diximus, libro dicit, Boiariam omnem divisam esse in partes tres, quarum unam Narisci, iidemque indigenae, aliam Vindelici, tertiam Norici incolant. Casp. Peuce- rus, in Chron. Carionis, a confinio Norici. P. III, L. IV. Philipp. denique Cluverius a *THI NARISCHEN*. *Es enim, aut flumen Nabum accolis quondam dictum esse THI NARE; unde genti nomen derivatum THI NARISCHEN: aut genuinum nomen THI NARISCHEN Romanos vitiasse in Nariscos.* Germaniae, Antiq. III, 29. Id quo minus credi possit, vel unum hoc obstat, quod multo latius, quam circa Nabum fluvium, nomen Nariscum patuerit. Sed de altero iam nomine vi- deamus. Verbum *Ναρισκῶν* primus corrupisse fertur Ptolemaeus. Philipp. tamen Valdenfelsius depravatum incuria librariorum putat. Select. Antiquitat. XII, 20, 22. In alia vero omnia Aventinus abit, nec modo nomen aliunde ducit, verum etiam diversum populum facit. *Varistae, inquit, populi Germaniae, in Boemia cum Marcomannis habitant, quorum pars erant, dicti, quod saltus tenuerint, qui Varist Germanica lingua dicuntur.* in Nomenclatura quorundam pro-

propriorum Germanorum Nominum, "Annalibus prae-  
missa. Quae quidem ratio parum videtur verisimilis :  
verior Magnif. Dn. Io. Georgii Pertschii, Patroni de nobis  
incomparabiliter meriti. Is, non unam quidem eandem-  
que gentem Tacito et Ptolemaeo descriptam, autumat,  
sed tamen Variscos partem Nariscorum facit. *Neque enim  
putandum est, inquit, unam eandemque gentem nobis hos auctores  
descripsisse. Totum, a Danubio in Misniam usque, tractum Tacitus  
Nariscorum sedem facit. Ast non ea mens Ptolemaeo, qui partem  
tantum Nariscorum describit, eosque Varistos, aut (ut aliquid lar-  
giar) Variscos vocat. Ergo istum totam Nariscorum nationem ;  
hunc speciatim nostros descripsisse Maiores Voilandos, et ambo simul  
nomina in usu fuisse, asseverare, quid vetet amplius, non video.*  
Origin. Voilandiae, et celebr. in hac urb. Bonfideliae, P.I,  
C. 2. Contra ea Cluverius nomina invicem exaequat, ea-  
demque populum signasse unum, opinatur, et corruptum  
*οὐαρίσων* verbum existimat, non tamen, quod aliis persva-  
sum est, per omnia : nec mutandum necessario in *Ναρίσκυς*.  
Nam fere credit, vocabula, *Ναρίσκυς*, *Ναρίσκυς*, et *Ναρίσκας*, pro-  
miscue quondam Graecos usurpasse. German. Antiq.  
III, 29.

**II. Fuit ea Gens Germaniae superio-  
ris populus: id quod Tacito potissimum  
auctore constat, qui Nariscos iuxta Her-  
munduros, Marcomannos, Qvados-  
que, ponit.**

Nariscorum perobscura origo est, nisi quod, Germanos esse, nemo negat. Ita enim Tacitus: *Iuxta Hermunduros Narisci, ac deinde Marcomanni et Quadi, agunt.* de situ, morib. et pop. Germ. C. XLII. In media igitur Germania eos constituit. Hermundurorum sedem hodie habitant Misnici, Mancomannorum Bohemi, Quadorum Moravi, itemque, de quorundam sententia, Silesii. At de his quidem, adducta ratione, dubitat Beatus Georg. Casp. Kirchmaierus, Patronus noster, dum viveret, Patris loco Venerandus, Libro ad Tacitum Commentario. Conf. Summe Rev. Dn. Pertschius, P. I, C. 2. Tacito Capitolum addimus, qui memoriae prodidit, *conspirasse ab Illyrico limite, per integram Germaniam, usque ad Galliam: Marcomannos, Nariscos, Hermunduros, Quados, Svedos.* in vita M. Aur. Anton. Valdenselius natales populi sigillatim a Noricis arcescit: hos a Norice, sive Norico, ortos memorat: Noricum ceteroquin natum Manno, seu Alemanno, cognomento Hercule: hunc demum filium Tuisconis primogenitum. Lect. Antiq. XII, 9. Idem sentit Aventinus, qui tres Alemanni filios recenset: Noricum, Humnum, Helvetium. L. I. Noricumque regnasse scribit intra amnes Danubium, Oenum, Dravum, Italiamque. *ibid.* Tres ergo fluvios Norici meminit: Oenum, Danubium, Dravum. Conf. L. II. Noricorumque regionem nunc *Boios, Austriacos, Stirios, Charinos, Tyrolios,* tenere. *ibid.* Eandemque in Noricum mediterraneum primum, seu superius, et medium, dispecit: illud *Boios trans Oenum,* et *Tyrolios,* possidere; medium, seu secundum, *Styrios, Cariones.* *ib.* Attamen, velut supra ostendimus, a Noricis Nariscos sejungit. Si iungit ipse Valdenselius, in Monumento Historico. *ibi enim Noricos in populis non Germanicis numerat.* id vero

vero arguere inprimis Plinium, et Tacitum, asserit. Hic inquit: *terra* (puta Germaniae) *aliquanto specie differt, in un-*  
*versum tamen aut sylvis borrida, aut paludibus foeda: humilior,*  
*qua Gallias, verticofior, qua Noricum, ac Pannoniam, aspicit.* de  
 German. C. V. Arguere praeterea Beat. Rhenanum, Rer.  
 Germ. I. qvi Rhaetos, Noricos, et Pannonios, nihil unquam  
 cum Germanis commune habuisse, praeter Danubium,  
 qvi vtrisque loco liminis fuerit; proprioqve sermone, cul-  
 tu, institutisque, semper distinctos fuisse, referat. Item eun-  
 dem, eodem libro, scribere, potius videri, Marcomannos,  
 cum proximis Nariscis, et Hermundurorum parte, Danu-  
 bium transgressos, Noricum, Vindeliciam, et Rhaetiam se-  
 cundam, cum vicinis alpibus, occupasse. Aliud argumen-  
 tum inde petit, qvòd Romani Noricum, Rhaetiam, et Vinde-  
 liciam, ab Augusti tempore, usqve ad Odoacri irruptionem,  
 annos circiter qvingentos possederint. Narisciam contra  
 intactam semper Romano, externoqve imperio, fuisse. ite-  
 rum vid. Monumentum adductum. Ceterum paulo  
 post Iul. Caesaris tempora, post ultimum Noricorum Re-  
 gem, Critosirum, qvi post Vocionem regnavit, Noricum  
 in Romani Imperii provinciam redactum est. Perdomiti  
 enim Norici, Vindelici, Rhaeti, A. XV, P. C. N. a fratribus  
 Germanis, Claudio Tiberio, et Druso, Neronibus. Vid.  
 Avent. II. Aliud deniqve Valdensius argumentum a  
 Phil. Cluverio, ex Introduct. in Univerf. Geograph. III, mu-  
 tuatur, qvi Noricum ad vetus refert Illyricum: et, si qua  
 sunt alia, qvae libro saepe laudato commemorantur. Mi-  
 rum vero, cum Auctor a Norico, Manni filio, et Tuisconis  
 nepote, genitos Nariscos, putet, iisdem Germanicam ori-  
 ginem derogari. Accedit, qvòd idem ille Norgoviam (Teu-  
 tonice Norgau) asseveret, priscam fuisse Nariscorum ter-  
 ram,

ram, Narisciamque fuisse principalem amplissimi regni Norici partem, ac praevalentem provinciam. Lect. Antiqv. XII, 15, 20. Sed salva res est, facileque componi lis potest, si tamen a Cluverio discedamus. Videntur enim Norici distingvi posse in priscos, medios, et hodiernos. Omnes fuere Germanici sanguinis, at non omnes Germaniae populis annumerati. Antiqui, ut fuerunt Germani, ita tales habiti: ab iisque Narisci orti. Medii Germanis non accensiti. Atque hi sunt hodierni Austrii, Boii, Stirii, Carni, Tyrolenses. De his Peucerus: *Norici, inquit, Rhaeti, et Vindelici, olim non annumerabantur Germanis.* Chron. Car. L. IV. Accidit potissimum ideo, quod, cum Rhaetis, Vindelicisque, a Romanis victi, et in potestatem redacti essent. Hinc veteres scriptores, Tacitus, Plinius, et alii, Germaniae annumerare dubitarunt. Contra Narisci fuerunt libera gens, et invicta, saepe quidem bello a Romanis petiti, nunquam tamen domiti, semperque libertatem suam fortiter constanterque defenderunt. Denique Norici hodierni et pars sunt Germaniae, et habentur. Conf. Celeberr. Dn. Pertschius, P. II, C. 4.

**III. Nariscis Theodo, cognomento Primus, Dux Boiorum, plagam eam habitandam, colendamque dedit, quae Danubium inter, et Moenum, patet.**

Quoid anno factum sit, certo non liquet. Illud certe, Theodonem obiisse A. P. C. N. quingentesimo undecimo, teste Aventino, *III. De concessione ipsa Casp. Bruschi*  
memo-

memorat, eandemque regionem dici hodie ait Norckau. in Descript. Mont. Pinif. Ei assentiens Valdenfelsius vocat Norgau, sed appellandam iudicat potius Naristengau. in Monum. Hist. Repetamus dictum Taciti : *iuxta Hermunduros Narisci, ac deinde Marcomanni, et Quadi, agunt, eaque Germaniae velut frons est, quatenus Danubio praetextitur.* Quod Valdenfelsius sic explicatum dat : *Ad meridiem, usque ad Danubium, Narisci coluerunt ; Marcomanni eis ad latus sinistrum affecerunt ; sub his Quadi, orientem versus, in Silesia. Hermunduri fuerunt, ubi nunc Misnici et Thuringi ; Marcomanni, ubi hodie Bohemi et Moravi ; Quadi sunt Silesii atque Lusati.* Libro adducto. Cluverius autem ex eiusdem testimonio Taciti colligit, *Nariscos in ripa Danubii, inter Hermunduros, ac Marcomannos, qui Boiohaemum incoluerint, exisse. Limites igitur fuisse, a meridie Danubium, ab Oeni consumente ad Ingolstadtum usque : ab occasu lineam, hinc ad Moeni fontes ductam : ab ortu aestiva Boiohaemicos montes, ac saltus.* Germ. Antiq. III, 29. Brevius autem alibi fines definit. *Narisci, inquam, reme-runt inter Boiohaemi occidentale latus, et Danubium, lineamque a Moeni fontibus, ad oppidum Ingolstadtum ductam ; postmodo Armalausi dicti.* III. 3. Introd. in Geograph. Luculentissime autem describunt Strabo, et Ptolemaeus. Huius haec verba sunt, Geogr. II, 11. *ὑπὲρ τὰ Σουδητὰ ὄρη, Τευριοχαίμαι ἢ πρὸ ἐκ τὰ ὄρη Οὐαρίστιοι ὄρη, καὶ τὰ Βρίτα ὄρη.* Pauloque post : *ὑπὸ δὲ τῶν τὰ Βρίτα ὄρων, Μαρκομανοί.* Hoc est : Supra Sudetes montes Teuriochaemae : sub montibus vero Varisti : postea Gabreta sylv. Sub Gabreta autem sylv. Marcomanni. Sudetes montes partim sunt montes Misniae, partim Bohemici. In montibus sternitur saltus, tum Hercynius, tum Bohemicus. Pars saltus Hercynii est Thuringicus. Hinc intelliguntur *Τευριοχαίμαι*, suntque Thuringi.

C

Hi



Hi ultra montes, saltumque Thuringicum: Varisci intra. Saltum hunc excipit Bohemicus, qui est Gabreta sylva: huius autem iugum piniferum est mons pinifer. Adductus enim Auctor paulo antea, Nabum fl. ex Gabreta sylva profluere, tradit. Ultra Gabretam incoluerunt Marcomanni, i. e. Bohemi. Itaque Varisci Ptolemaeo ponuntur intra Sudetos montes: intra saltum Thuringicum, et Bohemicum: intra Theuriochaemas, et Marcomannos, i. e. Thuringos inter, et Bohemos. Verbo: Varisci a Bohemis distincti interposita Gabreta, seu Bohemica sylva: a Thuringis saltu Thuringico. Ordo rerum: Thuringi, saltus Thuringicus, Varisci, saltus Bohemicus, Marcomanni, seu Bohemi. His ita expositis, negotio nullo intelligi poterit Strabo, de Geograph. VI. *Ἔστι δὲ καὶ ἄλλη (post Ἐρκύνιον δρυμὸν) ὕλη Γαυρήτα μεγάλη, ἔπειτα δὲ τῶν Σνήνων · ἔπειτα δὲ ὁ Ἐρκύνιος δρυμός · ἔχεται δὲ καὶ κείνος ὑπ' αὐτῶν.* Est vero et alia sylva Gaubreta magna, postquam Svevorum sedes: deinde Hercynius saltus: quem et ipsi Svevi tenent.

IV. Quare per ampla fuit regio, Palatinatum superiorem, Comitatum provincialem Leuchtenburgicum, terram Egranam, montesque Nariscorum, complexa.

De Palatinatu superiore, qui et Boicus dicitur, ut et Landgraviatu Leuchtenburgenfi, vid. Cluver. German. Ant. III, 29. De terra Egrana Casp. Bruschius, qui, pertinuisse



nuisse ad veterum Nariscorum terram, diserte scribitur :  
 item, eam totam regionem Ducem Bojorum, Theodorum  
 I. Nariscis incolendam dedisse. in Descript. Mont. Pinif.  
 Montes Nariscorum Volfgango Lazio dicuntur Sudeti ter-  
 rae Nariscorum montes. de Gentium Migrationibus. L.  
 vii. Conf. Valdensellius, xii, 20. Hinc Bruschius Bayru-  
 thum salutis Marchionum Brandenburgensium oppidum  
 in Voithlandiae (Varisciae) montanis situm. in Chronogr. Mo-  
 nast. Germ. Peucerus Franconiam montanam nuncupat.  
 Ita ille : *Marcomannis, et Hermunduris, interiecti fuerunt Na-  
 risi, quos Variscos Ptolemaeus nominat, ubi Franconia montana,  
 et Bavariae superioris pars aliqua, ad Noricum usque protenditur,  
 complectens Egram, Coburgum, Bambergam, Neagoram, Amber-  
 gam.* Chron. Car. L. iv. In montibus Nariscis, praeter  
 tractus alios, tractus est Bonsideliensis, olim dictus terra  
 Boxburgiorum, Teutonice, der Boeckler Art, aut, das  
 Boecklerlaendlein. Primi enim possessores ac domini fu-  
 erunt Equites Boxburgii, Teutonice, de Boxburg. Vid. Ex-  
 cellentiss. Dn. Pertschius, l. 7. Conf. Bruschius, qui ve-  
 teri Narisciae Vogtlandiam adiungit : qua in parte dissen-  
 timus, paulo post rationem reddituri. In praesens mo-  
 nemus saltem hoc, Vogtlandiam veteris Varisciae porti-  
 onem nequaquam fuisse. Bruschium haud dubie secutus  
 Valdensellius, statuit, Nariscorum non minimam partem Voith-  
 landos extitisse, qui nunc generali vocabulo Narisci vocentur. Sta-  
 timque subiungit : Generalis regni Narisciae Voithlandiam tan-  
 tummodo praecipuam partem esse. Item : Regnum illud incipere a  
 Misnia et Thuringia, ac extendere se prope Bavariam : compre-  
 hendere Voithlandiam, Palatinatum, tractum Norimbergensem,  
 item magnam partem bodiurnae Franconiae. in Monum. Hist.

V. Sed, progressu temporis, multum deminuta, ac pluribus divisa Dominis, maximam partem cum vicinarum nominibus ditionum coaluit : solus Curiensis tractus, pariter et Bonfidelienfis, veteris nomen Varisciae, honoremque, conservavit.

Accidit, interempto Ottone II, Andechisanae stirpis ultimo, anno C. N. c. cc. XLVIII. Post Principis excessum, cum reliquae regiones, tum Ducatus Varisciae, discerptus in partes est. Potentissimus quisque invasit. Persequamur haec minutatim. Palatinatum superiorem, perinde ut Comitatum Leuchtenburgensem, Boiico limite, comprehensos, Boius occupat : terra Baruthina, ut et vicina Variscia, cedit Burggraviis Norimbergensibus, qui deinde Marchiones Brandenburgici creati. Valdensfeldius, XII., 32. Egra quondam fuit Marchionum Vohenburgiorum in Boioaria. Theobaldus autem, ultimus eius terrae possessorum, dedit filiam suam, Adelheiden, susceptam ex Loicarde, Henrici, Boiorum Ducis, filia, Imperatori Romanorum, Friderico Aenobarbo. Filiae illam urbem, et circumiectam terram, quae iis temporibus principatus erat. Id quod factum est A. c. c. LXXIX. Inde ex urbe principali facta Caesarea, talisque mansit ad annum c. c. c. cc. xv, per annos adeo c. xxxvi. Sed, A. c. c. cc. cxv, ab

Impe-

Imperatore, Ludovico Bavaro, inter quem, et Fridericum, Anticaesarem, supra octo annos bellum fuit, pignori opposita, pro millibus marcarum, quas vocant, quadraginta argenti, Ioanni, Regi Bohemiae, et Poloniarum. Exinde facta urbs regia Bohemica: estque etiamnum, urbs eius regni splendida et insignis: ceterum Bohemicis montibus non clausa. De his videatur apud Bruschiū, libro saepius adducto. Reliqua Variscia ad Comites Orlamundanos, ab hisque subinde, per emptionem, ad Marchiones Brandenburgicos pervenit. Praedia Franconica Antistites, Bambergensis, et Herbipolensis, repetere. Valdenselius, XII, 32.

VI. Ut tamen Varisciae limes immutatus, ita, accessione Vogtlandiae, auctus est. Fuit autem Vogtlandia pars Osterlandiae, quae pars novum induit nomen, posteaquam Domini Veidenfestitulum Advocatorum, honoris causa, asciverunt. Cumque aliqua veteris Varisciae portio aliquandiu in Vogtorum, ut appellabantur, potestate fuerit, hinc factum, ut Variscia Vogtlandia, perinde ut Vogtlandia Variscia, promiscue salutaretur.

Recentius multo, quam Varisciae, Vogtlandiae vocabulum est. Fuit enim Vogtlandia olim pars Osterlandiae. Petrus Albinus certe Vogtlandiam diserte vocat Osterlandiam: Chron. Misnic. P. I, Tit. 21. Hanc autem dicit regionem superioris Saxoniae, sitam inter Salam, et Muldam, fluvios; incipere a fontibus Elystri, ac ferre productam esse usque ad Salae, et Albis, confluentes: finesque, quos alii statuunt, Elystrum inter, et Muldam, nimis angustos: denique Osterlandiam comprehendere, partem hodiernorum Vogtlandorum. Id. Tit. 14. Componatur Ern. Brotius, limites Osterlandiae definiens, Chron. Martisb. L. II, C. 33. et Anhaltino, L. II, C. 9. Ceterum Osterlandia ita dicitur contemplatione Thuringorum, quibus, orientem versus, est finitima: Eamque ob causam Ostduringia, et item Ostlandia, nominatur. Vid. Magnif. Dn. Adam. Rechenbergius, Dissertationum Historico-Politicarum varii et curiosi argumenti volumine, P. II, Dissertat. 18. de vetere Osterlandia. Proinde, de quorundam sententia, incolae non pro Misnicis, sed pro Osterlandis Thuringis, aut Thuringis orientalibus, habiti. Albin. Tit. 14. Multos autem in comitatus, et dynastias, divisa fuit. Fuerunt in his, exempli causa: Plavia, Veida, Gera, Svanfelda, Greiza, Leucopetra, Groitscha, Pleissa, Altenburgum, Vetinum, Brenna, Iltenburgum, Vurcena, Rochlicium, Coldicium, Leisnicium, Penigium; item Marchionatus Landsbergensis. Id. ibid. De dynastia Landsbergensi, Tit. 15. Item Lobensteinium, Sleiza, Veida, Triptitium, Steinium, Salburgum. Ad M. Io. Zopium, Chron. Ruthenico Geraviensi, C. IV. Universe in partes tres descripta erat terra haec orientalis. Una inter Salam, et Elystrum, parui: alia Elystrum

lystrum inter, ac Plissam, eademque pars terra Plisenensis dici sivevit : tertia inter Plissam, ac Muldam. Ceteroquin tota Osterlandia initio dicta terra Hermundurorum : deinde Sorabia : tum Osterlandia. de qua appellatione vid. iterum Zopium, loc. adduct. Progressu temporis secunda, ultimaque, adscripta, et innexa est Misniae, quae regio quondam intra Muldam Albimque continebatur. Factum auspiciis Conradi, Comitis Vetinensis, eiusdemque deinde Marchionis Misniae, et Lusatiae. Hic, et, post ipsum, posterius Osterlandiam, in qua dynastias quasdam hereditatis lege possidebant, Marchionatui Misnicio maximam partem sensim innexuerunt. Albin. Tit. 14. Prima autem Osterlandiae pars coepta est dici Vogtlandia. Hinc modo dictus Scriptor Vogtlandiam diserte appellat Osterlandiam. Tit. 21. Deinde multi Osterlandiae comitatus, dynastiaeque, in hodierna Vogtlandia cernuntur. Tercio urbes Vogtlandiae propriae omnes a Geographis Osterlandiae veteri inferuntur. Vide, e c. Abr. Ortelii Theatr. Orb. Terr. Iam vero, Vogtlandia unde dicta sit, curae sit dispicere. Placet quibusdam derivare ab arce pervetusta Vogtsberga. Sed, Vogtsberga a Vogtlandia, dubium, an Vogtlandia a Vogtsberga, dicta. Longius vocis originem quaerunt, qui ad C. Iul. Caesaris tempora referunt, et, nescimus, a quo Vogto, antiquorum Noricorum Rege, arcessunt, idemque nomen a Romanis corruptum iactitant, et mutatum in Vocionis. Hunc enim I. Caesarem Regem Noricorum appellare, eiusque alteram sororem ab Ariovisto, Germanorum Rege, uxorem ductam, memoriae prodidisse, Commentar. de B. G. I. it. Comm. de B. C. I. Compon. Aventin. Annal. Boi. 11. Nam, qui sic statuunt, Vogtlandiam



diam pro parte praecipua magni Norici venditant. Fabulae. Nihilo rectius videntur iudicare, qui a Vitis, seu Voitis, i.e. a Svitenibus, vocem trahunt. Hos enim Cimbriae incolas fuisse: inde, post diutinam migrationem, ab Helvetiis in viciniam ascitos: tum a Nariscis in societatem, pariter et viciniam, receptos, ultra migrantes Nariscos habuisse comites: hisque postea, a diuturna societate, nomen Voitarum remansisse. Quam appellationem Valdensius veri non dissimilem pronunciat, Monum. Hist. Sed idem tamen ille, eodem loco, coniecturam facit, Vitas, a Nariscis in societatem et viciniam assumptos, et in Helvetiam proficiscentibus, cum ceteris popularibus et Saxonibus, ascitos, Patres esse Svitenium; i.e. quasi Saxovitenium. Olim enim Germaniam coluisse tres insignes et praeclaras gentes: Vitas, Saxones, et Anglos. At vero haec talia pererudite expendit ac refellit Magnif. Dn. Pertschius, P. I. C. 3. Rem haud dubie acutunt, quorqvot a Vogtis verbi incunabula accersunt. At enim neque horum eadem opinio. Aiunt quidam, vixisse quondam in Nariscia Equites celebres, Voitos genere, auctoritate insignes. Qui cum maximam Vogtlandiae, tunc habitabilis, partem tenuerint, facile fieri potuisse, ut tota illa ditio Vogtlandia, quippe Vogtorum terra, diceretur. Vid. Acta Foundationis Coenobii Gurienf. in Chron. Cur. Sed aut illud probari debet, extitisse unquam tales homines, aut certe, terram nostram ab iis nomen cepisse. Nobis quidem nomen Vogt videtur commune. Quid autem sit, quam definiamus, ante de ipsa notatione videamus. Perplexum hic et obscurum omnia, vix ut habeas, ubi pedem fagus. Quidam, Germanicam esse illam vocem dicunt, alii Latinam, Graecam alii, alii denique Hebraicam.

Mart.

Mart. Magerus *IC*, ab Hebraeorum radice *קפ* *ד* deducit, Advocatiae Armat. C. 2. M. Andr. Helvigius primo a derivato *קפ* praepositus, praefectus, tum autem ab radice, adducta. in Etymologiis et Originibus Dictionum. Plures a Graeco *βοηθός*, quod est adiutor curarum reip. et plebis scriba; unde *βοηθία* emergit, administratio, praefectura, auxilium. In quibus est Andr. Knichenius, de Iure Super. in Comm. I. alter. territ. C. 4. et Andr. Althamerus, Comment. ad Tacit. de Morib. German. Conf. Petrus Beklerus, in Historia Hovorea, quam in honorem Illustrissimae Prosapiae RONOVIANAE elucubravit, P. II, L. I, C. 2. Ioanni Iacobo Draconi videtur verbum Vogt ortum a Latino Advocatus, in egregio tractatu de Origine et Iure Patriciorum. Conf. Beklerus, ibidem. Melchior autem Goldastus, ad Tyrolem, conatur ostendere, τὸ Vogt καὶ ἀφάρισον ex Latino VoCaT deductum esse. Qvem Christoph. Besoldus refutat, eo quod plane priscum sit Germanicum Voget, testimonio multorum Germanicorum rituum antiquissimorum, Disc. de Iure Foed. C. 5. Voget autem sine dubio est ab antiquo verbo Voegen, disponere, ordinare. Vid. Thomae Franzii pro Carolo Magno, primo Feud. Auctore, defensio, Struvii Syntagm. Iur. Feud. annexa: ubi simul dicitur, illos, qui maius imperium habuerint, vocatos esse Voegete, a dispositione nempe, et imperio. Contra sunt, qui contendunt, Vogt esse eum, qui vorgehet, ut Furst, qui furstehet, vel fur ist. Valdens. Sel. Ant. XII, 23. Mirabilius ludit Stielertus, alio nomine dictus Spate, Vogt a Voden deducens. in Grammaticae Teutonice (Teutscher Sprach-Kunst) Cui fere assentiens Iust. Georg. Schottelius, ait, *Vod* venire a *voeden*, quod sit *fovere*, *alere*, *nutrire*. *Maerobodum* esse *Mebrvood*, i. e. *alumnus maior*.

D

TEM,

*image  
not  
available*



magistratibus Otho, magnum certe consularium numerum, non participes, bello contra Vitellium, sed Comitum specie, secum iussit expedire, ut Tacitus prodit. Ceterum Comites illos Principum amicos, familiaresque, honoris causa dictos, ex Hadriano Aelii Spartiani, et Aelii Lampridii Alex. Severo, elucescit. Conf. de haecenus dictis Desideratissimus noster G. C. Kirchmaierus, Lib. Comment. in C. C. Tacitum de German. Temporibus autem Constantini M. Constantii, Iuliani, Valentiniani, Theodosii, Imp. et numerus Comitum crescere, et contra ea Praefecti sensim paulatimque in desuetudinem abire, Praeficiebantur Comites, similiter ac antea Praefecti, summis aulae, militiae, provinciarumque muneribus, et officii, auctoritatis, atque observantiae ergo, Principi aderant, eum domi militiaeque sectabantur, consilio iuvabant, et, ut socii, ut assessores, ut iudices, forensibus rebus praeerant, ea ratione, ut reip. bene esset, et iustitia omnibus constaret. Erant igitur vel Praefecti proprie dicti, vel iudices. Inde auditi Comites sacri Patrimonii, sacrarum largitionum, rerum privatarum, quibus res familiaris omnis commissa; domesticorum, thesaurorum per Thracias, horreorum, qui mancipia quaedam habebant, purgandis horreis, et panis Principis coquendo, dicata; laborum, quibus domus imperatoriae artifices, opificesque, subiecti erant; scholarum, quorum munus erat, ut praessent epulis imperatoriis, et pace ac bello obsonia curarent; stabuli: item Comites rei militaris, rei castrensis per Africam. Vid. Ammianus Marcellinus passim: item iterum iterumque laudatissimus Kirchmaierus. Conf. Bekl. H. H. P. I, L. III, C. 7. Erant etiam apud Francos Comites sacri Palatii, erantque, iudicante Becklero, iidem, atque

que apud Romanos erant Quaestores sacri Palatii, atque  
 hodie sunt Cancellarii. C. 5. Tum vero Comites et iudi-  
 cum officio fungebantur, vel in aula, vel in agro. Aevo  
 Iustiniani Imp. Comitatus erat in curia, seu aula Principis,  
 Iudicium Regium. l. milites, §. ignominiosa. ff. de re mil-  
 lit. ubi erat Imperator. Erat igitur tribunal summum.  
 Conf. Beklerus, P. II, L. I, C. 2. Huc pertinent Comites Pa-  
 latini, qui reddebant ius in praetorio, seu foro iuridico so-  
 lenni, Teutonice dicti Pfalzgrafii, a Palanz, Pfalz, quod  
 Praetorium est. Vid. saepe laudatus, nec unquam satis  
 laudandus, B. Kirchmaierus. Dehinc Comites erant in  
 agro constituti, quorum permulti erant. Erant autem alii  
 maiores, alii minores. Bekl. P. I, L. III, C. 7. Huc perti-  
 nent vetera illa nomina: Comes per utramque Germa-  
 niam, Comes Orientis, Comes Divitensium et Tungrica-  
 narum partium. Imo fuit et Comes maritimus. Vid. Am-  
 mian. Marcellinus, et conf. idem ille B. Kirchmaierus. Huc  
 pertinent Comites veterum Germanorum, de quibus Ta-  
 citus: *Eliguntur in iisdem conciliis et principes, qui iura per  
 pagos vicosque reddunt. Certe singulis ex plebe Comites,  
 consilium simul et auctoritas adsunt.* de German. C. xii.  
 Huc pertinent Comites, qui recentiore aevo pro-  
 vincias regebant, seu Comites Provinciarum. His da-  
 tae et creditae erant provinciae, ut administrarent no-  
 mine Imperatoris et Imperii, certique terrarum tractus:  
 huc Comites Limitanei, et qui ad tutandas provincias, et ar-  
 ces, ab Imperatoribus, et Regibus, in imperio constituti  
 erant. Bekl. P. I, L. I, C. 5. Carolus enim M. pellebat ex  
 Boioaria Hunnos, et postea, ibi multiplicatis Slavis, prae-  
 fecit his finium Comites, ut fines adversus irruptiones ho-  
 stium tuerentur. Id. ib. Praefecturae etiam Limitaneae con-  
 stitutae ab Henrico Aucupe, et aliis, contra Henetos, Sora-  
 bos

bos, Bohemos, Polonos, et Silesios, Danos. Contra primos Brandenburgensis, secundos Landsbergenfis in Osterlandia, tertius Misnica, quartos Lusatica, quintos Slesvicensis. Officium Marchionum fuit tueri limites contra proximios, et proferre; defendere bonos, et punire malos. Petr. Albin. Chron. Misnic. P. I, Tit. 9. Eundem fere in modum scribit doctissimus Georg. Fabricius. Henricus inquit, Auceps, Praefectos certis locis constituit, qui limites defenderent, quos Marchiones appellavit. Slesvicensem, oppositum Danis; Brandenburgum, Vandalis; Misnensem, et Lusaticum, Bohemis, et Polonis: nam hi populi omnes Saxonibus erant infensi propter potentiam; cum subita incrementa eos ad suam perniciem capere cernerent. Praeficiebat autem spectatissimum quemque de nobilitate: unde matris illustres familiae adhuc ducunt originem. Originum Illustrissimae Stirpis Saxonicae L. II. Qvin etiam, imperante Carolo M. et Orthonibus, ut et Imperatoribus Francis, omnibus urbibus Comites praeficiebantur. Unde factum, ut ager circumiectus diceretur Comitatus. Bekl. P. I, L. III, C. 7. Constituebantur, consequenti tempore, etiam Palatini super integram regionem, qui excellentiore titulo Comites Palatini salutabantur. Vid. toties laudatus B. Kirchmaierus. Reliqua Comitum nomina fere sunt: Centgravii, qui in centenis iurisdictionem exercebant; Dickgravii, quibus conservatio aggerum demandabatur; Dinggravii, i. e. iudices pedanei; Gogravii, i. e. iudices agrarii; Hansgravii, i. e. litium, ad mercaturam pertinentium, Comites; Holzgravii, Lehengravii, Raugravii, Comites Rheni, qui circa Rhenum summae rerum praeerant; Rugegravii, Salzgravii, Spielgravii, Vicegravii, seu Vicecomites, Vildgravii, Virgravii, qui muletis exigendis praepositi erant. Conf. denuo B. Kirchmaierus. Ceteroquin Comites omnes initio per-

perui non erant , sed temporarii , eoque minus eiusdem heredes dignitatis. Adeatur iterum B. Kirchmaierus. Post longa tamen tempora multorum , eorundemque bene meritorum , titulus factus est hereditarius. Conf. Bekl. P. I, L. III, C. 8. et Albin. P. I, Tit. 9. Demum vero de Comitibus unum hoc addimus, hunc titulum, quia officii nomen fuit, durasse usque ad seculum decimum : ab eo fere tempore coepisse nomen Advocatorum , idemque usurpatum esse usque ad seculum duodecesimum. Igitur, qui ante seculum decimum fuerunt Comites, iidem postea, Advocati. Conf. Bekl. P. II, L. I, C. 2. Horum originem Scriptores Henrico Aucupi Imperatori tribuunt. Is multa in his terris tanto Principe digna gessit, et in medio Trianguli, ut vocant, quod oppida Lengenfelda, Reichenbaccum, et Hirsfelda, constituunt, cum populo, quem Vandalos esse quidam volunt, signa contulit, eumque fregit. A praelio sylva ibi nomen tulit, et Streitholz dicta est. Multa hinc loca Henricus restitui curat : inque his urbem Zvickaviam, ubi Praefectum Cuniconem ordinat, qui Advocatus Zvickaviae appellatus est, a quo Advocatorum, seu Vogtorum, nomen remansit. Desumpsimus haec ex Matth. Dress. de Urbib. Germ. qui addit, eos Advocatos postea coepisse appellari Voigtos Plauenses, a loco, quem tenerint : postea vero in familias plures quasi disseminatae esse, Geranam, Veidensem, Ruthenicam. Haec vero nos, ut nusquam alibi, quod quidem sciamus, tradita, inter dubia ponimus. Illud exploratius est, varia fuisse Advocatorum genera, proinde ut Praefectorum, ut Comitum. Universe autem Advocati vel seculares fuerunt, vel Ecclesiastici. Ex illo genere Landvogti, Schirmvogti, Burgvogti. Ita Carolus M. Vitekindum IL Vitekindi M. filium, Landvogtrum Soraborum constituit. Atque S. Her-



S. Hermanni L. filii, et Ludovici S. fratres, Thuringiam, et Hassiam, tutelari imperio administrantes, Landvogti Thuringiae, et Hassiae, dicti sunt. Eiusdem generis et fuerunt Advocati Austriae, Comites Pabebergii, Albertus et Leopoldus. Vid. Bekl. Illustr. Stem. Ruthen. Saxones trans Albim Caroli M. Landvogtos trucidasse legimus. Valdensels. Antiqu. xii, 23. Latissimum enim Vogtorum verbum est, et quosvis Satrapas, Praefectosque, designat. Talem etiam Praefectum quendam Pabebergium Georg. Fabricius nominat. *Dedo I. inquit, Thimonis, Marchionis Misnensis, filius, uxorem ducit Bertham, Viperti, Osterlandiae Marchionis, et Comitris Groizensis, et Adelbeidis Brabantinae filiam; ex qua genuit Meschtildim, nuptam Comiti Rabadoni, Praefecto Pabebergio, quem Advocatum nominant Annales, et Voctum lingua appellat vernacula.* Origin. Illustr. Stirp. Sax. L. V. Advocati Ecclesiastici Ecclesiarum, sacrorumque, tutores fuerunt. Tantique hoc ius Advocatae fuit, ut vel ipsi Imperatores Augustissimi huiusmodi Advocatorum titulum, tanquam egregium decus, arripuerint. Bekl. H. H. P. II, L. III, C. 15. Ita Henricus Auceps, propter summum ius Patronatus, quod in Ecclesiam Romanam habuit, strenuus Ecclesiae Advocatus audit. Vid. Bekl. Ill. Stem. Ruth. Ita Advocati, i. e. tutores Ecclesiae, appellati sunt similiter. Carolus M. Fridericus I. et eius filius, Henricus VI. Idem H. H. P. II, L. I, C. 2. Universe Imperator Romanorum, Iure Sax. Advocatus Romanus, (Obrister Vogtherr der Kirchen) appellatur. Valdensels. Antiqu. XII, 23. Quemadmodum autem Imperatores in Administratione reipubl. Advocatos sibi adiunctos habuerunt, ita etiam in Ecclesia, ut Magistratuum secularium munia obirent. Id. Ill. Stem. Tales autem Advocati, et Patroni, fuerunt constituti super Episcopatus, Abbantias, et Monasteria. Valdensels. Id. Henricus

ricus I. Imp. ius advocatiae dedit Arnolpho, Alemanniae Duci, seu Duci Sveviae, super Monasteria multarum donatarum dynastiarum. Ante hunc Carolus M. Goenobii Campidonenfis designavit et constituit Voitos; seu Advocatos: Ducem Bavariae ad Marschallum, Saxoniae Ducem ad Pincerniam: Montis Fortis Comitem ad Dapiferum: Comitem de Nellenburg ad Camerarium: quae munera advocaturae dicebantur. Id. ibid. Similiter Comites Vetinenses, Landgravius Thuringi, et Margravius Misnici, olim multorum Coenobiorum, ut Reinhardsbrennensis, Pegaviensis, aliorumve, Vogti fuerunt. Bekl. Ill. Stem. ubi, more suo, diplomata adducit. Multi alii Principes, in Edictis suis, eodem nomine sese extulerunt. Ita Conradus, Palatinus Rheni, publice se nominari curavit Aedium Vormatiensis, Vurciburgensis, Argentoratensis, Spirensis, Fuldenfis, et Veissenburgensis, Praefulem, et Castenvogtum. Valdenselius, l. d. Ut propius in rem veniamus, Vogti etiam Domini Veidenses, dicti sunt: non tamen constituti. Ultro enim titulum Vogtorum, tanquam singularis honoris ergo, sibi addiderunt. Testis est ipse Beklertus, qui ait, *Eckebrechts, Comitis Osterodensis, Svarcenbergensis, et Plauensis, et Dynastae Veidensis, filium, Henricum I, Comitem Osterodensem, Dynastam Plauensem, se Voitum appellari passum.* Ita enim se ipsum nominasse: *Henricum I. Dei Gratia, Voitum, Comitem in Osteroda, Svarcenberg, Glisberg, et Plauen.* Henricum autem II. *primo omnium appellatum Voit de Ryda, et postea Voitum Voilandiae.* Ita vero se nominasse: *Henricum II. Dei Gratia S. R. Imp. Voitum, Comitem in Osteroda, Svarcenberg, et Glisberg, Dominum a Plauen.* Huiusque filium Henricum III. se appellasse: *D. G. S. R. I. Voitum, Comitem in Osteroda, Svarcenberg, et Glisberg, Dominum a Plauen.* Eun-

Eundem se appellasse, patris exemplo, *Voitum in Vyda*: eundem porro non solum illas dynastias tenuisse, sed simul toti Voilandiae imperitasse: eundemque illum dictum esse cognomento Divitem, S. R. I. Advocatum, Dominum in Vyda. Denique huius Henrici, Domini in Vyda, quatuor filios, Henricos, omnes omisisse titulum Comitum in Osteroda, Glisberg, Sparcenberg, et Dominorum a Plauen, et sponte assumpsisse titulum Voit, quippe maioris tunc honoris et dignitatis verbum, et, tanquam hereditarium, ascripsisse. Vid. Bekl. Ill. Stem. R. Conf. Paul. Langius Chron. Citizens. ad ann. cto cxciii. Quod sitamen Advocatia Ecclesiastica spectatur, Domini, quos diximus, Veienses, et Plavienses, a Friderico I. Imp. eiusque filio, Henrico VI. circiter A. C. cto c l, Advocati, et Patroni Monasteriorum huius viciniae creati sunt. Bekl. H. H. P. II, L. I. C. 2. Tandem vero nunc e diverticulo in viam revertimur, et, unde Vogtlandia dicta videatur, perquirimus. Negamus autem, a Praefectura dictam esse CL. Drusi Neronis; et negant nobiscum plerique: multi autem dubitant: pauci existimant, eo regionis Drusum, Augusti Caes. privignum, Liviae Drusillae ex Tiberio Nerone filium, penetrasse. Inter affirmantes est Peccensteinus, qui Theatr. Sax. affirmare non erubescit, Drusum, Tiberii Imp. aetate A. post C. N. xxi, illum terrae tractum occupasse, et propugnaculum Voitsberg extruxisse, ibique sedem fixisse, eamque ditionem postmodum Romanis Praetoribus, seu Advocatis, hereditati cesisse. Adducit ea causa versus, in arce illa repertos, quos ipsi nos vidimus, in atrio Principalis Coenaculi, in pariete, ad sinistrum latus, adscriptos. Sunt versus autem isti:

*Castra locans Drusus hic Praetoria nomina monti  
Fecit, posteritas servat et illa sibi.*

202111

E

Drus

Drusus, der edle Römisch Voigt, /  
 Erbauer diesen Berg in Noth, /  
 Da Er Krieger in Teutschland pflegt, /  
 Voigtsberg heist er noch diesen Tag, /  
 Darnach ward auch von ihm genant, /  
 Diese Gegend, und heist Voigtland.

Primum Latinos illos lectos fuisse ferunt: his autem postea  
 deletis, rythmos hos Germanicos ab alio Vogtlandiae,  
 Praetore Romano substitutos. Inde quidam Latinum  
 nomen finxerunt, ac regionem circa Vogtsbergam terram  
 Praetorianam appellarunt. Illam enim, ab Romanis in  
 provinciae formam redactam, a Praefectis Romanorum  
 continenter administratam esse. Conf. Bekl. III. Stem. R.  
 Nos quidem, et magna historicorum manus, versus istos  
 spurios, ingenioseque confictos, ducimus. Multis enim,  
 cur ita sentiamus, causis adducimur. Nam, primo, quid-  
 ni potius marmoreae statuac, aliave tropaea, erecta? Deinde,  
 nunquam in hance Germaniae mediae partem venit  
 Drusus. Nemo historicorum, qui bellum eius Germani-  
 cum exposuerunt, mentionem facit, unquam terram  
 Nariscorum oppugnasse, nedum eius rei vestigia reliquisse.  
 Repulsi, aliquando Narisci, sed foris; at in suis sedibus  
 invasi nunquam, multo minus bello subacti. Postquam  
 Rhaeti, Vindelici, Norici, ut et Daci, crebras cis Danubium  
 irruptiones fecerant, igne et ferro omnia vastaverant,  
 concitatus Caesar Octavius Augustus Drusum cum imperio  
 misit. Hic Noricos, Vindelicosque, aggreditur; in-  
 que ditionem redigit. Veniunt auxilio Narisci, Marco-  
 manni, Quadi, atque Svevi: ad Istrum, Germaniae ter-  
 minum, hosti resistunt. Quo factum est, ut cum ceteris  
 Narisci repellerentur. Statutus tunc limes Danubius Ro-

manos



manos inter, et Noricos: ripa Romanorum praesidiis munita. Vid. Avent. I. Cum autem eo ipso tempore, Sicambri, correptis subito armis, M. Lolium cum copiis profligassent, et, in Romanorum ignominiam viginti e Romanis centurionibus crucibus affixissent, vindicta de novo Druso delegata. Igitur cis Albim Sicambros, et Cheruscos, eorumque foederatos, adoritur, et trans Albim submovet. Videantur, Dio Cass. LIV. Vellei. Paterc. Hist. Rom. II, 97. Eutrop. Breviar. Rom. Hist. VII, 5. Conf. Avent. II. Trans Albim quidem tunc Svevi, Marcomanni, et Narisci, victoris traiectionem expectant: sed Drusus non traiecit. Neque item ulli Romanorum alii traiecerunt. Strabo certe auctor est, Drusum Germanicum, inter Salam, et Rhenum, fluvios, mortuum esse. Geogr. VII. Idemque plagam, quae trans Albim Oceanum ipse, Romanis prorsus esse incognitam; et mox: Romanos Albim ipsum non transieciisse. ibid. De Druso Io. Xiphilinus scriptum reliquit: Drusum, Tiberii fratrem, missum contra Celtas, qui trans Rhenum incolant, capitis rebus omnibus, quae factae essent obviam, usque ad Albim fluvium esse progressum, qui a Vandalorum montibus maximus in eum Oceanum insuat, qui spectet ad septentriones. Ibi quandam mulierem inusitata magnitudine ei occurrisse, atque ita dixisse: Quo pergis Druse cupide, et inexplebilis, non enim potes haec omnia ex facie videre: quamobrem recede, nam tibi iam adest exitus vitae, et rerum tuarum omnium. Itaque Drusum, cum celeriter revertetur, tamen in itinere morbo extinctum esse. Epit. Dion. L. V. Io. Aventinus, et interdixisse Caesarem Augustum, ne Albim traiceret, et, quo mortis genere functus sit, simul enarrat. Caesar Augustus, inquit, sentiens, se Gallias et conterminas provincias, tuto, et quiete non posse tenere, quod crebro Germani in Romanas provincias, facilem nacti occasionem,

ALC

E 2

incur-

incurrerent, omnia iniquitarent, igne, ferro, flamma, cuncta, vastando: simul et in bonorem patris sui Caesaris, quem, bis transversum ponte Rhenum, bellum quaesivisse sciebat, Germaniam facere provinciam concupivit. Curam atque onus Germanici belli Cl. Druso Neroni delegabat. Paulo post: Drusus Bonnae, Novesiumque, Rhenum pontibus iunxit, clasibusque firmavit. Catos, Syambros, Suedos, Angilos, Cberuscos, i. e. Hessos, Bessofalos, Thurogos, Saxones, cis Albim, pariter aggressus, qui Sdrvis trans Albim, et in Brojemia (quorum Rex Marobodus) foederati erant. Caesar etiam Augustus Albim transgredi vetuit, ratus, se facilius domitum hos, si Transalbiani quieti essent, nec eos lacesivisset. Species quoque, mulieris Germanae habitu, Drusum amplius tendere sermone Latino prohibuit. Pauloque post: Drusi monumentum adhuc Moguntiaci monstratur, cuius et Didus Hieronymus mentionem facit. Exercitus enim ei honorarium tumulum excitavit, circa quem deinceps statim die quot annis miles decurreret, Galliarumque civitates publice supplicarent. L. II. Quae cum ita sint, pudeat sententiae, quam supra exposuimus, fautores, ex calamitate captare laudem, in nobilitate victoris quaerere gloriam, Drusos arcessere Roma, aliunde emendicare famam inclytae Genti. Demum vero monemus, eosdem nec sibi ipsis constare, cum arcem trecentis circiter annis ante C. N. extructam arbitrentur. Atqui Drusus, A. post V. C. 1304. ante C. N. octavo, diem obiit. Causa igitur apparet nulla, cur ab herois Romani praefectura Voigtlandiae nomen repetamus. Sed neque melior est opinio, quae a praefectura Romana quacunque derivat. Quae sententia Dresseri est, qui putat, fuisse Voigtlandiam a Voigtis, seu Praefectis, dictam, qui a Romanis Imperatoribus, tanquam Iudices, et Praesides, provinciam Romanum Imperii gubernarint. Ab Imperio autem Romano eam

in

in ius et potestatem vetustae familiae Voigtorum concessisse. Hos enim ab Imperatoribus tantum impetrasse, ut Voigtlania in hereditarium feudum converteretur. de Urbib. German. Nihilo item melior, quae, sive ab Advocatis inferioribus, sive ab arcium praefectis. Ea vero Petri Albini est, qui inquit: *Osterlandi ad oppida Plauen, Geram, ac Vidam, ex incuria Voigtlandi appellati sunt: ratio tamen reddi potest, quod Plauensis Advocatus suos ibidem inferiores Advocatos constituit, ac postea inter suos divisit, vel, quod, ibi locorum usus sic obtinente, arcium praefecti Advocati, seu Voigti, cognominati sint.* Non multo tandem melior Abrah. Ortelii, qui, Vogtlandiam nomen ex eo sortitum, asserit, quia quatuor olim Romani Imperii Praetoribus subfuerit. Theatr. Orb. Terr. Id quod probatione eget. Nam nec quatuor Vogti huic terrae nomen dederunt, nec quatuor illi, qui primi dicuntur Vogti, fuerunt primi, nec quidem fuerunt sacri Imperii Vogti creati, sed confirmati, nec denique fuerunt, tales administratione, sed hereditate quadam, atque successione. Statuendum vero omnino arbitramur, Vogtlandiam recepisse nomen suum ab Advocatis, non tamen ab Imperatore constitutis, sed dignitatis, honorisve causa, ita appellatis; adeoque non ab administratoribus provinciae Romanae, sed a suis ipsam dominis, et possessoribus hereditariis: sigillatim a Dominis Veidentibus. Dicti quidem hi sunt S. R. I. Vogti in Diplomatis Caesaris, iisdemque terra Advocatorum ab Imperatoribus concessa; sed concessu non primo, verum iterato, et lege iuris beneficiarii confirmato. Tum concessa non tanquam terra Praetoriana, sed velut hereditaria, sed velut patrimonium, iam ante Advocatorum tituli adoptionem posessum. Nunquam enim Advocati illi provinciam S. R. I.

rexerunt, sed ditionem propriam, et a Majoribus devolutam. Et quancquam patrimonium, magnificentia Imperatorum Romanorum, inprimis Friderici Aenobarbi, auctum esse non diffitemur, quod vel argumento arcis Vogtsbergae, olim ab Advocatis possessae, antea vero ad Imperatorem et Imperium pertinentis, constat, tamen Domini, quos saepe diximus, Veidenfes, cum diu ante Advocati consalutati sunt, tum vero fundos acceperunt, non temporarios, neque administrationis titulo, sed perpetuos, atque hereditarios. Qua in parte dissentimus a Beklero, a se ipso, nisi fallimur, dissentiente, H. H. P. I, L. I, C. I. Cum enim in Ill. Stem. R. Dominos Veidenfes ultro titulum Vogtorum prensasse scripserit, tamen, cum loco antea dicto scribit, Fridericum I. Henricum Plauensem summum S. R. I. Vogtum, et Advocatum huius regionis creasse, ita ut postea Praepotens Possessor totius Vogtlandiae appellatus fuerit: tum P. II, L. I, C. 2. eum Henricum, auspicio eiusdem Imperatoris, filios suos quatuor terrae suae Vogtos renunciasse. dicti item sunt, fueruntque revera, iidem Domini Veidenfes Advocati Monasterii Quedlimburgensis: at neque huius sanctissimi muneris ratione Vogtlandia appellata est Vogtlandia. Multo enim ante ita audiit: et Advocati item diu ante Advocati. Ex quo cognosci potest, quid habendum sit de Alb. Kranzii testimonio, qui, cum de armis Caroli IV, contra Plauensem sumptis, agit, sic commentatur: *Terra est Advocatorum non longe a Saxonia superiore, quam primus Henricus, Romanorum Rex, subiecit Monasterio Dominarum in Quedelenburg, constituens quatuor per terrae angulos totidem Advocatos nobiles, qui Barones dicuntur, de Wida, de Gerz, de Rasse, de Plawe.* L. IX, C. 33. Quid item habendum de nova Bekleri sententia, qui in Ill. Stem. Ruth.



Ruth. scribit: *Henricum Aucupem Caesarem, fuisse ad Martiuburgum Hungariae, Vogtos constituisse in ea regione, quam Monasterio Quedlinburgensi donaverit, quaeque deinceps Vogtlandia dicta sit, hodieque dicatur, aliquot veteranos Romanos.* Quid postremo de iudicio eiusdem, quod eodem libro consignavit. Post, enim paulo non universe Dominos Ruthenos, ratione Monasterii dicti, Advocatos Vogtosque dictos esse, sed tantum ultimum Henrici Dixitis filium, eundemque Dominum Geranum: ceteros autem, Dominum Veidentem, Plaviensem, Graizensem, ratione ipsius Vogtlandiae. Aut omnia nos fallunt, aut certe adducta testimonia idoneas, quibus fulciantur, rationes requirunt. Stat igitur utique asseverare Vogtlandiam nostram ab Advocatis, in quantum suapte sponte, et quidem honoris causa, sive se ipsos Vogtos appellarunt, sive appellari siverunt, appellatam esse. Quo id autem anno primum evenerit, in incerto est. Certum, imperante Henrico Aucupe, qui A. C. 1000 ccc xix imperator salutatus fertur, nomen Advocatorum in hoc terrarum tractu efflorescere coepisse: sed tamen probabile, nomen ipsius Vogtlandiae ante tempora Friderici I. coeptum vix esse, qui, A. post C. N. cxi cxiij, Augustus in augeratus est. Eo quippe imperante Henricus II. Comes Osterodensis, primo Vogtus de Veida, postea Vogtus Vogtlandiae, huius autem filius S. R. I. et totius Vogtlandiae Advocatus consalutatus est. Vid. Bekl. III. Stem. Ruth. Ceterum tractus iste Vogtlandia per eminentiam dictus est. Nam et Lusaria Vogtlandia audit. Vid. Monachus Pirmensis, item Albinus, Chron. Misi. P. I. Tit. 9, 14. 15. Sed ex alio capite, nec nomen, perinde ut nostra, Vogtlandia, servavit. Iamque perdifficili labore fuerimus desuncti, si unum adhuc explanemus. Postquam

enim

bidi

enim satis, ut opinamur, constat, esse Vogtlandiam partem Osterlandiae, ostendendum nunc, qui factum sit, ut pars illa Varisciae veteris, quae antiquum tuetur nomen, Vogtlandiae annumeraretur. Nam et pars illa, quam diximus, Narisciae antiquae, et pars haec Osterlandiae, eodem Vogtlandiae nomine, et iam pridem insignita est, et hodieque insignitur. Otto, Comes Orlamundanus praepotens, idemque Ottonis II. ultimi Meraniae Ducis, gener, in bona huius exodorrante succedens, Curiam Nariscorum, muro nondum, circumdatam, A. C. circiter ccc lxx, celebri illi Henrico Rutheno, pro definita pecunia, oppignoravit. Is autem Henricus Curiam pro sede sua elegit, electamque moenibus ornavit, arcemque magnificam extruxit. Atque ab eo emptionis tempore Advocati Veidenenses sese Advocatos de Wyda et Hof appellarunt. Vid. Valdensels. xii, 32. et Bekl. III. Stem. Ruth. Inde ergo factum credimus, ut Curia, pariter et ager Curiensis, Vogtlandia vocaretur. Sed quia ratione tractus Bonifideliensis idem nomen sortitum sit, non satis liquet. Forte, cum priscum Varisciae nomen, praeter Curiam, agrumque Regnitianum, fere nihil terrarum, retinuerit, nisi Bonifideliensis tractus, in exemplum Curiae, et ipse Vogtlandia dici consuevit. Quemadmodum autem Variscia illa Vogtlandia, sic Vogtlandia vicissim Variscia dicta, nominaque illa exaequata sunt, ac pro iisdem habita. Ceterum, sicut Variscia improprie Vogtlandia, sic Vogtlandia improprie Variscia appellatur. Varisci enim proprii terram intra oppida, Curiam, Norimbergam, et Ambergam, incoluerunt, consente Albino, Chron. Misn. P. I, Tit. 13. Sed Vogtlandi sunt Osterlandi. Osterlandiae enim tractus, a fontibus Elystri initium cepit, ad urbes, Martisburgum, et Halam, pertingens. Id.

ibid.

ibid. Quo loco et hoc subiicit, accolas alterius Salae lateris, necnon Sudetorum, minus recte Voilandos dici, et Voilandos finitimos, cum Osterlandorum nomen in nomen Misnensium commutatum sit, his Misnensibus merito esse accensendos.

**VII.** Itaque, five Variscia hodierna, five hodierna Vogtlandia, Bohemiam, in orientem Solem, spectat: versus Solis occasum, Franconiam, Thuringiamque: contra meridiem, Palatinatum superiorem: versus septentriones, Misniam.

Speciatim fines Varisciae describamus. Ortum inter Solis, et septentriones, primus vicus est Hohenberga: hunc excipiunt, Selba vicus, Elystra pagus, Neukircha vicus, Adorfium, et Schoeneccium, oppidula. Inde, per sylvam Landgemein, pergitur ad fontes Goletii fl. ad Falkensteinium, Aurobacum, et Lengenfeldam, oppidula; indeque ad oppida, Reichenbacum, Graizam, et Bergam. Inter septentriones, et occidentem Solem, sita oppida: Veida, Gera, Trippitium, Neostadium. Inter occidentem, et meridiem, loca haec sunt: Ziegenrucka, oppidulum, Vurcibacum, sylvae Franconica, Valdenfeldsum, Preseccium, et Cella, vici; Veissenstadium oppidulum; denique Lacus Montis Piniferi. Latus ad meridiem

(34)

diem cingunt : Bonfidelia oppidum , Arzberga vicus,  
Schirnding, pagus et angustiae.

VIII. Varisciam et Meraniam quondam appellatam esse, admodum incertum, nec ullis argumentis idoneis comprobatum est.

Fuisse Ducatum Meraniae, indubium : verum, an ille cum Variscia paria fecerit, nisi falsum, certe valde incertum. Melchior Goldastus : *Ego, inquit, qui hic Ducatus sit, aequè cum ignarisimè scio, nisi si Moravia sit, quae adhuc Almannus Meran, interdum Merenland.* T. I. Alem. Rer. ad C. XXXI. Eccehardi de vita B. Nortkeri Balbuli. Alii intelligunt Croatiam, et Dalmatiam. Andr. Knichenius, Vir Consultiss. de Iure Superior. in Com. I. alt. Territorii, C. IV. *sub Ducatu, inquit, Meraniae, ab urbe maritima indigitato, intelligitur Croatia, et Dalmatia.* Alii sic opinantur, fuisse olim insignem in Imperio Ducatum, iuxta Dalmatiam, et Croatiam. Siffridus, Presbyter Misnensis, sic ait : *Meronymi nomen significat ad mare confidentes : a quo non discrepat nomen Meraniae, quae olim in Imperio insignis fuit Ducatus, iuxta Dalmatiam, et Croatiam.* Commentario de Origine Misensorum, qui continetur Georg. Fabricii Rerum Misnicarum Libris VII. Alii Meraniam ponunt inter Dalmatiam, et Croatiam, et putant, esse Ducatum maritimum, propter mare Adriaticum. Vid. Valdensius, Sel. Antiq. XII. 29. Alii, nec ii parvo numero, Ducatum Meraniae cum Vogtlandia confundunt. In his Ioach. Curaeus, Silesiaci Chronici Scri-



Scriptor. Regio illa, inquit, ab antiquis Nariscis inhabitata, Imperatoris Friderici Barbarossae aetate, Merania, et, posteris temporibus, Voigtlandia audit. Mascula enim Ducum Merariae stirpe in Otone exspirante, a vicinis occupata, atque invicem divisa est; partem Bambergensis, et Wirtzbergensis, Episcopi, partem Norimbergensis Burgravii, sibi vendicant. Quem inclytus Thomas Reinesius erroris accusat, propterea quia librarii veteres saepe pro Moravia posuerint. Ita enim inquit: Librarii veteres solenniter in hoc nomine erraverunt, ut ubique fere scripturum, et in ipsis instrumentis publicis, rescriptis, et decretis Imperatorum, in Moraviae abierit, sed quos castigare intererat historicae veritatis. Addit: Qui sint, fuerintque, isti (scilicet Meraniae Duces) video, viros potissimum, non dubitare solum, sed plane ignorare. Tandem vero in eam ita sententiam, ut existimet, Duces a possessione oppidi Meran, ad sinistram Athesis ripam, cui ex opposito castrum regium Terioli, Tyrol/ immineat, et territorii adpertinentis, denominatos esse. Variar. Lect. C. XVI. Sed recentissimus Auctor, P. Beklerus, omnino pro Voigtlandia nititur, et Meraniam a Mare, quae sit vetus arx, et urbs Meran Voigtlandiae, non autem Tyrolis, dictam vult. H. H. P. I, L. I, C. 7. Est illud oppidum situm inter Cygneam, et Altenburgum, oppida, via media, et hodie Illustrissimis Dominis Schoenburgii pareat. Hoc oppidum itaque Beklerus credit nomen habere a vetustis Ducibus in Meran, iisdemque comitibus de Andechs. Duces de Meran, inquit, et Comites de Andechs, temporibus Friderici Aenobarbi Imp. et sub ingressum seculi duodecimi, erant potentes in Imperio Domini, quandoquidem Ducatum Carinthiae, cum vicinis dominus, ut et Principalem Comitatum Tyrolis, cum magno terrarum tractu, per Boioariam, Franconiarn, Palatinatum superiorem, et in Voigtlandia, possederunt, et oppidum istud Meran aedificarunt, et, procul dubio, tanquam sedem,

et aulani Apanagiorum, quos vocant a suo ipsorum nomine denominarunt. Ab his oriundi fuerant Marchiones de Frobourg, sive Voburg, Landgravi in Leuchtenburg, Comites de Chamm, et Sutzbach, in Palatinatu superiore, omnes iam pridem extincti. loc. adduct. Magis fidem excedere videtur, quod idem Auctor, in Chronico suo, disserit. Ibi enim, Tyrolim, et Vogtlandiam coniungit, ac, utraqve unum eundemque Ducatum extitisse, perscribit. Ita enim scribit: Est autem oppidum Mare, (Teutonice dictum tunc Mebr) oppidulum Meran, inter Altenburgum, et Cygneam, quod Duces in Meran, et Comites de Andechs, forte seculo undecimo, ubi ex Tyrol, et Carinthia, propter longissimum terrarum, per Boioariam, Franconiam, et Palatinatum, tractum, in has regiones concesserunt, ad limites Misniae condiderunt, sibi que cognomine fecerunt, et aliquandiu insederunt. Hi Duces aliquin antiquiorem sedem in Tyrol, et quidem in Meran, habuerunt, unde nomen suum adepti, et Ducatus tandem, cum celebri illo terrarum tractu, tunc temporibus pariter Merania appellatus est. H. H. P. II, L. III, C. 4. Denique aliam sententiam protrudit Chronici Cygnei Auctor, propter duplex oppidum eiusdem nominis, geminum Meraniae Ducatum commentus. Ita ille: Anno, supra millesimum, ducentesium, septimo, Ducatus, aut Principatus, Meran, situs inter Misniam, Thuringiam, et Franconiam (a quo adhuc nomen oppiduli Meran, duo millaria a Zwickavia distantis, superest) et exinde per Vogtlandiam, bonamque Marchionatus partem, portectus, ab Imperatore in certas Advocatias distributus est: inde, etiam postea nomen suum perdidit, et Vogtlandia dicta est: eoque etiam pertinuerunt oppida, Culmbacum, Plavia, Curia, aliaque: eiusque rei testem Sethum Calvisium, in Chronologia, citat. Tum autem pergit: Reperitur quidem et aliud Meran, in Tyrol, ad Athesin, a quo oppido pariter Duces, aut Principes, nomen suum acce-

acceperunt, quemadmodum Dominicus Cyslos, in Descriptione  
 principali dignitate Comitum Tyrolensium, commemorat: sed et illi  
 hanc provinciam possederunt, multoque tempore tenuerunt: id  
 quod non modo discipotes ex allegato Auctoris illius scripto, verum  
 etiam ex Cyriaci Spangenbergii Speculo Nobilium, P. I, ubi hoc mo-  
 do insit: Meran, Ducatus ad Athesin, qui hodie fere Comitatum Ty-  
 rolini comprehendit. Chron. Cygn. P. II. Restat, ut quid animo  
 nostro sedeat, edisseramus. Nobis autem primo videtur,  
 Vogtlandiam propriam a nemine Meraniae ducum rectam  
 esse, sed Varisciam. Quaecunque enim Vogti ultimis re-  
 tro temporibus habuerunt, ea pertinebant omnia ad Oster-  
 landiam. Ea vero nunquam pars Varisciae antiquae, sed,  
 beneficii titulo, Marchionibus olim Misniae obnoxia fuit,  
 fuitque ditionis Saxonicae. Quam in sententiam vid. Beck-  
 klerus ipse, H. H. P. II, L. III, C. 4. Licet vero oppidulum  
 Meran in Vogtlandia quondam situm fuerit, fuit tamen et  
 aliud in regione Athesina. Iam hocce, nunquam autem il-  
 lud, Duces Meranii, quippe Varisciae quidem, non autem  
 Vogtlandiae Domini, tenuerunt. Ergo secundo nobis  
 videtur Ducatus Meraniae non fuisse alius, ac Comitatus  
 hodiernus Tyrolensis. Argumento est Metropolis co-  
 gnominis, a qua urbe non procul distat Tyrolis, princi-  
 palis acropolis, quae arx consequente tempore toti illi  
 Comitatu, ac regioni Athesinae, nomen impertivit. Vid.  
 ἐμὸς φος Generosissimus Dn. Valdenselius, Sel. Anti-  
 qvit. XII, 29.

**IX.** Verum ad munera progredimur, quae ab natura accepit plaga nobilis. Aer, si quisquam alius, temperatus: aqua pariter salubris, cumprimis acidulae, quarum magna passim vis scaturit.

Creditur aertota Germania vix salutarior; aqua item, praesertim in regione Piniferi Montis. Maxime autem omnium Leucopolis urbs, propter et ventos salubres, et aquas crystallinas, celebratur. Morbus inde rarior, nec facilis lues: contra hominum plurimi firmi, ac longaevis. Acidulas, dolendum, incultas et squalidas iacere. In his Stebenfes sunt: his Stebenus pagus nomen fecit. Ebulliunt inter superiorem, et inferiorem, Stebenum pagum, quartam milliaris partem a Thirbachio pago, dimidiam a Lichtenberga oppido, et ferme integrum milliare a Naila oppidulo: circumdatae duabus ligneis aediculis, in quarum superiore scaturiunt, ac potantur; inferiore autem inserviunt lotioni. Vid. Plurimum Rev. Dn. M. Io. Villii, Fautoris de nobis multo Meritisimi, Teutonicus Paradisus Plnifer MSC. P. IV, C. 5. Conf. de utilitate, et usu huius aquae, longe Experientiss. Dn. Godofr. Stein, Med. D. Archiater Brandenburg. Baruthinus, in Stebocrene, qui libellus in lucem prodiit A. MDCCCXC. Inprimis autem accurate aquas hasce describit Reverendissimus Dn. Io. Georg. Layrizius, ad aedem Aulicam Baruthinam olim Diaconus, et Sacrae ac Civil. Histor. Profess. Publ. h. t. autem



autem Sacrorum in Aula Vinariensi Praesul Summe Venerandus, Maecenas Summus, in scripto egregio de Fontibus Soteriis in Illustri Principatu Superiori Burggravitatus Norici. *Apago*, inquit, *Stebeno* vix centum passibus, *Africum* versus, sitae sunt acidulae, in prato plano ac viridi, quod rivulus alluit, quem omnis generis pisciculi, quos gratissimo fert sapore, praeter plura alia, quae habet, commoda, reddunt acceptissimum. Ipse fons, ex interioribus terrae meatibus scaturiens, purus, et pellucidus est, suavissimi saporis, praecipue in ipsa scaturigine, acidi aliquid, et ferrei, vel ipsi linguae communicans. Inventor, aut potius probator, ut idem Vir Summus addit, dicitur fuisse *Ioachim* Kolbii, Med. D. et Archiater Comitum Ruthenorum, et Medicus *Sleizen*sis. Idem ille Vir Maximus Egranis fere pares pronunciat. Idem porro ille *Sclaradenes* (edit. *Rudolphostad.* c. 10c xxci) seu acidularum Egranarum Descriptionis Poeticae, *Io. Christoph. Treuneri*, Poetae, meminit, haec ex illius notis verba adducens. Fons *Stebensis*, ad pagum *Steben*, ad secundum lapidem a *Lichtenberga* oppido, in Marchionatu *Baireuthensi* situs, iam multos abhinc annos, saubres suas vires in varia loca diffudit. In certis corporum nostrorum palmam Egranis non solum dubiam facit, sed etiam praecipit. Saepius laudatus *Dn. Layrizius* praeterea, *Kolbii* Medici istud affert de acidulis iudicium: Acidulae *Stebenses*, quantum ego deprehendi, continent plurimum spirituum ferri, nonnihil cupri, tum mineralium, plus nitri, ac vitrioli, quam sulphuris, ac salis. Auri quoque, et argenti, vires eis subesse aliquas, arguit et virgulae iudicium, et ab expiratione aquae superficiei color, et tenuissima quaedam quasi lamina existens. Vi-res harum acidularum perquam, et maxime spirituosae sunt. De iisdem viribus *Andreas Mackius*, Med. D. idemque Archiater *Svarceburgicus* *Rudolphopolitanus*, in literis, A. c. 10c

10c xxxii. die xxiv. Iun. ad amicum conscriptis, ita :  
*Acidulae Stebenfes penitus naturae humanae ita congruunt, ut non  
modo nemini obfint, sed et augendi, et nutriendi vires in fe continē-  
ant, quod plurium personarum testimonio non demonstrare modo;  
sed et illustrium Medicorum auctoritate confirmare habeo. Vnde  
has Stebenfes acidulas reliquis omnibus merito praefero, siquidem  
non inpercellosa, et tumultuosa vi quicquam residet, ex qua mul-  
tories varia propullulare solent incommoda, quod tamen de his  
metuendum neutiquam est, sed, si debito modo adhibeantur, viscera  
sensim confortando, in naturalem tonum, et harmoniam perfectam,  
omni conamine reponunt. Ut vertit, et adducit Patronus,  
cum summo iterum elogio nominandus, Dn. Layrizius.  
Operatio denique a Kolbio, eodem Praefule referente, sic  
describitur, ut dicatur consistere in eo, quod omnes infe-  
riores, et medii ventris obstructions, et exinde exortos,  
et exorituos morbos, avertat, ut in aperiendo praecave-  
ant, leniter per alvum, magis vero pervias urinarias, et  
sudores, insensibilemque transpirationem, vitiosa edu-  
cant, viscera, et omnes corporis partes, mirum in mo-  
dum alterent, corrigant, et confirment. Non possumus  
nobis temperare, quin alias acidulas, verbis Viri Magni-  
fici, describamus. Ita vero ille, libello supra laudato : *Est  
locus Thirbachium versus positus, vulgo, die Hoelle, quem Selbiz  
stuviofus rigat, pisciculorum delicatissimorum feracissimus : ibi  
etiam sunt acidulae praestantes, sed non debite ab aqua stuviali et  
pluviali distinctae. Post paulo haec habet de alii : Altero la-  
pide a Stebena distat Geroldsgrunium pagus, ubi planities, dicta  
viretum longum (die lange Au) quod insignes acidulas aperit, ex  
dura, eaque quadrata petra, prosilientes. Ipse fons pellucidus,  
purus, ab omni fece purgatus, saporis acrioris, qui Martem ac cha-  
lybem, labris saltem primis gustantibus, apertus sine prodit, qua de*  
causa*

causa chalybis fons, der Stablbrunnen, longo iam tempore fuit insignitus. Crocus certe Martis in destitutum ad oculum patet. Ha-  
vitur et ipse pluribus, et magno emolumento valetudinis. Homines  
ibi annosiores, et in vicinia: rari male habentes, rariore decum-  
bentes, rarissimi gravissimis morbis laborantes: rarae item mortes,  
et funera. Porro sic describit, ut dicat, fontem ad montem situm  
esse, solumque ibi, et aerem benignum: magnam utrinque ne-  
morum, et montium assurgentium vim: nec procul ammiculum, quo  
tigna aliorum, et Francofurtum tandem Moeno debebantur. Vl-  
timus, quem Auctor longe Celeberrimus dilaudat, fons  
est in tractu Bonifideliensi, vix semihorula distans a pago  
Koettingenbiberach. Ibi, ait, fontem esse salutare, tenore,  
sapore, valore, Egrano similem, quamvis non fama, nec cura. Vi-  
tam ibi locorum agi diuturniorem, multorumque morborum experi-  
tem. Lumen dictis hisce affundit Plur. Rev. Dn. Villius,  
Teuton. Paradis. Pinif. P. III, C. 5. In pagulo, inquit, Stei-  
nas, proxime sitam Salacbianam adiacente, ebulliunt praestantes  
acidulae, sed multo praestantiores apud pagum Koetichenbiber-  
bach, quae eandem vim ac virtutem, ac Egranae apud Schleddam  
habere, tutius vero, quam illae, usurpari, eo quod mitiores leni-  
resque sint, dicuntur. Non ita pridem fama valde celebrata ea ca-  
sa lignea includebantur, ubi Matthias Hornicke, exul Bohemus, in  
Thirsheim agens, aegris suis nullas alias, quam istas acidulas, com-  
mendaret. Physicus autem Ordinarius Egrae consuevit, cum lo-  
co sententiam mutabat, paucique postea acidularum potiores ad  
Koetichenbiberbach, et Thirsheim, contendebant. Idem Vir  
CL. duarum adhuc talium aquarum meminit, P. IV, C. 6.  
In medio, inquit, Niderutbo pago, inter Himmelreich pagulum, et  
Adorsum oppidulum, scaturiunt salubres, camentis, scite septae,  
acidulae, eiusque generis aliae, non procul inde, apud Eysram pa-  
gum, inter eum pagum, et fluvium Eysrum. Concludimus tan-

G

dem

dem hanc narratiunculam epiphonemate iterum honorificentissime appellandi Domini Layrizii. Illud vero hoc est: totam illam regionem fontibus huiusmodi pluribus scaterere, atque abundare.

X. Tres celebriores fluvii: Egra, Sala, et Elyster. Amnes praererea minores, et item rivi, prope innumeri. Omnes seu piscosi, seu auriferi. Princeps fluviorum Elyster, concharum ferax, quae margaritas pretiosissimas proferunt.

Egra flumen, in Monte Pinifero natum, exiguam Varisciae partem irrigat. Nec enim, nisi Leucopolin oppidulum, Leutenam, Hohenbergamque, vicos, praeterit. Inde Bohemiam perluit, ac, propter Leutomeritium oppidum, Albi miscetur. Illud mirabile, Egram stagnum, quod ad Leucopolin est, citato cursu, medium perireare. Sala noster ex eodem monte oritur: hinc et Sala pinifer saturatur. Is Varisciam, Thuringiam, et Saxoniam, penetrat. Inde Variscus, inde Thuringicus, celebratur. Sunt autem plures Salae: unus Variscus, alius Franconicus, tertius Salzburgicus. Variscus oritur ex fonte Salae (Salbrunn) in sylva Monachomontana (quae iugum septentrionale est Piniferi Montis) proxime viam, quae Leucopoli Cellam vicum itur. Inde pergit ad Svarcebacum vicum: inde



inde ad Superius Kozavium, itidem vicum : inde ad Curiam urbem. Cella, proxima nascenti Salae, sita a fonte Salbrunn quadrantem milliaria : sed duo fere milliaria a Lacu Pinifero. Sala Franconicus, apud Eschelhornium pagum, in Moenum irruens, hunc navigabilem reddit. Sala Salzburgicus, infra metropolin Salburgum, in Salzam fl. influit. Vid. Dn. Villius, Teut. Parad. Pin. P. V, C. 1. Ad Variscum revertimur Salam. Hic a fonte suo usque ad Curiam vehitur milliaria quatuor: inde ad Salburgum quinque: inde ad Ziegenruckam duo. Tum, fines patrios linquens, Salfeldam attingit, Thuringiamque peragratus, supra illustre Gymnasium Portense, in Misniam pergit : porro in Saxoniā, ubi, infra monasterium Gottesgenad, non procul Magdeburgo, inter Rosenbergam, et Barby, in Albim mittitur, postquam cursu sinuoso milliaria quadraginta, tria confecit. Vid. idem ille Sacerdos Venerandus, l. d. P. ead. C. 6. Elyster pariter non unus : unus enim Lusaticus, alter Osterlandicus. Ille, cognomento niger, uno lapide a Vitemberga Saxonum, apud Elystram pagum, ab Albi sorbetur. Conf. Georg. Fabricii Chemnic. Origin. Illustriss. Stirp. Sax. L. II. Hic Varisciae flumen est, et ex sylva, quae abietina, item picea, vocatur, provenit, non longe a Pulchro Monte, Piniferi iugo Montis. Primo omnium Himmelreich, et Elystram, pagos, assequitur : tum oppida, oppidulaque, Adorfium, Olsnitium, Plaviam, Elystrobergam, Graizam, Geram, Neumarkium, salutat. His ex finibus, in Misnicorum terram fusus, Cizam, Pegaviamque, pervenit, et, post milliarum viginti quinque iter, inter Martisburgum, et Halas, sub Besem pago, in Salam praecipitatur. Vid. Auctor saepe laudatus, Cap. 6. Iam minores fluvioli, itemque rivi, paene in-

(44)

numeri, commemorandi. Praecipuorum saltem numerum inibimus. Selbitium, post fluvios maiores, maximus, ex fonte Tationis emergit, sub radicibus Pyhl montis, qui mons iugum est Piniferi, in septentrionem spectans. Decurrit primo ad Selbitium vicum, quem medium perluit: exinde Nailam venit: tandem, apud molam Matthesii, in inferno, apud Planckensteinium pagum, inter Lobensteinium, et Lichtenbergam, oppida, Salae miscetur. Infernus autem profunda vallis est, intra duos altissimos montes protensa. Conf. Dn. Villius, C. 4. Veida novam, et veterem, urbem cognominem dividit, ad dimidium lapidem ab oppido, apud Viribergam pagum, in Elystrum se exonerat. Idem vero fluvius aurum vehit, Hungarico suppar. Auma alluit urbem similiter cognominem, et, proxime urbem Veidam, in Veidam fl. illabitur. Orila oritur ad quadrantem milliaris a Triptitio oppidulo, apud piscinam quandam, Neostadium inter, et pagum Rotham, in nemore. Neostadium ipsum, indeque Voglandiam, derelinquens, Oppurgum petit, oppidulum Illustrissimi Comitis, Domini IOANNIS ALBERTI, Comitis RONOVI et BIBERSTEINII: inde dilapsus apud Orlamundam, oppidum Thuringorum, Sala mergitur. Rosida, ortus ex fontibus Montis Nivei, et Fahrenleiten, in Egram fl. influit. Dn. Vill. P. III, C. 4. Cossein miscetur Rosidae, apud ustrinam ferream, quae dicitur Kriperhammer: defluit ex altissimo monte cognomini. Lamitium, profluens ex fonte cognomini, in valle cognomini, praeterfluit Kirchenlamitium vicum. Dn. Vill. P. V, C. 2. Incidit autem in Egram, supra Kirchenlamitium, apud Fattigam arcem. Goletium praeterfluit, aut influit, oppidula: Falkensteinium, Aurobacum, Lengen-

fe.

feldam ; urbem Reichenbacum ; vicos : Treyam, My-  
lam, Netschkam : infra Graizam Elystro se coniungit.  
Ceterum Goletio aurum fertur conciliasse nomen, cuius-  
modi arenas Goletium ducit. Visenthalium partim ori-  
tur in sylva Cameraria, indeque fertur ad Rothen-  
acker, Superius, et Inferius Koschkavium, pagos, Muhl-  
droffium oppidulum : partim in sylva, quae est ad Demeu-  
sel pagum ; et hinc Muhldroffium pergit, ubi in stagno ex  
duobus alveis coalescit, iunctumque Sleizam contendit,  
atque, infra Burgum, cum Sala confunditur. Vettera-  
via decidit ex sylva Cameraria, Thannamque vicum,  
praetervecta, Burgum proficiscitur, ac, prope Salburgum,  
Salae iungitur. Hi fere fluvii fuerunt : sequuntur rivi  
memorabiliores. Praecipui autem hi sunt : Superius, et  
Inferius Regnitium, Pulfenitium, Svelnitium, Porseni-  
nium, Lemnitium, Seiffenbach, rivus Tribesienfis, et ri-  
vi Ziegenruckani. Regnitium Superius ex nemore pro-  
fluit, tresque pagos : Losam Regnitianam, Vinselitium,  
et Tauperlitium, praeterlapsum, Salam ingreditur. Re-  
gnitium Inferius ad Hartmanniruthum, praedium,  
oritur ; inde pagos : Trogenam, Feilitium, Zedevizium,  
praetervectum, infra Kozavium Inferius, pagum, Salae  
sociatur. Fontes utriusque Regnitii ipso paene milliari  
distant. Pulfenitium, sub Monachorum Monte manat.  
Svelnitium incipit in sylva Rehavienfi, venit ad Reha-  
vium vicum, et, ad Superius Kozavium vicum, in Salam  
migrat. Porsenitium eundem vicum Rehavium praeter-  
fluit. Lemnitium dimanat a pagis : Superiore, et Infe-  
riore Lemnitio, venit Lobensteinium, nec procul inde Sala  
submergitur. Rivus Seiffenbach per partem suburbii Rei-  
chenbaccensis transit, ubi nomen accipit a Seiffen, i. e. a lo-

tionē arenarum auriferarum, quas vehit. Nam extra urbem dicitur rivus Oberreichenbacensis, a pago, quem interluit, proximo. Ceterum auri, ex arenis eliquati, copiam fecit Consuliss. Dn. Daniel Veissenbornius, Praefectus Iudiciorum Metſchianorum, Fautor noster Singularis. Graeslitium rivus, iisdem arenis dives, nomen capit, postquam Graizam oppidum, quod perluit, pervenit. Antea, a prato, quod dimidio lapide ab urbe distat, ubi nascitur, Aubach appellatur. Supra Graizam cum Elystro se coniungit. Rivus Tribesienſis nomen tulit a pago cognomini, qui pagus ditionis Sleizenſis est. In eo autem rivo arena aurifera inest copiosa. Rivi Ziegenruckani truttas generant, easque in Salam secum ferunt, qui Sala et ibi efoces subministrat. Adhaec truttas et Orila, Lamitiumque, amnes, procreant: alia piscium genera alii. Omnes vero laudes Elyster complectitur, fluminum princeps, ut qui, praeter ceteras dotes, et conchas habet, margaritarum feraces. Margaritas, easdemque praeſtantisſimas, quotannis magno numero maturas, suppeditat. Constituti in eam rem Olsnitii quaeſitores. Conchae longaevae, et vel in ducentos annos, et amplius, durant. Mortuae exundatione fluminis eiiciuntur. Capiuntur autem, quo tempore aqua cum primis claret, mense Maio, Iunio, Iulio. Sed non omnes gighunt margaritas. Concharum enim foecundae aliae, aliae steriles. Neque ubi vis obviae. Captura ab Elystra pago incipit, Elystrobergae cessat. Itaque per quatuor, si autem sinuosum, annis iter respicis, per quinque milliaria continuatur. Lenta margaritarum incrementa. Minimae duodecim; mediocres viginti, aut triginta, maximae vel octoginta, annos poſcunt. Immatursae coerulei coloris, maturae

can-



candidi. In conchis plerisque singulae, paucis binae, paucissimis ternae, aut plures. In annos singulos magna ad maturitatem pars perducitur. Generatim de fluviiis, rivisque sciendum, eam vim alere piscium, quam non omnis aqua: in his auratos, fundulos, barbos, cyprinos, anguillas, gobios, thymallos, canctros, rivalium aureolarum vix auditam alibi multitudinem.

**XI.** Reigo per se subhorrida, aspera, deserta, gelida: attamen incolarum industria et labore frugifera, probeque culta. Vnde largior frumenti, tantusque, quantum usus postulat, proventus.

Esti Varisca terra, ut Germania in universum omnis, verticosa est, aut sylvis horrida, aut paludibus foeda, ut Tacitus auctor est, satis tamen quoque ferax est, ubereque gleba se commendat. Serp quidem coli coepit, atque, ut affirmat Brulchius (affirmat autem A. CIO IXXII), ante annos ducentos horrenda fuit solitudo: ceterum hodie sic exulta est, ut facile parti Germaniae nulli concedat. Frumenti non tantum profert, quantum vicinus, cum primis Thuringicus, ager: tamen tantum, quantum satis, eiusdemque omne genus. Neque enim ita purus ager, ut alibi, sed multis in locis lapide quasi stratus: nec ita continuus, quemadmodum alibi, sed montibus interiectis, ac sylvis, discretus. Quid huius sit, quo minus

minus arborum, hoc (portenti simile) annonae, rerumque aliarum, pretium vilius. Compertum id hac praecipue tempestate est, ubi, cum annonae pretia tota Germania creverint, in sola propemodum Variscia, et panis, et zythus, et obsonia, quam minimo venierunt. Quamvis autem vitem humus non foveat, eam tamen inopiam et copia zythi, qui undiqueque sapidus, saluberrimusque coquitur, et proxima Franconia, generosi vini ferax, abunde rependit. Ceterum agriculturam non parum res pecuaria iuvat. Videas illinc in sylvis, hinc in campis, pascuisque, numerosa pecorum armenta, pecudumque greges. Regio, pecorum vix capiens numerum, saepissime illa in Franconiam, Noricumque, mittit. Conf. Dn. Villius, P. I, C. 7.

**XII.** Quanto minus autem arborum, tanto plus montium: in his Mons Pinifer, Germaniae altissimus, in multa divisus iuga, amplius milliaribus sex undiqueque in ambitu patens. Tametsi autem quondam totus ad Narisciam pertinuit, tamen hodie pars tantum Varisciae vindicatur. Idem ille mons, immensae lacu altitudinis memora-

morabilis, flumina qvatuor navigabilia:  
Moenum, Egram, Nabum, Salam, pa-  
rit, et in qvatuor orbis terrarum plagas  
diffundit. Praeterea metallorum o-  
mne, perinde ut mineralium, genus  
comprehendit.

Mons Pinifer Valdenselfio *Sudetorum pars* dicitur, et  
*montana Norisforum supereminentissima*. Sel. Antiqv. XII, 35.  
Obscuri montes isti historicis, neque id illis fraudi est. Nec  
Romani olim istas oras accesserant, et Pinifer Mons saltni  
Hercynio annumerabatur. Nam ille caput est eius syl-  
vae, iudicio Valdenselfii, l. d. Petri tamen Albini iudicio,  
sylvae ramus, aut brachium. Chron. Misnic. P. I, Tit. I.  
Eidem scriptori mons appellatur Germaniae altissimus.  
ibid. Dictus autem a pinibus, qvibus sive confitus, sive  
circumseptus. Idem vero modo intelligitur haud uno.  
Primum enim, et propria qvidem notione, unicum, et il-  
lum qvidem denotat, qvi in montibus mediis excelsissime  
prominet, et in antiquis monumentis, cum adiectione,  
Mons Altus Pinifer salutatur. Fastigium, in faxeum cul-  
men colens, nubes ferit. Ipsius montis moles, qva longi-  
tudinem, qva latitudinem, milliare patet. Profunditas a  
vertice summo descendit in Lacum, qvi et ipse Pinifer di-  
citur, in eodemqve, rupes inter, et saxa, in abyssum pene-  
trat. Vertex autem ab longo tempore Caput Tauri (der  
Ochsenkopf.) vocatur. Forte propter figuram montis,  
qvippe qvae bovem humi cubantem praefert, Inde  
H duo



duo taurorum capita in summa rupe incisa. Deinde horrendam notat, et in complures montes, vallesque, sylvas, saltusque, diffusam sylvam. Altus enim Pini fer ille Mons vel centum aliis montibus, clivisq; cinctus est, qui non minus, ac ille, ingentibus pinibus, arboribusq; aliis, conferti. Tum Mons Pini fer accipitur pro omnibus illis montibus, partim horridis et sylvosis, partim cultis, fertilibusque, quos Theodorus, cognomento Primus, Dux Boiorum, Nariscis habitandos, excolendosque dedit. Ea vero significatione Mons Pini fer non tam mons quidam, quam ingens terrarum tractus est; partimque ad superiorem Palatinatum, partim ad superiorem Principatum Burggraviatus Norici, partim ad Egranam terram Regni Bohemici, partim ad Saxonicam, Ruthenicamque Vogtlandiam, partim ad dioecesin Antistitis Bambergensis, partim ad liberam urbem Imperialem Norimbergam, spectat. Vid. a quo haec mutuati sumus, Dn. Villius, Spectator ipse, P. I, C. 3. Cum itaque vastus sit huius montis ambitus, tum illum Casp. Bruschius arctis nimium limitibus circumscribit. Ait enim, montem illum, versus orientem solem, attingere Bohemiam; versus occidentem, Franconiam; versus meridiem, Palatinatum superiorem, et Boioariam; versus septentrionem, Vogtlandiam, et Thuringiam. Accuratus, more suo, definit Dn. Villius. Caput is enim Tauri in medio locat: inde lineam quaquaversum, milliariibus octo a Tauri Capite distantem, circumducit: tum, quia longitudinem, pariter et latitudinem, milliaria sexdecim exinde numerat: demum vero, universum ambitum continere milliaria quadraginta octo; concludit. Vnum ceteroquin milliare millibus passuum octo, sive hora, pariter et horae

horae tertia parte, aestumat. Vid. l. d. Dehinc hos limites assignat : orientem versus, Vonderae, et Egrae confluentes; meridiem versus, Nabi sylvestris et tesquosi; versus occidentem, Moeni et Rodaci; versus septentriones, urbem Metropolitanam Salzburgum. ibid. Ceterum Piniferi patria Montis hoc versu apte continetur:

*Nariscus Pinifer, Palatinus, Franco, Bohemus.*

Vid. P. I, C. 4. Ad divisionem Montis Piniferi accedimus, qui accurate dividitur in tria maiora iuga : quorum unum appellatur Mons Altus Pinifer (der hohe Fichtelberg) alterum, Mons Niveus (der Schneeberg) tertium, Fahrenleiten. ibid. Haec altissima iuga quasi Trifolium Piniferum formant, ac velut corpus ipsum Piniferi efficiunt Montis. Fahrenleiten ratione Montis Alti Piniferi in ortum spectat: ad meridiem duo altissima cornua levat, Heiersberg, et Plattam. Dn. Vill. P. III, C. 4. Mons Niveus mole, juxta et altitudine, Alto Monti Pinifero, proxime, adiacenti, aequalis est. Versus ortum Solis duo saxea, cornua extollit, nempe Rudolphosteinium, et Nushartum. Septentrionem inter, ortumque Solis, eminet Sternseherin, iugum celissimum. P. III, C. 1. Sed iuga de iugis maioribus minora paulo intentiore mentis acie aspiciamus, in diversas emissas plagas. Quae tamedì aegre numerari possunt, tamen quaedam adducemus. Orientem versus sunt, exempli causa, haec : Luchsburgum, maior minorque Hengstberg; Steinberg. Versus Austrum: Cossenus (Teutonice die hohe Cosslein: hoc enim iugum cetera altitudine superat, et orientem, atque occidentem versus, duo ingentia cornua saxea in nubes usque exporrigit: unde, qui a septentrione iugum spectant,

istud montem geminum vocant) Floez, Geiersberg, Grunberg, Hohemez, Platta, Rungberg, Scherfenberg; Svarzberg, Veidenberg, Veissenstein. In occidentem versus: Bocksleita, Goldberg, Guzenberg, Hirschhorn, Luzelmain, Mainleite, Sauberg, Zausche. Postremo, contra septentriones: Broedingsberg, Epprechtstein, Heildesberg, Hoheheid, Kaltebug, maior et minor Kornberg, Loeftenberg, Mittelberg, Roedlesberg, Valdstein. Vid. Dn. Villius, P. I, C. 3. De Cosseno separatim, P. III, C. 5. Ceterum isthaec montana olim omnia solam ad Varisciam pertinuerunt, ideo montana Narischorum dicta. Tota enim huic populo concessa habitanda. Postea vero, quam discerpta in partes est Variscia, factum est, ut montana planitiem sequerentur. Ideo Pinifer Mons partim ad Varisciam, partim ad Franconiam, partim ad superiorem Palatinatum, partim ad Bohemiam, relatus. Ex Tri- folio Pinifero Mons Altus Pinifer Franco est, sigillatim ad Burggraviatus Norici Principatum superiorem pertinet. Idem ille limes est Palatinatus, Franconiae, et Varisciae, immotus. Moenus enim nascens Franconiam a Palatinatu, Varisciaque, distingvit. Mons autem Niveus, et, Fahrenleiten, iuga sunt Varisca. In his est Lacus Pinifer, ex quo Nabus profluens Palatinatum aperit. Fines Montis Piniferi, inter Varisciam Brandenburgicam, et Palatinatum, designati quinquaginta octo terminis, anno dno M. XXXVI, inde a Valtershofio, usque ad Lacum Piniferum, et ab hoc usque ad fontem, qui hyemalis nominatur. Dn. Villius, P. I, C. 4. Iamque hic campus datur differendi de Lacu Pinifero (Fichtel-See) Memorabilis iste Lacus visitur, quo loco Alti Montis Piniferi, Montis Nivei, et Fahrenleiten, radices coeunt, et iuga illa con-

coniungunt, et loco editiore valde profundam vallem efficiunt. Est autem ortus ab undique et undique concurrentibus ex alto scaturiginibus. Distat quartam milliaris partem a Neubau, pago Palatino, et integrum fere milliare a Bischofsgrunio, pago Brandenburgico, ubi dominiorum, Boiici, et Brandenburgici, limites cernuntur, et, distincti terminis triginta octo, Lacum ipsum permeant. Lacus ipse invisibilis, luteo musco, tanquam tapetibus, stratus, ex paludibus constat. In medio eius est spatium perexiguum, cuius profundum est vastissimum, et prorsus inexploratum. Abyssus haec tota obducta est paludosa humo, eamque ob rem, aestivo praesertim tempore, inaccessa. Dn. Villius, P. I. C. 3, et 12. Revertimur ad Montem Piniiferum, insignem partu quatuor celeberrimorum fluminum, quae (miraculi simile!) ad quatuor coeli cardines evomit. Continentur memoriali voce MENS, qua Moenus, Egra, Nabus, et Sala, exprimuntur. Egra, profluens contra orientem, Bohemiam circumfluit: Moenus occidentem petit, et in Franconia Rheno illabatur: Nabus, in meridiem tendens, mediumque Palatinum permeans, in Danubium infunditur: Sala, vergens in septentrionem, Albi absumitur. In his Egra, et Sala, ut supra docuimus, hodiernae sunt Varisciae. Nabus autem Palatinus est, Moenus Franco. Fallum autem, omnia ex Lacu coariri. Oriuntur soli Moenus, ac Nabus: reliqui paulum semotos fontes habent. Moenus, fluviorum maximus, longissimusque, Franconiam percurrit, usque ad Rhenum, fluviorum Germaniae Principem. Divisus est in Moenum album, et rubrum. Albus rursus in Piniiferum, et Zigenfeldicum: quorum ille dignitate superior. Ex ipso enim Lacu descendit, et ex eo quidem rivulo, qui

**Moeni Albi rivulus dicitur, nomen cepit.** Rivulus autem tum aliunde, tum inprimis a Capite Tauri, quod diximus esse in Monte Alto Pinifero, in Lacum Moeni Albi (Weis- Mains- Weyher) decurrit. Porro Moenus ille, inter Alrum Piniferum, Niveumque Montem, in excelsa, ac nemorosa valle, progreditur, et primos inter pagos, Birnstengelium, et Bischofsgrunium, procedit. Inde Bernecum oppidulum affecutus ponte coniungitur. Vbi Culmbacum venit, in tres alveos abit: sed supra Culmbacum statim iterum unitur. Vid. Dn. Villius, P. II, C. I. Moenus Ruber, Albo mole et honore par, a fundo, a quo saepe, tingi dicitur, cognominatur. Emanat ex fonte, qui salutaratur Fons Moeni Rubri, dimidium milliare a Crusia, oppidulo pervetusto: in saltu Lindenhartensi, haud procul ab Hoernlinsrutho pago, et Lindenharto vico. Crusia oppidulo Baruthum migrat oppidum, Aula Serenisimorum Marchionum Brandenburgicorum, Arceque magnifica, illustre: tandem Culmbacum urbem, Blaffenburgo, castro munitissimo, exornatam: a qua urbe ad dimidium dilapsus lapidem, Moeno Albo iungitur, apud Steinhufium arcem. Vid. Auctor Venerandus, P. II, C. 7. Coniunctus uterque Moenus, prope Moguntiam, in Rhenum sese effundit. Ceterum de thesauris fluvii Conradus Celtes ita canit:

*Vnio cum gemmis Moeno reperitur in anne.*

L. II Amor. Eleg. 3. Ad Egram divertimur, quem Bruschius scaturire prodit apud Heidlafium pagum, in monte, Heida dicto. Sed eum CL. Villius redarguit, existimatque, Bruschium alteram fluvii accessionem pro fluvio ipso venditare: hunc enim vero fluvium altius repetere originem: oriri enim in Monte Niveo, eo loco, qui dicatur Egerleiten, in la-



in latere montis septentriones spectante : ceterum ex pluribus densis scaturiginibus coire : primamque omnium accessionem rivum esse Schoenlindium. Dn. Villius, P.III, C.1. Primo autem omnium Egra fl. Leucopolin oppidulum assequitur. Nabus, praecipuum Palatinatus superioris flumen, eum medium, quaeque patet, penetrat, eundemque peragratus, Danubio absorbetur, natus ad Piniferum Lacum. Quae, et plura, discite ex Dn. Villio, P.IV, C.1. Inter Boioariam, et tractum Ratisbonensem, non procul a Prisenning Monasterio, in Danubio submergitur. De Sala, si quae dicenda sunt, diximus, ubi de Varisciae fluminibus diximus. Sed, antequam montana Variscorum relinquamus, aliquid de illorum opibus divitiisque memoremus. Eae vero, nescimus quo fato, hominibus externis, quam indigenis, notiores sunt. Hinc vulgo iactatum in Germanos verbum :

*Præstat saepe lapis, pecori iniectus, pecore ipso.*

Est autem Mons Pinifer, teste Bruschio, cum tota subiecta regione, ferax auri, argenti, ferri, aliorumque metallorum, ut, et sulphuris, et Mercurii, imo margaritarum, gemmarumque. Obvii propterea saepe Rhaeti, Itali, Hispani. Hi, explorata montis, ac regionis natura, situ, opibus, magnos thesauros exportare dicuntur. Atque memorat idem Bruschius, saepe repertos libellos esse, Italice, Gallice, Belgiceque scriptos, indices furti. In iis enim loca consignata, arbores, rivulos, saxa, ubi aurum, gemmae, divitiae aliae, reperiantur. Descr. Mont. Pinif. Conf. Dn. Villius, P.I, C.7, et Albinus, P.II, Tit.10. qui Albinus inter alia affirmat, se ipsum libellos huiusmodi aliquot habuisse, item apud alios vidisse. Vidimus et nos aliquem Vogtsbergae, et accepimus ab Ampliff. Dn. Adamo Raedelio, Rerum Metallicarum Magistro.

Lithar-

Lithargyron reperiri in Monte Pinifero, refert Albin, P. II, Tit. 14. Bolum Armenum, et ochram, in Kuzenreno monte: terram sigillatam apud Redevitium pagum: auriferum, argentiferumque antimonium in fodina, quæ dicitur Rosa argentea, iuxta Auricoronacum, Dn. Villius, P. I, C. 8.

**XIII.** Cum in montibus, tum in planitie, frequens sylva, et nemus. Hinc ligna incolis, similiter et finitimis: hinc ferarum antra, et avium nidi.

Sylvarum princeps, sylva Pinifera, montem universum cognominem vestit, pariter ac sepit. Monstrosus cum aliis arboribus, tum præcipue pinibus, confertim amictus. Pinifera sylva, in plures divisa partes, ab his complura nomina consequitur. Eius generis sunt: sylva Schida, apud minorem Kornberg: non procul inde sylva Vntreu: sylva Leutenensis, ad Leutenam vicum: Selbenensis, apud Selbam vicum; Rehaviensis, apud Rehavi vicum: Lindenhartensis, Salachiana, Valdenfelsiana, Cameraria, Sparnecciana, Monachomontana, Hospitalis, Saltus dives. Conf. Dn. Villius, P. I, C. 7. Præter sylvam autem Piniferam dantur complures aliae minores. Talis, exempli causa, est Lichtenbergensis, Lobensteinensis, Franconica, Landsgemein, quæ sylva horrenda est, uno milliari ab Adorfio distans, tantundemque ab Olsnitio; verum a Monte Pinifero milliariibus octo. Conf. Dn. Villius, l. d. item P. V, C. 6.

Adhaec dantur: sylva Veidensis, Me-



galoebersdorffensis, Sleizensis, Conroda, sylva Langenavienfis, sylva monialium, Aumenfis, Stanaviensis, Streitvald, sylva Poelvitiana, Rheinsdorffensis, et aliae plures. Sunt autem refertae pinibus, quercubus, fagis, alnis, abietibus, taedis, populis nigris, platanis, betulis, iuniperis, quarum iuniperorum magna ubivis copia, inprimis circa Curiam, Bonifdeliam, Plaviam, Neostadium. Ceterum, Salae beneficio, ligna, ratesque plurimae, tum ad usus domesticos, tum ad aedificandum, tum ad alios usus, exportantur, praecipue Halas Saxonum, quae urbe ea merce peropportune incoquendo sale uti solet. Vbiqve porro ferarum lustra et cubicula: oberrantes cervi, hinnuli, dorcades, apri, lepores, meles, vulpes, lynces, martes, viverrae, feles sylvestres, lutrae, lupi, ursi. Vid. Io. Christoph. Lauri, olim ad Aedem Aul. Baruth. Diac. et in Colleg. Christian Ernestino Hebr. et Gr. LL. Prof. Publ. Oratio de Burggraviatus Norici Principatu Superiore, ed. A. MDCC LXXXI. item Dn. Villius, P. I, C. 7. Extremo de avibus subiungimus, permulta dari genera, videmurqve videre integros quasi exercitus alaudarum, merularum, sturnorum, corvum, perdicum, attagenum, tetraonum maiorum, minorumve, phasianorum, palumbum, anatum, anserumqve sylvestrium, gallinaginum, turdorum maiorum, minorumve, qui turdi, propter iuniperorum nemora, sapidiore carnes suppeditare dicuntur. Conf. iterum Lauri Oratio, et iterum Dn. Villius, l. d.

**XIV. Necterrae sinus dotes suas invidet, quibus quaquaversum abundat.**

dat. Omne hic metalli genus: hic marmor varium: hic et cryftallus, ac gemma.

Habet Variscia suas auri venas, et argenti meatus: habet metalli fodinas frequentes. Nullaque eius pars est, ubi non conspiciantur. Bonfideliae, et in pagis proximis, fuerunt, suntve, aurariae, argentariae, aerariae, stannariae, et ferrariae, imprimis duae ultimae. Exempli causa, fodina, S. Alberti, S. Kunigundae, Solatium divitum (Reichenroft) Pulchra Susanna. Vid. Venerandus Dn. Pertschius, Origin. Vogtland. et Bonfidel. P. I, Cap. 17. Olim et fodina auraria in Monte Pinifero fuisse dicitur, ut testatur Albin. P. II, Tit. 16. Ferrariarum multae sunt in Lichtenbergenfi, et Lobensteinienfi, tractu. Sparneccii cupri fodina, et Stockenrothae argenti aedificata: illa A. c. 1535 xxxv; haec c. 1535 xciii. Vid. Pl. Rev. Dn. Villius, P. V, C. i. Cum primis nobiles sunt Nailenses aerariae, ferrariaeque, ex aedificatae A. c. 1535 lxxvii, imperante Alberto Achille Marchione, Principe Elect. Brandenb. Conf. Dn. Vill. C. 4. Fodina aluminis, eademque insignis haud pridem instituta est Reichenbaci, dimidio milliari ab oppido distans. Collis iste satis amplus, ubi aes aluminis crescit. Is, quantum est, nil, nisi tale aes est. Refert etiam Albinus, tales esse Plaviae, et Lobensteinii. Quas nos quidem ibi locorum non vidimus. Olsnitienfes fodinas coeptas esse A. c. 1535 xvi, idem meminit scriptor, qui et aurifodinam, digam Steinheidam, Principes Saxoniae habuisse, ex Georgio Agricola, L. II. de vet. et nov. metall. refert. P. II, Tit. 5.

Tit. 5. Idem porro cupri fodinae, quae fuerit Gerae in Ostlandia; item fodinae alius, quae fuerit in extremo, ut is ipse loquitur, Voirlandiae, Sleizae, Lobensteinii, Nailae.

Tit. 13. Olsnitii complures vidimus, easdemque stanni: ceterae hodie incultae iacent. Plaviae autem sunt fodinae argenti, cupri, ferri: ad Graizam, in sylva Rheinsdorffensi, fodina plumbi argento permixti: Aurobaci fodinae cupri et orichalci: ad Goesitium vicum, et Reizengevendam pagum, quae loca non procul a Zigenrucka distant, cupri fodinae. Quae autem ante bellum tricesimale fuerunt circa Veidam, corruerunt. Ceterum nullum solum totius Vogtlandiae omni metallorum, mineraliumque, genere ditius Veidenfi creditur. Frequens hic aes auri, argenti, cupri, ferri, aluminis. Adhaec multum sulphuris, multum lapidis fissilis nigri. In hoc argentum, perinde ac vitriolum, inest. Vidimus haec talia apud P. Rev. Dn. M. Danielelem Francum, Fauftorem optime, de nobis meritum. Quod reliquum est, in ipso Monte Pinifero fodinae paucae. Olim autem multae fuerunt in iugo Fahrenleiten aurariae, argentariae, stannariae, plumbariae, ferrariae, aliae, inprimis in ramo eius Silberange. Fuerunt, et apud Svarcenbacum, et Holzgabellum, fluviolos; item apud Rothenbergam, alibi que. Postquam autem stannariae coepit desinere, hodie nihil, nisi ferrum, in fodina Eilenloha, apud Saunetengrunum, et alibi, reperitur. Vnum hoc addimus, dari non modo in Variscia fodinas metallicas, sed ultrinas etiam, et fabricas aerarias, ferrarias, easque passim frequentes. Post fodinas lapicidinae memorandae: cum primis marmoris. Marmoris candidissimi tantum Bonfideliae est, ut eam ob rem urbs Varisciae marmorea Dn. Villio saluteretur, P. III.

C. 4 Bruschiſius autem narrat, eam communi verbo dici urbem habentem marmoreos muros et portas. Murum coemiterii marmoreum, lapidesque ſepulchrales ex marmore factos, vidimus. Lapis autem iſte, ignis violentia domitus, optimum parit caementorum ferrumien, quod calcem vocare ſolemus. Hinc duae ibidem calcariae fornaces, ubi maxima calcis copia praeparatur. Habet haec Patronus Noſter, Dn. Pertſchius, P. I, C. 17. Dressendorffii, qui pagus non procul Curia diſtat, marmor rubrum, atrum, candidumque, in paſcuſis, qua itur Rehavium, datur. Conf. Dn. Villius, P. V, C. 2. Varii item coloris marmor Svarcenbaci, quod ad Salam iacet oppidulum. Vid. id. Dn. Villius, P. I, C. 8. Quid autem marmore Plaviienſi mirabilius? Cum enim per ſe praestans eſt, tum varietate coloris, venarumque ſpectaculo, intuentes in admirationem vertit. Quid? quod Principum oculos facinat, ac in amorem rapit. Varium autem lapidis huius genus. Eſt enim marmor griseum, venas habens candidas: fuscum, habens venas candidas, ac virides: fuscum pariter et album, habens venas candidas: rubrum, albas: denique atrum, venas eiusem coloris. Omne aptum conficiendis tabulis, lapidibus ſepulchralibus, caminis, laquearibus, rebus aliis. Nobile ceteroquin lapicidina, recentissimumque inventum eſt Viri Conſultiſſimi, Ampliſſimi que, Domini Chriſtiani Gvilelmi Graii, Domini Hereditarii Tallitii, Praefecti Plaviienſis, Domini ac Patroni Noſtri maximopere ſuſpiciendi. Ibidem incomparabilis lapidicina lapidis fiſſilis, Poſſigiana dicta, eiusem, quem laudavimus, Patroni peculium. Tanta ceteroquin lapidis huius durities, ut nullis ignibus rumpatur. In ſinibus etiam Miſniae, et Thuringiae, apud Ranisium oppidulum, non procul a Neostadio diſſi-

tum,



tum, alabaſtrites foditur. Iam Leucopoli cryſtallus creſcit copioſus. In cellis zythi, imo ubiqve eius regionis, invenitur. Quid? quod in ipſo oppidulo lapidicina cryſtalli eſt. Conf. Dn. Villius, P. III. C. I. Sed lapidum etiam nobiliſimi, adamas et iaſpis, adſunt. Eſt gentis adamantis, quod iuxta pagum Irfersgrunium, in patentibus campis, tum et in viſceribus terrae, hinc illinc reperitur. Situs pagus eſt unum a Reichenbaco milliare, et a Plavia tria. Fecit gemmae copiam Conſultiff. Vir, Dn. Godofredus Vildius, V. II Licentiarus, idemqve Conſul Plaviensis, Patronus Noſter Singularis. Similiter adamantis genus Bayersdorfii, qui pagus in media inter Graizam, et Cygneam, urbes, via iacet. Iaſpis autem gemma ad Koeditum pagum, apud Goeſſeram fluviolum, offenditur.

**XV. Mittimus, quae naturae munere conſeſſa ſunt munera: Oppida nunc, et vicos, caſtella et aſyla, Gymnaſia deniqve, luſtramus. Oppida maiora: Bonſidelia, Curia, Gera, Graiza, Lobenſteinium, Monachorum Mons, Neoftadium, Olſnitium, Plavia, Reichenbacum, Sleiza, Veida,**

Mirabile, poſuiſſe oram adeo montofam, adeo horridam, et deſertam, adeo teſqvis inhospitalibus, lentibusqve,

oppletam, in tantum habitari, ut tot oppidis, et vicis, non magis ornatam, quam elatam, hodie videamus. Bonfidelia sita est propter Rosidam flumen, et montium Nariscorum radices, Bohemiam respicientes, duo milliaria a Monte Pinifero, ab Egra oppido tria, et a Curia totidem. Conf. Christoph. Schleupneri, S. Theol. D. Topographia Superioris Burggraviatus Norici, et Dn. Villius, P. III, C. 4. Vendita arx Bonfidelienfis, cum ditione universa, Burggravio Friderico, a fratribus: Eberhardo, Henrico, et Ludovico, Boxburgiis, anno, supra millesimum, trecentefimum, vicesimo primo. Vrbis condita a Friderico, anno, supra millesimum, trecentefimum, vicesimo octavo. Vid. Brulchius. Plura qui volet de Bonfidelia, legat Magnif. Dn. Pertschii Origines Voithlandiae, et Celebris in hac Urbis Bonfideliae, P. I. inde a Cap. 5. usque ad finem eius partis; item tota P. II. Curiae inferius pietatem approbabit. Gera, ut Dresserus ex aliorum sententia refert, dicta a Gera fl. a Viperto autem, Comite Groizienfi, condita circiter A. C. cl. XXCVI, cum Iuttam, Bohemorum Regis filiam, uxorem duxit, et dotis loco praefecturas aliquot accepit. de Urb. Germ. De Gera ceteroquin legi potest M. I. Casp. Zoppii Chronicon Ruthenicum Geraviense. Graiza, ad Elystrum fl. sita, collibusque amoenissimis undique cincta, arce magnifice extructa nobilis. Vrbis ceteroquin pervetusta, Comitum Celsissimorum Ruthenorum sede, et nativitate Henrici VI. Summi apud Principem Elect. Saxonem Copiarum Ducis, pugna cum Turcis ad Zentam, A. cl. lxxc XCVII, fortiter conferta, famaeque rerum praeclare gestarum, Inclytissimi Herois, maximopere illustrata. Lobensteinium, ad Lemnitium rivum situm, in valle amoenissimo, Illustrissimorum Comitum



mitum Ruthenorum sedes. Distat a Curia milliaria tria, et septem ab Alto Monte Pinifero, versus septentriones. In colle urbis editiore supersunt rudera arcis veteris Lobensteinii. Monachorum Mons ad alterum lapidem a Curia distat, via regia, et proventu frugum, opportunus. Neostadium, quod etiam, cum adiectione, ad Orilam, dicitur, a Gera oppido unum; a Iena, oppido Thuringiae, milliaria tria, situm est. Orila recens natuſ mediam urbem perluit. Olinitium, ad Elystrum fluvium, ad lapidem unum a Plavia, et duos ab Adorfio distat. Dressero attestante, nomen Henetum est, ex quo vetustas cognoscitur. de Urb. Germ. Milliaria septem a Monte Pinifero abest. V. Dn. Villius, P. V, C. 6. Plavia, urbs elegans, alio nomine olim Plavena, item Glaucia, dicta, ad Elystrum fl. sita est, a Monte Pinifero milliaria octo distans. Conf. Dn. Villius, l. d. pluribus descripta a Munſtero, Cosmogr. L. V. Reichenbacum, oppidum Varisciae opulentissimum, distat a Graiza milliare unum, a Plavia duo. Urbs ipsa minima, sed suburbia amplissima. Incredibilis pannificum vis: commercia pannorum, et vinorum Franconicorum, florentissima. Urbs peculium Generosissimi Domini, Dn. Adami Friderici Metſchii, Equitis, et gloria Maiorum, et sua virtute doctrinaque Splendidissimi, Matcenatis Nostri, ac Patroni Benignissimi. Sleiza ad Viterthalium fluviolum situm est, oppidum elegans, ac vetustum, sede Comitum Celsissimorum Ruthenorum illustre. Veida, ad Veidam, Elystrumque, fluvios, condita, ab interlabente, veteremque urbem a nova dirimente, fluvio cognomini nomen cepit. Sit a milliare unum a Gera, duo a Graiza. Conf. Dresserus, de Urb. Germ.

**XVI. Oppida minora:** Adorfium, Auma, Aurobacum, Berga, Elystroberga, Falckensteinium, Gefella, Helmbrechtum, Langenberg, Lengenfelda, Leucopolis, Lichtenberga, Naila, Muldroffium, Neumarckium, Pausa, Rheavium, Salburgum, Schauensteinium, Triptitium, Schoeneccium, Selba, Verdavia, Zeulenroda, Zigenrucka. **Vici:** Aeremontum, Cella, Treya, Foerba, Goessitium, Harra, Hirsberga, Hohenberga, Kirchenlamitium, Leutena, Libengrunium, Monachobernsdorfium, Myla, Neokircha, Nezkavia, Preseccium, Ranisium, Sparnberga, Sparneccium, Svarcenbacum, Superius Kozavium, Thanna, Theuma, Thirsheimium, Thirsteinium, Valdenfelsium, Vurcebacum, Zollgrunium. **Castella:** **Castellum**

strum Alifonis, Hohenberga, Zigen-  
ruckum. Asyla: Hohenbergense, et  
Lichtenbergense. Gymnasia: Cu-  
rianum, et Rutheneum.

Ex oppidis hisce minoribus, vicisque, quaedam solum  
loca repetimus, memores, dissertationem, non iustae mo-  
lis volumen, condi. Adorfium, vetustissimum totius  
Vogtlandiae propriae oppidum, ad Elystrum fl. iacet. Olim Hagdorfium audiit, propter collem amoenum Hag-  
berg, in quo positum. Ceterum ab Olsnitio milliaria di-  
stat duo, a Montibus Piniferis sex. Estque ibi via regia,  
qua Egra itur Lipsiam. Helmbrechtum, ad fontes Selbiti  
fl. milliariibus a Curia duobus distans, situm. Lichten-  
berga milliare unum a Naila, duo a Curia distat. Naila,  
ad Selbitium fl. posita, venis, pariter ac fodinis, cupri,  
ferrique nobilitata, sesquimilliare a Curia distat. Neagora,  
vulgo Neumarkium, in confinio Vogtlandiae, Misniae-  
que sita. Schauensteinium, oppidulum vetustum, ad Sel-  
bitium fl. in colle amoeniore, iacet, milliaria a Montibus  
tria, sesqui autem milliare a Curia remotum. Triptitium  
(Teutonice Triptis, vulgo Trips) ad secundum lapidem  
a Veida, unum autem a Gera, nec longius a Neapoli ad  
Orilam, positum est. Huius oppiduli ceteroquin insigne  
est aqua super falice, in truncos tres inde a radicibus divi-  
sa, pensilis. Schoeneccium in monte, ad fines Misniae, et  
sylvam vastissimam Landsgemein, lapidem unum ab A-  
dorfio, pariter et Olsnitio, sed circiter sex a Piniferis Mon-  
tibus. Veidavia milliaria tria a Gera, a Cygnea unum.

boyp

K

Zigen-

Zigenrucka a Neostadio unum. De Ronneburgo addimus, Fridericum, Landgravium Thuringiae, tanquam Dominum feudi, A. c. CCC LIX, dedisse diploma, ratione terrae, inter Dominos Ruthenos fratres dividendae. In eo diplomate mentio fit Ronneburgi, et VVerdae, tanquam pertinentium ad Ruthenos. Sed postea Ronneburgum, ad alios Dominos translatum, nomen Vogtlandicum amisit. Verdavia autem Principi El. Saxoni hodie pareret. Conf. Bekl. Ill. Stem. Ruthen. Acremontum vicus, Teutonice Arzberga, Bonfideliam inter, et Egram, oppidum, ad Rosidam fl. situs, venis metallicis, iuxta et officinis, in quibus fornaces e ferro cuduntur, satis clarus. Cella proxime fontem Salae est, qui fluvius primum lambit hunc vicum. Kirchenlamitium venatione cum primis clarum est. Leutena, ad Egram fl. a Leucopoli milliare unum, a Montibus duo distat, in nemoroso sita solo. Superius Kozavium, vulgo Oberkozavium, sede ac domicilio Serenissimi Marchionis Brandenburgici, Domini GEORGII ALBERTI, inclytum. Selbitium, a fl. cognomini, in vetus ac novum divisum. Castellorum Varisciae hodiernae, tria cum primis memorari merentur: Castrum Alifonis, Hohenberga, et Zigenruckum, quae ad unum omnia, fuerunt quondam munitissima, hodie tamen sola Hohenberga pristinum decus, dignitatemque, servat. Castrum Alifonis (quasi Olnizburgum) alio nomine vulgo Vogtsberga dicitur, Olsnitio fere contiguum. Vogtsberga (i.e. Castrum Vogtorum) a Vogtis dicta: sed a quibus, haudquaquam inter omnes convenit. A Druso Praefecto, Caesaris Augusti privigno, eodemque Duce belli, dictum esse, in fabulis numerat, neque iniuria, Matth. Dresserus, de Praecip. Germ. Urbib. Assentimur; sed tamen illud, quod



qvod ille tamen ibidem cenſet, ab Advocatis, ſeu Praetoribus, Romanorum Germanicorumque Imperatorum, extructameſſe, nos aeqve negamus. Idem ille, A. C. inquit, clō C XLIX, *nobilis, et liber Baro, ſeu, Dominus a VVeida, illic ſedem et domicilium habuit, totiusque regionis Advocatus extitit.* Id qvōd pro vero ducere poſſumus,

ſed tamen eatenus, qvatenus Dominus ille Veidenſis non conſtitutus, ſed, titulo ultro aſcito, Advocatus appellatus fuerit. Zigenruckum arx ſita in colle ſatis edito, et opportuno, olim firma ac permunita, ipſaſque natura loci tuta: poſtea vero ſaepe infeſtata, ac diruta, vix rudera hodie oſtentat. Vnum caſtrum Hohenberga nomen hodieque tuetur. Terminus id regionis eſt, nec magis validis firmatum propugnaculis, quam rara conſpectus amoenitate iucundum. Idem non arte magis, quam natura loci, permunitum. Nam in iugo Piniferi Montis per alto Kochrangio eminet, profundis foſſis, validis muris, turribusque circumdatum, portaſque tuta, pontibusque duobus penſilibus, inſtructum. Caſtrum denique munimentum eſt verſus Bohemiam Burggraviatus Norici. Ad Aſyla, pergimus, qvorum duo dantur in Varifcia, Imperatoria, Imperiiſque auctoritate conſtituta, inſignibusque privilegiis ornata. Vnum autem ipſius Hohenbergae eſt: alterum Lichtenbergae. Tutus utrobique refugii locus. Si quis reus capitis, ibi receptum qvaerat, licet: ibi ſecurus agat: ibi vitam metu procul, et periculo, ducat: ibi iras iudicis, ſqualorem carceris, defugiat: ibi liber, neque ex vinculis, cauſam dicat, innocentiam probeſt, culpam deprecetur. Haud procul Hohenberga qvatuor hermae, Aſyli indices. Super unam proiecto pileo, reus iudicis

K 2

manus

manus evadit. Id certum, si quis fecit caedem imprudens, huc veniens, legesque servare pollicitus, eum secure agere, dummodo ne hermas ultra prodeat, usque ad litem, compositam. Non tamen Asylum patet petulantibus reis, ac homicidis, contra quos publica poenarum instrumenta erecta. Vid. Summe Venerandi Dn. Io. Georgii Layrizzii, de Fontibus Soteriis, in Illustri Principatu Superiori Burgravatus Norici, Dissertatio, et Rev. Maxime Dn. Villii Paradisi Pinif. P. III, C. I. Restant Gymnasia: Curianum, et Rutheneum. Illud in vetere Variscia, eiusque Metropoli, situm: hoc in Vogtlandia propria: idemque hoc Celsissimus Comes Ruthenus, Dominus Henricus Posthumus, A. clō Ioc IIX, fundavit, et luculentis redditibus locupletavit. Vid. de hoc Gymnasio plura ap. Io. Casp. Zopfium, in Chronic. Ruthen. Gerav. P. I, C. 13. Praeterea complures aliae hinc inde literarum officinae; in quibus praecipuae: Bonsideliensis, Graizensis, Lobensteinienfis, Neostadiensis, Plaviensis, Sleizensis.

**XVII. Multorum ingenia, capessendis bonarum artium studiis apta, expoliuntur: multi, conditis ingenii monumentis, patriam aeternarunt.**

Ingenium Variscorum, uti rebus omnibus, ita literis aptum. Si qua enim terra, haec profecto magna exempla suppeditavit. Difficile adeo reddere omnia; difficilius, dignis laudibus efferre. Quare nec multa adducemus,

et



et illa breviter: cum et plurima memoriam fugiant, et cognita laudibus nostris maiora videantur. Illa quidem curae erunt, quae, conditis ingenii monumentis, patriam, consecrarunt. Io. Henricus Bergerus, Geranus, IC. Inclytissimus, Potentiss. Regis Polon. et Principis El. Saxoni, Consiliarius, Antecessor in Academ. nostrate longe Famigeratissimus, aliorumque titulorum splendore Illustris, Maecenas Noster multo Benignissimus. M. Andr. Butnerus, Geranus, Coetus patrii Archidiaconus, Theologus valde insignis. Paulus Cherlerus, Elystrobergensis, Sacerdos Binzeimensis in Marchia. Laurent. Codomanus, Curienfis, Theologus, Philosophus, et Poeta excellentissimus. Georg. Coelestinus, Plaviensis, Ecclesiae Colonienfis ad Svevum Praepositus, Theologus de Ecclesia Meritissimus. Ehrenfridus Durrius, Mylenfis, Comitatus Mansfeldici Antistes Summus, nec Theologus minor. Georgius Samuel Doerfelius, Plaviensis, Theologus, Hebraeus, Mathematicus, non vulgaris, Ecclesiae Veidenfis Sacerdos, et Dioeceseos Antistes. Paulus Dolfcus, Plaviensis, Medicus Graece longe doctissimus. Casp. Dornavius, Zigenruckanus, Phil. et Med. D. Gymnasii Bethamenfis Schenaigiani Siles. Prof. Ethic. Ducis Brengens. Consiliarius, et ad Polonos Orator. Io. Fikenscherius, Monachomontanus, Sereniss. Marchioni Brandenb. Baruth. a Consiliis Ecclesiast. et Gymnasii Christiani Ernestini Ephorus, Patronus Summus. Christophorus Francus, Antistes Portensis, Theologus exquisitissimus, Daniel Francus, Sacerdos Teuchovitiensis prope Veidam, Theologus Fratri geminus. Gyolfgangus Franzius, Plaviensis, Theologus et Professor Vitembergensis, luculentis ingenii monumentis de Ecclesia quam maxime meritus.

**IO. IO. Foersterus**, Aurobacensis, Theologus, Professor, et Sacerdos Vitembergenſis, de Eccleſia ſumme meritus: poſtea Profeſſor Iſlebienſis, et Ceſſiſſimorum Comitum Mansfeldicorum ſummus Antiſtes. **IO. Andreas Gleichius**, Geranus, Sereniſſ. Principis El. Sax. Concionator Aulicus, Theologus Summus, Philologus Nobiliſſimus, Orator longe Eloquentiſſimus, æternum Varifciæ Ornamentum. **Georgius Haendelius**, Plavienſis, D. Theol. Conſummatiſſimus, Sereniſſ. Marchioni Brandenb. Onoldino a Confeſſionib. et Concionib. Aulicis, item a Conſiliis Eccleſiaſt. nec non totius Principatus Antiſtes Summus. **Andreas Haſſius**, Graizenſis, Mechanicus Incomparabilis. **IO. Paulus Hebenſtreit**, Neoltadienſis, Theologus, et Philoſophus Ienenſis longe Celeberrimus. **IO. Fridericus Hekelius**, Geranus, Polyhiſtor egregius, nuper admodum in beatorum ſedes translatus. Multa huius extant reconditæ doctrinae opuſcula: multa item *avēdota* ſuperſunt: in his illud de Varifcia Erudita et Curioſa, qvōd inprimis edi optamus. **IO. Horniceus**, Plavienſis, Lycei Rigenſis Rector, tum in Gymnaſio Revalienſi Poet. Hiſtor. et Eloqv. Profeſſor Celeberr. **Gvolfgangus Crugerus**, Ruppertsdorſienſis, Chronologus eximius. **IO. Frid. Koeberus**, Geranus, Philoſophus; et Philologus Praeſtantiſſimus. **IO. Chriſtoph. Laurus**, natus in Berg pago, primum Profeſſor in Collegio Chriſtian Erneſtino, deinde Concionator Aulicus Baruthinus, tum Antiſtes Culmbacenſis, Theologus multo doctiſſimus. **Gvolfgangus Adamus Lauterbachius**, Sleizenſis, IC. et Anteceſſor Tubingenſis Inclytiſſimus, Sereniſſ. Ducis VVurtembergici Conſiliarius ſanctior., et Synedrii Stutgardienſis Director, propter elegantia ſcripta in Orbe decantaſſimus. **IO. Georgius**

gius Layrizius, Curienfis, primum P. P. Baruthinus; deinde Antistes Ecclesiae Neostadiensis ad Ayssum; nunc Antistes Summus Ducatus Vinariensis, Theologus Consummatissimus. Io. Christophorus Layrizius, Curienfis, Rector primum Gymnasii Patrii, tum Sacerdos Selbenfis, multo Doctissimus. Nicolaus Medlerus, Curienfis, S. Theol. D. Philosophus excellens, Theologus doctissimus, prudentissimus, piissimus. Adamus Erdmannus Mirus, Adorfienfis, Gymnasii Zittaviensis Prorector, Philologus excellentissimus. Martinus Mirus, Veidenfis, summus Concionator Aulicus Dresdenfis, Theologus maximus. Daniel Mullerus, Theumenfis, illustris Gymnasii Portenfis Rector, Polyhistor longe doctissimus. Sigfridus Neumeisterus, Reichenbacenfis, P. L. Prof. Philos. Rostochienfis, item Theologus, primum Megapolitanus, deinde in patria, Vir poemate, et dissertationibus, orbi literato notus. Andreas Pancratius, Bonsidelienfis, Antistes Curienfis, Theologus egregius, scriptisque utilissimis clarus, in primis Methodo nova concionandi, quae Pancratiana appellatur. Io. Peiskerus, Langenbergensis, P. L. Caes. Lycei Vitemb. Oppidani Rector, et Societat. Teuton. Collega Celeberrimus. Io. Georgius Pertschius, Monachomontanus, D. Theologus Consummatissimus, Sereniss. Marchioni Brandenb. Baruth. a Consiliis Eccles. et Antistes Bonsidelienfis. Christoph. Pezelius, Plaviensis, Theologus, et P. P. Vitemb. Vir doctissimus. Gvolfgang. Christophorus Raethelii, Svarcenbacenfis ad Salam, olim in Illuſtr. Collegio Christiano Ernestino P. P. longe Celeberr. h. t. autem Antistes Neostadiensis ad Ayssum, Theologus Excellentissimus. Fredericus Rappoltus, Reichenbacenfis, Poeta, Philosophus, Theologus Lipsienfis Famigeratissimus, Io. Reiskius, Gerano, Rector

etor Lycei Gvelfherbytani Celeberrimus. Ioannes Schar-  
dius, Helmbrechtanus, in Illustr. ChristianErnestino,  
qvondam Histor. et Mathem. P. P. longe Celeberrimus;  
deinde Concionator. Aulicus Baruthinus; hodie Antistes  
Culmbacensis, Theologus Excellentissimus. Christopho-  
rus Schleupnerus, Curienfis, D. Theologus, et Orator e-  
decumatus. Georgius Seidelius, Graizensis, Antistes An-  
riaemontanus, Philosophus, et Theologus insignis. Va-  
lentinus Ambrosius Seydelius, Curienfis, Sereniss. Mar-  
chioni Brandenb. Baruth. a Confessionibus, et Concio-  
nibus Aulicis, nec non Sacri Consistorii Assessor, Theolo-  
gus Eloquentissimus. Christophorus Sonntagius, Wei-  
denfis, Theologus, et Philologus Summus, Professor Al-  
torfinus, et Antistes eius Ecclesiae longe Celebratissimus.  
Adamus Spenglerus, Neokirchenfis, Gymnasii Beroli-  
nensis Rector, Philosophus eximius. Iosephus Fridericus  
Valdeccius, Nobilis Variscus, Dominus Hereditarius in  
Berg, Doebrastoecken, et Culmiz, Antistes Curienfis multo  
Vigilantissimus, Theologus Summus. Christophorus Phi-  
lippus Valdenfelsius, Eqves longe Doctissimus. Fridericus  
Veissius, Geranus, D. et Professor Theologus Consumma-  
tissimus in Academia Iulia, idemqve Antistes Generalis. Io-  
hann. Christophorus Veissius, Nailensis, olim Rector Curiani, ho-  
die Pastor ad D. Laurentii in vetere Vrbe Curia longe Do-  
ctissimus. Iacobus Vellerus, Neokirchenfis, primo in A-  
cad. Vitemb. LL. OO. P. P. deinde ibidem D. et Prof. Theolo-  
gus; tertio Ecclesiae Brunovicenfis Adiutor, et Antistes;  
qvarto Sereniss. Principi El. Sax. a Concionibus Primariis,  
Confessionibus, et consiliis Sacris, Vir tanti nominis, tan-  
tae eruditionis, tot in Ecclesiam universam, pariter et  
Remp. literariam meritis inclutus, ut eius laudes omnem  
vel



vel consummatissimam, eloquentiam superent longe, ac vincant. Aegidius Vildius, Reichenbacensis, Antistes Plaviensis, Theologus Summus. Io Villius, Svarcenbacensis, Diaconus ad D. Aegidii ap. Norimbergenses; deinde ad D. Virginis, Theologus insignis. Io. Villius Neodorfensis, Sacerdos Primar. Crusiensis, prope Baruthum Francorum, Theologus multo doctissimus. Conradus Adamus, Vinckelmannus, Neokirchenfis P. L. C. Lycei Oppidani Vitemb. Prorektor longe Eruditissimus. Georg. Volckmarus, Lobensteinienfis, D. et Prof. Theologus Vitemb. longe celeberrimus. Io. Casp. Zopfius, Geranus, Ecclesiae Patriae Antistes doctissimus.

**XVIII.** Fuit et homo rusticus, Nicolaus Smidius, qui, operas inter rusticas, incredibilem lingvarum plurimarum, perinde ac optimarum scientiarum, cognitionem comparavit.

Inique Bruschius existimat, qui, Variscos fere duro esse ingenio, et agresti, bello et laboribus aptiores, quam ingenuis artibus excolendis, scriptum reliquit. Quem vel unus refutet Nicolaus Smidius, humani generis prodigium. Eo enim totius terrarum Orbis nihil fuit ad bonas artes perdiscendas aptius. Nam non modo sine Magistro ille profecit, sed quoque supra modum fere mortalium sapientissimorum. Quodque cum maxime miraculum auct, inter operas agrestes, quas ad annum quinquagesimum non

deseruit. Vulgo ipsi nomen haesit Kunzelii, inde a Conrado avo. Pater autem fuit Martinus. Natus vero est Smidius in pago Rothenacker, qui ditionis est Lobensteinensis, A. c15 10c vi, undecimo Kal. Febr. A patre, inde ab ineunte aetate, ad rusticationem eruditus est. Annos natus sexdecim, a patris servulo elementa literarum didicit, pariter et legere Catechismum, atque libellum Evangeliorum. A scriba autem cognato literas pingere doctus est, item viam ac rationem in Latini sermonis notitiam perveniendi, quamquam ingratis patris: ut plurimum clam, ac diebus festis. His rebus factum est, ut, cupiditate sciendi inflammatus, labore improbo, brevi linguae eius, et, eiusdem ope, plus quam ducentarum quinquaginta linguarum, intelligentiam consequeretur. Nam et Graecam calluit, et Hebraicam, et Chaldaicam, et Syriacam, et Arabicam, et Aethiopicam, et Abyssiniensem, et Indicam, et Armenicam, et Persicam, et Turcicam, et quam plurimas alias. Summo enim studio libros earum linguarum, cum aliunde, tum ex clarissimis bibliothecis, conquisivit, velut ipse testatur in Calendario, quod A. c15 10c xv evulgavit. Ceterum tot linguarum testimonia sunt scripta illa, quae, auctoris manu exarata, etiamnum in bibliothecis, Dresdensi, et Gerana, supersunt. Adhaec animum ille ad artem Medicam applicavit, neque minus ad Astrologiam, in qua tantos progressus fecit, ut non modo astrorum figuras accurate cognoscere et discernere, verum etiam planetarum motus intelligere, et supputare didicerit. Quin et fastos condidit, primosque Curiae Variscorum, A. c15 10c lxxi, literis publicis describendos curavit: ceteros Augustae Noricorum: nec tantum in eos, quos vivendo explevit, sed plures subsequentes annos, conscripsit, qui post Viriobum

rum



itum in lucem publicam venerunt. Excellentis doctrinae merito apud Principes Electores, Duces, Principes, Comites, perquam gratiosus fuit, magnis privilegiis, donisque auctus. Vinariam accitus est, Slaccaverdam, indeque Dresdam, ubi specimina ducentarum quingvagina-  
ta lingvarum in Bibliothecam Electoralem intulit, et florenis sexaginta, aliisque muneribus, locupletatus est. Postea, in Aulam Celsissimi Comitis Gerani evocatus, totidem lingvarum documenta, manu sua scripta, Bibliothecae consecravit, ab Illustrissimo Comite clementer ditatus, et immunitate donatus. Vid. unde isthaec excerptimus, Oratio funebris, Norimbergae formis expressa, cuius haec est inscriptio:

Heilsame Wissenschaft /  
Welche bestehet

In Erkentnis der Liebe / damit uns JEsus entgegen gegangen / und in Erkentnis der Liebe / damit wir JEsum hinwieder umfangen.

Aus dem 19 Vers des 3. Cap. der Epist.  
an die Epheser:

Christum lieb haben ist viel besser / denn  
alles wissen /

Als

Der Weiland Ehrenvolle / Vorachtbare / und  
Weltberühmte

Herr Nicolaus Schmid / sonst Künckel /

oder der gelehrte Bauer genant /

Von Rothen-Acker / des edlen Gestirns / und anderer  
rühmlichen Künste Lobwürdiger

Liebhaber /

§ 2

XIX

Am

An 28. Tag des Brachmonats / im abgewichenen 1671.  
Jahr / auf dem Gottes-Acker zu Mislareuth in seine Gra-  
bes Gruft Christ-gebührlig versenket wurde / da derselbe  
zu vorher / am 26. gedachten Monats / sanft und selig  
dieses zeitliche gesegnet /  
Auf das einsältigste gezeiget / und / nach oft wieder-  
holten Begehren / zum Druck aus-  
gehändiget

von

Valentino Müllern / der Zeit Caplan  
zum Gesell.

Gedruckt im Jahr 1672.

Conf. Dn. Villius, P. V, C. 3. et Io. Saubertus, Hist. Biblioth. Nor.  
edit. A. c13 13c xciii, ubi haec. *Intervenit ex Nariscorum agris*  
*Rusticus ille, qui in Ebraeorum lingua, et eius dialectis, non*  
*numquam est, sed ad studium, et inter labores villicanos, ex funda-*  
*mento tamen eas didicit, ut Ebraica, Syriaca, Arabica, Chaldaica,*  
*legat, scribat, intelligat: qui, incertum, an magis librorum nostro-*  
*rum copiam, quam nos ingenium ipsius, et tam vile hospitium ani-*  
*mae elegantis, mirati sumus. Certe dignum iudicamus, qui ab ara-*  
*tro, si non ad Dictaturam, cum Romano illo, in scholam tamen pu-*  
*blicam evocaretur. De eruditissimis Variscis conf. uni-*  
*verse B. Io. Frid. Hekelii Variscia Erudita et Curiosa, scrip-*  
*ptum auctoritatis, necdum nobis visum. Compon. item Io.*  
*Frid. Koerberi, Schediasma de Variscis eruditissimis, iis prae-*  
*cipue, qui scriptis inclaruerunt, quae invitat Auditores ad*  
*Orationem, agentem de Variscia, Valedictoriam Henr.*  
*Eliae Hundertmarckii, Lobensteinensis, hodie D. Med.*  
*Famigeratissimi, ed. ipis Idib. Octobr. A. O. R. c13 13c.*  
**LXXX.**

XIX.

**XIX.** Alii opificia tractant: nonnullis mercatura in deliciis est: reliqui agros colunt.

Cum omnis generis opificia florent, tum praecipue, quae circa lina, lanas, gossypium, sericum, versantur. Flavia subtiliora lintea conficit: Curia, et Reichenbacum, pannos texunt: alibi ex gossypio pepla: alibi ex tramoferico, atrebatico, pseuduloterico, heromallo, lintheamentis subtilissima parantur. Omnia cum alio, tum maxime Lipsiam, Francofurtum ad Moenum, Ratisbonam, magno numero a mercatoribus exportantur. Per opportuna commercii's emporia: Curia, Gera, et Reichenbacum. Agricultura autem, si usquam alibi, hic profecto exercetur. Videamus, licet, in hac plaga, quasi lapides labore improbo in panes verti. Cum enim agri plerisque in locis lapide velut confiti, tectique sint, tum incolarum, industria laetissimas segetes, omniaque frumentorum genera ferunt. Praeter sylvas, videamus omnia eleganter culta, ac vel segetibus, vel hortis, vel urbibus, vicis, pagis, convestita. Quod eo magis admiratione dignum, quia universa haec ora nemorosa olim, ac tesquis obita fuit. Nec modo cultum regionis incolae custodiunt, sed amplificare student, caedendisque lignis nemora, quibus abundant, in arva commutant.

**XX.** Ceterum populus, si quisquam alius, pius, fortis, sincerus, comis, offi-

ciosus, frugalis, hospitalis. Silibet inspicere corporis habitum, et formam: robur corporum, status procerus, ac decorus, facies virilis, in fronte gravitas, et candor.

Si populus quisquam alius bene compositis moribus, hic certe est. Bruschius pium, fidum, comem, praedicat; Io. Christoph. Laurus candidum, humanum, officiosum, sincerum; Nicol. Oelschlegelius, Lobensteinensis (Orat. ad Voilandos populares scripta) pium, superioribus honorem, et reverentiam habentem, animos gerentem in fronte, beneficium, cautum, et circumspectum, hospitalem, ac peregrinorum reverentem. His ornamentis accedit fortitudo, quam cum Taciti testimonium, tum res ipsa probat. Ita vero ille: *Præcipua Marcomannorum gloria, viresque, atque ipsa etiam sedes, pulsis olim Boiis, virtute paria. Nec Narisci, Quadvæ, degenerant.* de German. C. XLII. Super quæ verba velut commentarium scripsit Augustus Buchnerus noster, in panegyrico, quem Illustrissimo Friderico Merschio dixit. Atque adeo operæ pretium fuerit summum audire Oratorem. *Patriam si agere noster, inquit, Narisci veterum, sive, ut appellari hodie, non tamen ignoto plane antiquis vocabulo, solent, Narisci dederunt. Inchtogens, et Gracchi Romanisque ingenis celebrata. Cuius qui vigor, quæ virtus fuerit, hinc disci potest, quod Tacitus, eloquentiae fideique præclarus, nihil degenerare Marcomannorum gloria scribit, quos nulla Germanorum gens excellencia, et uno gestarum, et opum, inopemque am-*



plitudine supra fuit. Hi enim Marcomanni illi sunt, qui Gallis Helvetiisque ademerunt sedes, qui Galliam omnem Celticam prope subegerunt armis: mox, recedentes interius, fertilissimos illos Hercyniae campos, depulsis Boiis, gentie Gallica, qui occupaverant haec tenus, et ab se Bojohemum loco fecerant nomen, insederunt, omnesque finitimos aut domuerunt bello, aut conditionibus iuris sui fecerunt: eo progressu magnitudinis denique, ut, aemuli velut victori gentium populo, iustum timorem Romanis iniecerint. His non de-generasse Nariscos, cum prodit Tacitus, quam laudem illis, quod de-cus impertit? Hucusque Buchnerus. Neque vero tantummodo olim fuerunt fortes, sed in bellis etiam recentiori-bus. Bella enim multa gesserunt cum Norimbergensi-bus, et vicinis, Duce Alberto, Germanico Alcibiade. In bello praesertim Svecorum, adversus Polonos gesto, irruptionibus tribus prioribus, in pugna illa Varsoviensiacerrima, contra crudelissimos Tartaros proelii injuriam facientes, virtutem suam satis ostenderunt. Hinc Gustavus Adol-phus, Svecorum Rex, de illorum animositate, constantia-que, pronunciasse fertur: malle se Voilandis, propter strenu-am, et indefessam fortitudinem, dupla prerogare stipendia, quam aliis simplicia. Conf. Valdensellius, Monument. Hist. De forma autem et habitu corporis Io. Christoph. Laurus, Orat. de Burggraviat. Nor. Principatu Super. supra addu-cta. Verbo: pietas in Deum sine furo: amor in Patriam singularis: pro aris, focisque animus praesens: erga Ma-gistratus obsequium: fides antiqua: comis severitas: candor sine exemplo: frugalitas sine luxu: liberalitas in-comparabilis: denique hospitalitas maxima: hae pro-priae Variscorum virtutes. Nec scribimus incomperta-

**XXI.** Nunc necesse est, ut, quibus  
olim

olim Dominis paruerint, quibus pariter hodie subiecti sint, dispiciamus. Imperitarunt iis quondam primo Boioariae Duces, deinde Saxones, tum Marchiones Vogburgii, denique Comites Andecenses, iidemque Meraniae Duces. Hodie tribus Dominis Varisci parent: Ducibus Saxonibus, Marchionibus Brandenburgicis, Comitibus Ruthenis. Indeque Variscia diuisa est in Saxoniam, Brandenburgicam, Ruthenicam.

A quibus initio Variscia recta sit, res intricata. Attamen, quoad eius fieri poterit, extricabimus. Plerique putant, dubium, quibus, supra Duces Andechisios, paruerint Varisci. Sed tamen quosdam memorabimus. Theuto, qui et Theodo, i. e. Theodorus, dicitur, primus Norici et Boioariae Dux fuit Christianus. Is octogenarius, A. C. 1000. XII, ad sacra Christianorum conversus, et a S. Ruperto Ratisbonae sacro fonte tinctus. Idem Norgoviae, ultra Danubium, versus septentrionem, et, ultra montes Sudetos, ad Voilandiam pertingentis, aspera, et inhospitalia loca, coluit, et habitari voluit. Dedit autem ea Nariscis. V. Valdenselius, Antiqu. XII, 19. Enochus tamen Videmannus



mannus ait, Vartbrechtum, Regem Francorum, imperante M. Antonino Vero Philosopho, Voilandiam tenuisse, et Voilandos, foedere cum vicinis inito, Romanos valde afflixisse. Ab eo autem tempore, usque ad Arnulphum Imperatorem, nullam Voilandorum mentionem fieri. Verum id sine dubio de Variscis, veterem adhuc sedem tenentibus, accipiendum. Theodoro qui aliquandiu successerint, non constare putat Valdenfelsius, l. d. Primum autem nominat Arnulphum Imperatorem, Carolomanni, Regis Boioariae, filium. Aventinus autem duas stirpes priscorum Vogtlandiae Principum ponit. Ex prioribus solos, Ernestum aliquem, et Rudolphum, tanquam ultimos, recenset. Hos Ludovicum II, et III, Boioariae Reges, adversus Bohemorum excursions, fideliter adiuvisse. Alteram prosapiam auspicatur a Berchtoldi, antiqui Boioariae Ducis, filio, Henrico. Illius familiae hos Principes prodit: Henricum, Berchtoldum, Arnulphum nepotem, et Henricum pronepotem. His subiungit tres Theobaldos. Post hos defecisse nobile stemma, A. C. ccc. cc. x. Conf. Valdenfelsius, Monum. Hist. Sed enim plures, quam binae, fuerunt priscorum Varisciae Principum stirpes. Tribus fere post Theodorum seculis, Arnulphus, Carolomanni filius, Rex Boioariae, Dux Carinthiae, et R. I. Vicarius, Vogtlandiae Dominus fuit. Idemque Imperator electus est, A. mccc. xxvii, obiit mcccc. Vid. Valdenfels. Antiq. XII, 30. Conf. Videmannus. Eius filii: legitimus, Ludovicus IV, et naturalis, Ratholdus. Ludovicus IV, cognomento Bavarus, Imperator Romanorum, Rex item, ac Dux Boioariae. Idem vero et Vogtlandiae Dominus: idem porro, ultimus Carolomannicae legitimae familiae, moritur A. mcccc. xii. Succedit Arnol-

1111

M

not.

noldus, Dux Boioariae, ac Dominus Vogtlandiae factus. Fuit is Leopoldi, Ducis ignoti, in Hungaria occisi, filius. Obiit A. 10000 xxxvii. Bertholdus filius, Dux Boioariae, et Dominus Vogtlandiae, moritur *ἀπαις*, A. 10000 xlviii. Succedit Iuditha soror. Ea Henrico, cognomento Contentioso, nubit. Fuit is Henrici Aucupis, Ducis Sax. filius. Huic Iuditha Ducatum Boioariae, cum Vogtlandia, aliisque ditionibus, dotis loco affert. Moriuntur utriusque 10000 lv. Vid. Valdenfelsius, Antiqv. l. d. Aliquo tempore interiecto, secundum Gvolfg. Lazium, de Gent. Migrat. vii. regnavit Berchtoldus I, Vogtlandiae Princeps, et regnare coepit A. 1000 x. Sequitur Eberhardus I, qui sub Henrico III floruit. Huius fortasse frater, vel filius, fuit Arnolphus, quem annales ferunt submersum Nabo flumine, A. 1000 xlix. Succedit Hermannus, idemque primus Marchio de Vogburg. Conf. Valdenfels. Monum. Quantum autem ad Marchiones Vogburgios attinet, idem ille Valdenfelsius ait, *antiquos Norgoviae, et Vogtlandiae Principes, Comites de Cambo, Neumarek, et Bergel, Principibus Boioariae, ad tuendos limites, adiunctos fuisse. Ideo et sedem prope Danubium, infra Ingolstadtium, nempe Vogburgum, obtinuisse.* Antiqv. xii, 30. Post Hermannum, teste eodem, quem diximus, Lazio, secutus est Berchtoldus II, Marchio Vogtlandiae, Princeps literatissimus. Hinc Theobaldus I, inceptor rebellionis Henrici V, adversus Henricum IV, patrem. Reliquit filiam egregiam, Friderici Aenobarbi, Imperatoris, Coniugem. Theobaldus II. Ludovicus frater. Theobaldus III. Berchtoldus III. Berchtoldus IV. Eberhardus III. Marchio Vogburgenfis, Comes de Berg, Cambo, et Neumarcht, Princeps Vogtlandiae. Gottfridus. Conradus, filius, stirpis suae postremus. *Quantum sunt,*

sunt, qui duos postremos a Vogburgenstum familia excludunt. Vid. Laz. VII; et, post eum, Valdenself. Monum. Hist. Sed redeamus ad Arnolphi Imp. posteros, ad quos Vogtlandiae possessio, velut postliminio rediit. Illi Comites Andecesles, et Duces Meraniae, fuerunt. Rem hanc paulo altius repetamus. Arnulphus, ut supra docuimus, filium naturalem suscepit Ratholdum. Hunc Comitem, Ardechisiae et Dyssen constituit, A. 13 cccc. Huius filius fuit Rapotus, sive, secundum alios, Raupotus. Filius, Fridericus I. Filius, Fridericus II. Vid. Valdenself. Antiqv. XII, 31. Friderici filius, Leopoldus. Huius filius, Arnolphus, qui obiit c13 xxc. Huius fil. Bertholdus I, qui, religiosus factus, obiit in Monasterio Dyssenensi c13 c xv. Huius fil. Bertholdus II, Marchio Istriae, et Princeps Dalmatiae, Comes ab Andechs. Obiit circiter an. c13 c xxx. Ceterum Princeps Dalmatiae a Friderico Aenobarbo creatus. Huius fil. Bertholdus III, Dux Meraniae, ac Vogtlandiae, Marchio Istriae, Princeps Dalmatiae, Comes Andechsiae. Hic primus Comitum Andechsiae Meraniam, et Vogtlandiam, a Friderico Aenobarbo, titulo Ducatum, accepit. Quamquam Videmannus illud Bertholdo IV contigisse scribat. Obiit A. c13 c xxviii. Filius, Bertholdus IV, Dux Meraniae, et Vogtlandiae, Marchio Istriae, Princeps Dalmatiae, Comes Andechsiae. Hunc vero primum Videmannus refert a Friderico I. Imp. et quidem vivo adhuc patre, propter magna officia in Italia praestita, Ducem Meraniae ad Athesin, iuxta et Vogtlandiae, creatum esse. Eundem Bertholdum, una cum Friderico Imp. in Asia adversus Turcas pugnasse, A. c13 c xxxix, et anno eodem, Ducem Dalmatiae constitutum esse. Succedit filius Otto I, cognomento Magnus, Dux Meraniae, et Vogtlandiae,

Marchio Istriae, Princeps Dalmatiae, Comes Palatinus Burgundiae superioris, Comes ab Andechs, et Dyssen. Accipit autem Comitatum Burgundiae a Bearrice, Comite Burgunda, post mortem patris, c. cc. xviii. Diem obit A. c. cc. xxxiv. Otto Secundus, qui et Iunior appellatur, habuit quatuor sorores. Fuerunt illae: Agnes, Elisabetha, Beatrix, et Margaretha. Prima, pluribus nupta, aetate decedit: altera nubit Friderico, Comiti Hohenzollerano, A. c. cc. xlv, qui Burggravius Norimbergensis factus c. cc. lxxiii. Idem dotis loco magnam partem Vogtlandiae, Baruthum, Cadelsburgum, Crosiam, ditionesque alias, accipit. Huius Burggravi filius, natus minimus, Albertus, ducta uxore Ottonis, Comitis Orlamundani, vidua, dotis loco consequitur, quicquid in Vogtlandia Comites Orlamundani habuerant, excepta Curia, iam tum empti ab Henrico, Advocato Veideni. Sed, Alberto sine liberis mortuo, ea terrae portio ad Comites Orlamundanos, ut iustos heredes, redit. Beatrix nubit Ottoni, Praepotenti Comiti Orlamundano in Thuringia. Haec pariter dotis loco aliquam Vogtlandiae partem marito affert. Sed ambae stirpes, Merania, et Orlamundana, progressu temporis extinctae sunt. Otto quidem Iunior, ultimus Duxum Meraniae, Comitumque Andechsurum, quorum Conditor Arnulphus fuit Imp. occumbit, A. c. cc. xlviii. Interimitur autem ab Hagero, nobili cliente, in Castro Blassenburgo. Relinquit duas filias: Aloysam, Hugonis, Comitis Manticonensis, uxorem; et Anonymam, posthumam. Iam, Orone sublato, ditiones mirae discerptae. Gener retinet tractum Burgundiae superioris. Comitatus Tyrolensis, terram inter, Athesin, et Oenum, occupatur ab Alberto, Comite Tyrolensi,



Iensi, et Menardo, Comite Gorizensi. Huius enim pater, Meinardus, duxerat uxorem Mathildam, Bertholdi III, Meraniae Ducis, filiam. Bavari rapiunt oras alpibus subditas, et omnes pariter plagas, Boioaricis limitibus inclusas. Istriae, Dalmatiae, Foroiulii, et Marcae Trevisanae pars, ducibus Carinthiae, et inde porro Archiducibus Austriae, accedit. De reliqua Istria, et Dalmatia, quae maximam partem, de Ducatu item Meraniae, Veneti cum Bela, Pannoniae Rege, Andreae Regis filio, certant. Nam Gerrudis, mater Belae, fuerat Dux Meraniae, et Bertholdi IV filia. Terra Baruthina, vicinaque Vogtlandia, cessit Burggraviis Norimbergensibus, postea Marchionibus Brandenburgicis factis. Reliqua autem Vogtlandia Comitibus Orlamundanis, et subinde, emptionis iure, Marchionibus illis Brandenburgicis obvenit. Feuda Franco-nica, Andechisiae stirpi propria, Henricus, Antistes Bambergensis, et Hermannus, Antistes Herbpolitanus, apprehendunt. Vid. Videmannus, et Valdenselius: ille in Annalibus; hic Sel. Antiqv. XII, 31. Conf. 30. fin.

**XXII. Celsissimi Comites Rutheni, a Comitibus Osterodanis orti, primum Comites de Glisberg, deinde Vogti de Veida, tum Domini, postremo vicissim Comites appellati sunt. Nomen Henricorum, propter Henricum, Cognatum, Carinthiae Ducem, posteaque Imperatorum Roma-**



norum , assumptum , perpetuo durat:  
nomen Ruthenorum , ut fama , ab Rus-  
sisortum. Fuerunt Rutheni , suntque  
hodie , Domini partis eius Osterlandiae ,  
qvae ab ipsis nomen Vogtlandiae sortita  
est. Dynastiae Vogtlandicae sunt : Grai-  
za , Gera , Sleiza , Lobensteinium. To-  
tidem antiquissimae Illustrissimorum  
Comitum sedes. Ceterum , S. R. Imp.  
Clientes , Augustissimum Imperato-  
ratorem Romanorum , qva Regem  
Boemiae , clientelarum Dominum re-  
cognoscunt,

Illustrissimos , Celsissimosque Comites ex nobilis-  
sima prosapia veteranorum Romanorum progeni-  
tos , diploma Friderici Imperatoris affirmat , datum  
e portu Naonis , A. cto cc xxxii. Vid. qvo nemo  
rectius Domum Illustrissimam descripsit , Petrus Beklerus ,  
in Illustri Stemmate Ruthenico. At idem tamen scriptor  
prognatos prodir sanguine antiquissimorum Comitum  
Osterodensium , in Ducatu Grubenhagensi. Vixit quidam  
Eckebrechtus , Comes Osterodensis , Svarcenbergenfis ,  
et Plaviensis , temporibus Ottonis I , II , et III. Imperatorum  
Roma-

Romanorum, seculo adeo decimo. Idem vero Ekebrechtus et Dynastiam Veidentem possedit. Filius huius fuit Henricus I, qui primus appellari Vogtus passus est, idque patre adhuc vivo. Vid. idem Becklerus, ibidem. Ex quo intelligi potest, casu id nomen ortum, nec officii, sed honoris, fuisse. Magna enim Vogtorum iis temporibus in Sacro Imperio dignitas fuit. Henricus autem ille, quem diximus, his titulis usus est: Henricus I, Dei gratia Vogtus, Comes in Osteroda, Svarcenberg, Glisberg, et Plauen. Hisque usos titulis Comites Osterodenses, eosdemque Celsissimorum Ruthenorum Gloriosissimos Maiores, probat Auctor adductus epistola quadam, scripta A. c. c. c. xliii, item alia, scripta c. c. c. lxxiii. Praeterea, non fuisse officii titulum, sed sive casu natum, sive sponte susceptum, vel illud coarguit, quod Domini Advocati de VVyda ex eo tempore, postquam Henricus quidam, dictus Iunior, Curiam Variscorum, cum tractu Regnitiano, a familia Comitum Orlamundanorum emisset, se se Advocatos de VVyda, et Hof appellaverint. Henrico I successit Henricus II, Dei Gratia Advocatus, Comes Osterodensis, Svarcenbergensis, et Glisbergensis, Dynasta Plaviensis, cognomento Pius, primus omnium Vogtus de VVyda, posteaque Vogtus Vogtlandiae salutatus. Vid. iterum Beklerus. Hic itaque primus ille fuit, qui Vogtorum nomen ditioni dedit, ut ea deinde Vogtlandia, eiusdemque possessores Vogti dicerentur. Illud autem, ut iamdum monitum est, casu, aut sponte factum, non beneficio Imperatoris. Quam enim terram habuerat iam ante hereditariam, illi administrandae Advocatus dari non potuit. Proinde haud satis scimus, utrum sibi satis constet Scriptor saepe laudatus, qui eodem libro, Henricum Aucupem memoret, post caesos

apud

apud Martisburgum Hungaros, in illis locis Vogtos constituisse, quos Monasterio Quedlimburgensi praefecerit. Nescimus item, an satis sibi constet, cum scribit, Henricum, cognomento Divitem, propter Bertham, Friderico I. Imperatori propinqua cognatione coniunctam, atque ex Principali Meraniae Ducum stirpe oriundam, extincta hac familia, patrimonium huius in hac regione dotis loco accepisse, eundemque Henricum ab Imperatore Summum Imperii Vogtum, et Advocatum huic provinciae datum esse, et progressu temporis Dominum Hereditarium factum, ac deinde Praepotentem Possessorem totius Vogtlandiae dictum. Nam iam ante id tempus Comites terram illam tenebant, itemque Vogtos sese appellari, siverant, pariter et ipsi appellaverant. Tamen si autem in diplomatibus Imperatoris appellantur S. R. I. Advocati, tamen ita, non quatenus Vogti, sed quatenus clientes, dicuntur. Ille vero, quem diximus, Henricus Dives, alio cognomento dictus est Henricus III. Idem, in exemplum patris, se et ipsum Vogtum de VVyda vocavit. Posteaquam autem, praeter nominatos Comitatus, et Dynastias patris sui, universam Vogtlandiam reliquam tenere coepit, Henricus Dives, S. R. I. Advocatus, Dominus in VVyda, salutatus est, item Praepotens Possessor totius Vogtlandiae. Vid. Belderus Ill. Stem. Ruth. et Hist. Hov. P. II. L. I. C. 2. Conf. Pauli Langii, Monachi Bozaviensis, Chronicon Citizense, ad A. 1100 c. xciii, cui Comes iste vocatur Henricus, Nobilis Dominus de VVyda, et totius terrae Advocatus, Praepotens Possessor, et Dominator. Idem post paulo scribit, Henricum Seniores dictum fuisse, tanquam excellenti titulo, Advocatum, seu, vulgariter, Voit de VVyda, et ita posteros eius, per multa tempora. Ceterum totius terrae Advocatorum possessionem Casp. Zopfius ad

Long

an-

annum cto c xxx refert, Chron. Ruthen. Gerav. P. I, C. 15. Suscepit autem idem ille Henricus ex Bertha uxore, Comite Tyrolis, filios quatuor, qui a Langio his verbis memorantur. *Vxorem habuit Berchtam, Comitissam de Tyrol, quae peperit ei quatuor filios, qui omnes Henrici dicti sunt, quorum primus post eum sedit in VVida, secundus in Groyt, sive Greitz, dictus Henricus Rüsse, tertius in Plavven, quartus in Gera. l. d.* Sed Monachum erroris arguit Beklerus, tum, quod Graizentem Plaviensē praeponit, tum, quod eundem illum Rutheni nomine insignit, quippe cum cognomentum illud multo serius ortum fuerit. Ill. Stem. Ruth. Hi autem omnes, omisfis gentilitiis titulis perversitatis, sola Vogtorum, maioris utpote honoris verbo, contenti fuerunt, illudque, tanquam avitum, et hereditarium, usurparunt. Proinde falsus est Alb. Kranzius, quippe qui existimat, Henricum I, Regem, terram Advocatorum quatuor nobilibus Advocatis, seu, Vogtis, quos Barones vocat, de VVida, de Gera, de Rüsse, de Plavve, administrandam dedisse. Saxon. L. ix, C. 33. Diu enim ante iam habuerant Maiores. Propius a vero abludit Beklerus, qui narrat, Henrici Divitis filios, post Patris excessum, omnes Advocatos, et Vogtos, appellatos esse, et quidem priores tres ratione Voigtlandiae, ultimum autē ratione Monasterii Quedlimburgensis Ill. Stem. Ruth. Accedimus per omnia sententiae, si, titulo Advocati ultimi hereditario accessisse nomen Advocationis Ecclesiasticae, existimetur. Ceterum, ante huius tituli posterioris adoptionem, Henrici Divitis filius natus minimus, aequē, atque ceteri, nomine Advocati iam distinguebatur. Post patris obitum omnes, ab sua quisque Advocatione, Vogtum se appellavit, non dissentiente ipso Beklero, Ill. Stem. Ruth. it. H. H. P. II, L. I, C. 2. *Sigillatum, cur Hen-*



ricus Dives, pariter et filius natu maximus, dictus sit Henricus de VVeida, hanc rationem reddit Langius, quod uterque transtulerit a monte S. Viti Civitatem trans Elystrum fl. Nam antea, ut idem pergit Monachus, vocabantur Comites de Glisberg. Chron. Citiz. ad an. dictum. Conf. Bekl. Ill. Stem. Ruth. Atque Comitatum Glisbergensem olim ibi fuisse, ubi hodie sit Veida, statuit Dresserus, de Urbib. Germ. Advocati primae lineae postero tempore, nempe ab anno c<sup>ro</sup> cccc lxx, dicti sunt Advocati de VVyda et VVildenfels. Bekl. Ill. Stem. Ruth. Vnum de Advocatorum origine addimus, eam Dresserum assignare Henrico Aucupi, qui in his terris, et regionibus, Advocatos posuerit, ut supprimerent Sorabos, et urbes multas devastatas resciferent: in illis Cygneam, cui praefecerit Cuniconem, qui dictus sit Advocatus Zwickaviae. De hoc remansisse nomen Advocatorum, libro d. Facile fieri potuit, ut ab eo Advocato Vogtorum nomen oriretur. Neque tamen hoc perpetuum fuit, sed ad annum c<sup>ro</sup> ccc xxviii, aut c<sup>ro</sup> ccc xciv, duravit. Ill. Stem. Ruth. Postea, pro Comitum titulo, iuxta et Advocatorum, placuit Dominorum titulus. Procul dubio, quia in Bohemia vicina, circiter annum Christi c<sup>ro</sup> cc, omnes Comites, paucis familiis exceptis, Comitum nomine abdicato, Domini appellari maluerunt. Bekl. H.H. P. I, L.I, C.5 qui simul hanc causam affert, quia illis temporibus Dominorum titulus rarior fuerit. Linea secunda Advocatorum divisa est in duas alias: Seniore, et Juniore. Illa dicta est Burggravica Plaviensis, haec Ruthenica Plaviensis. Namque Senior in Principale fastigium erecta, auspicio Sigismundi Imperatoris. Burggraviatus Misniae, morte Henrici, Burggrayii ultimi, vacuefactus, redit ad Sigismundum Imp. et Imperium, A.



**ciō cccc'xxii:** vacuus datur Henrico Plaviensi, **A. ciō cccc'xxvi.** Traditur autem a Friderico, Principe El. Saxone, Friderici Bellicosi filio, traditurque simul cum Comitatu Hartensteinensi, Dominis a Schoenburg, a Ducibus Sax. oppignerato, sed a Plaviense redempto. Bekl. III. Stem. Ruth. Domini itaque Plavienses ab Sigismundo in Principale fastigium evehuntur, Principes Imperii, atque S.R.I. et Principali dignitate Burggravii Misniae, simulque Comites in Hartenstein, creantur, post obitum Henrici, quem diximus, Burggravii Misniae, et Comitis Hartensteinensis. Bekl. ibid. qui et diploma affert. Confirmaturque illa dignitas a Maximiliano I, ab Rege Hungariae, et Bohemiae, Ferdinando, **A. ciō 13 xxx;** a Carolo V. Imp. **A. eodem;** item alio diplomate, **A. ciō 13 xl;** it. alio, **ciō 13 xli.** Bekl. ib. Concessus autem Burggraviatus Misnicus, pariter et Comitatus Hartensteinensis, Henrico Illi, qui fuit Summus Cancellarius Bohemiae. Bekl. H. H. P. I, L. III, C. 7. Dictus etiam est ille Dux, et Princeps Plaviensis, item Princeps Imperii. Idem ibid. Successerunt filii sub Ferdinando Imp. Henricus Senior, et Henricus Junior, Principali dignitate Burggravii Misniae. Extincta autem linea Burggravica Plaviensi, **An. ciō 13 lxxii,** patrimonium devolutum est ad alteram lineam Plaviensem. Eius lineae Domini dicti Advocati, et Rutheni, Domini de Plauen, et Graiz, usque ad **A. ciō 13c xxx;** postea Rutheni, Domini de Plauen, Dynastae in Graiz, et Cranichfeld, usque ad **A. ciō cccc'xxv.** Extincta quoque est linea Gerana, **A. ciō 13 l.** Aucti hinc in maius tituli, et Domini Rutheni ab eo tempore dicti Domini de Plauen, Dynastae in Graiz, Cranichfeld, Gera, Sleiz, et Lobenstein. Post obitum enim lineae Plaviensis Burggravicae Rutheni etiam acce-

N 2

perunt

perunt Sleizam, et Lobensteinium. Cranichfelda autem ad Vogtlandiam non pertinet. Aucti demum tituli, resumpto vetustissimo Comitum titulo. Hic, auspicio Augustissimi, Invictissimiqve Romanorum Imperatoris, Domini LEOPOLDI, renovatus, et confirmatus, Egræ, A. MDCC LXXIII, die xxvi Augusti. Hodie igitur appellantur: Illustrissimi Comites ac Domini Rutheni, Comites, ac Domini in Graiza, Cranichfelda, Gera, Sleiza, et Lobensteinio. Vid. de his rebus omnibus accurate differentem P. Beklerum, Ill. Stem. Ruthen. Opes item distinet, fortunas, ac possessiones, feuda, et iura regalia, ac privilegia, denique fata, ab eodem repete Scriptore. Nos, concessu, ut speramus, percleменти, Nomina Illustrissima, cernui, supplicesqve intuemur. Vogti Plavienſes, quem admodum supra diximus, fuerunt in duas lineas divisi: Seniores, et Iuniores. Illa Burggravica, hæc Ruthenica dicta. Hinc Rutheni. Cuius nominis origo hæc proditur. Quidam Henricus, Vogtus Plavienſis, et Dynasta Ronneburgensis, primus cognominatus Russus. Hic, imperante Friderico Imp. in magna expeditione populorum Christianorum contra Saracenos, et Suldānum Babylo-nium, cum multis Regibus, Principibus, et Dominis, sigillatim cum Agnato suo, Henrico, Domino de Gera, in Orientem proficiscitur. Ibi, apud Ptolemaida urbem, capitur, emissusqve a mercatore Rutheno, in Russiam delatus, annis ibi duodecim vivit. Postea, fufis Moschis a Tartaris, rursum captus, Principi Tartarorum, Hocatae, datus, ab hoc, propter excellentissimas virtutes, carus habetur. Tempore interiecto, barbari cum exercitibus tribus in Hungariam, et Poloniam, Principatumqve Lignien-

tienſem Sileſiorum, erumpunt. His, Principatu devaſtato, alibi reliquiis ſuorum auxiliatum, celeriter revertentibus, Dominus Plavienſis, commodam naſtus elabendi occaſionem, remanet, ad ſuos redit. Rebus domi conſtitutis, anno circiter cꝛo cꝛxl, in aulam abit Friderici II. Imp. propter dotes animi, et corporis ſingulares, cum Auguſto, tum omnibus percarus; ceterū a ſtatu ſuo, pariter et habitu Ruſſico, Ruſſus longus dictus. Id nominis, ab illis temporibus, uſq; in hunc diem, apud Illuſtriſſimos Dominos Plavienſes manſiſſe exiſtimatur. Vid. Ill. Stem. Ruthen. Antiquius paulo Henricorum nomen eſt, quo omnes olim Advocati ſunt appellati, et hodieq; Ruſſeni Plavienſes appellantur. Origo eſt haec. Henricus III, cognomento Dives, duxerat Bertham, Ducem Carinthiae, eandemq; Tyrolis Comitem. Ea fuit agnata Henrici, Carinthiae Ducis, qvi deinde Imperator Romanorum electus eſt. Idem ille fuit filius Friderici I. Imp. Henricus autem Dives ex Bertha Coninge inſcepit filios quatuor. Inde uxor, amore inducta, tum erga maritum ſuum, tum erga Ducem agnatum, a marito impetravit, ut Filii omnes Henrici ſalutarentur. Id quod evenit: idemq; mos, et conſuetudo etiamnum valet. Vid. Dreſſer. de Praecip. Urbib. Germ. et Bekl. Ill. Stem. Ruth. itemq; H. H. P. I, L. I, C. 7. Ad perfectam Genealogiam Illuſtriſſimorum Comitum quod attinet, eam vide apud eundem illum Becklerum, in Ill. Stem. Ruth. Hodie Comites Ceſſiſſimi diviſi ſunt in Lineam Seniore, et Iuniorem. Senior Graizae ſedet, diviſa in domum Superiorem, ac Inferiorem: Iunior in Geranam, Sleizenſem, et Lobenſteinienſem. In utraq; floret ſincera pietas, iuſtitia ſingularis, aequitas ſumma.

N. 3

muni-

Burgis, de Burgis, in Nozembergenſibus, addit. ſil.

munificentia in literatos incredibilis, amor in subiectos vere paternus. Horum votis nostra iungimus, ac DEVM immortalem supplices obtestamur, ut Illustrissimam DOMVM RVTHENICAM, omni summae felicitatis genere in immensum cumulata, in omne aevum conservet, atque tueatur.

**XXIII.** Serenissimi Marchiones Brandenburgici eam hodiernae Varisciae partem, quae nomen servat vetustissimum, tenent. Est autem illa in Satrapias duas distributa: Curiensem, et Bonfideliensem. Dantur praeterea Praefecturae tres exemptae: Lichtenbergensis, Monachomontana, et Oberkozaviensis. Ex Satrapia Culmbacensi Franconica Praefecturae, Helmbrechtana, et Schauensteinienensis, ad Varisciam et ipsam pertinent, ac referuntur.

Nimirum pars quaedam Varisciae nomen vetustum retinuit: eademque Serenissimis Marchionibus Brandenburgicis, quae Burggraviis Norimbergensibus, addicta est.

Burg-



Burggraviatus autem ceteroquin divisus in Principatum Superiorem, et Inferiorem. Iam nomen Varisciae reliquum ad Superiorem spectat, in quatuor Satrapias distributum: Baruthinum, Culmbacensem, Curianum, et Bonfideliensem. Horum tertius, atque ultimus, Varisciam omnem propriam, quae Varisciae nomine adhuc distinguitur, comprehendit, si duo praeterea oppidula addas, quae Culmbacensi Satrapiae sunt innexa. Sunt vero illa: Schauensteinium, et Helmbrechtum. Reliqua huius Satrapiae loca, pariter et omnia Baruthinae, hoc tempore Franconiae accensentur. Curia, iure emptionis, ab Henrico Advocato Veidensi, una cum terra Regnitiana, omnibusque eo pertinentibus possessionibus, ad Fridericum IV, Burggravium Norimbergensem, pervenit. Vid. Zöpf. Chron. Ruth. Gerav. P. II. Ad eam vero Satrapiam tres Praefecturae pertinent: Curiensis, Nailensis, et Rheaviensis. Bonfidelia, cum tractu suo, olim dicta est terra Boxburgiorum. Eam enim Nobiles de Boxburg olim possidebant. Sed deinde, a Germanis fratribus: Eberhardo, Henrico, et Ludovico, ad Burggravium Norimbergensem, Fridericum IV, iure emptionis devoluta, ditioni eius accessit, anno circiter cix ccc xviii. Vid. Summe Rev. Dn. Io. Georg. Pertschius, Origin. Vogtland. et Bonfidel. P. I, C 8. Quod quidem intelligi oportet de dominio utili. Nam directum iam inde ab anno cix cc lxxxii, adeoque iam Friderici III, Burggravii, aevo, ad Burggravius Norimbergenses spectavit, Friderico, quem diximus, III, a Rudolpho I. Imperatore concessum. Ceterum dominium directum, anno, ut monuimus, circiter cix ccc xviii, cum utili coniunctum est. Vid. iterum Magnif. Dn. Pertschius, l. d. Auctor est Summe Rev. Dn. Io. Georg.



Georg. Layrizius, veteres possessores Bonfideliae fuisse, Nobiles de Voigtsberg. Hos, more illius aevi, quæstum prædando fecisse, eaque ex re nomen de Boksberg, vel Boker, sibi attraxisse. Porro horum posteros, germanos fratres: Eberhardum, Henricum, et Ludovicum, fere ad incitas redactos, pro septuaginta sexagenis monetæ Pragensis, vel, iuxta Monigerum, pro septies mille sexagenis denariorum Bohemicorum, vel denique, pro viginti quatuor millibus florenorum, in Fridericum iv, Burggravium, possessionem urbis illius devolvisse. Dissert. Histor. de Burggraviatu Nor. Leucopolis. oppidum, a Ioanne, et Alberto, Burggraviis, cinitur a Monasterio Valdsaffiensis, A. c13 ccc xlviii. Vid. Videmann. Annal. Cur. Bonfidelia olim pertinet ad Curiensem tractum, et quidem, inde ab anno c13 13 xlix, usque ad c13 13 liv, auspicio Domini Alberti Alcibiadis. Hoc autem anno Præfecturæ iv: Bonfideliensis, Leucopolitana, Hohenbergensis, Thirsteinensis, iussu Burggravium, coniunctæ sunt: anno autem c13 13c xiii duæ aliae: Kirchenlamitensis, et Selbensis, cum illis sociatae. Factum id auspicio Serenissimi Principis, ac Domini, Dn. Christiani. Itaque Præfecturæ tractus Bonfideliensis sunt sex: Præfectura Bonfideliensis, Hohenbergensis, Thirsteinensis, Leucopolitana, Kirchenlamitensis, et Selbensis. Vid. Magnif. Dn. Pertschius, P. I, C. 21. Separatae Præfecturæ sunt: Lichtenbergensis, Monachomoutana, et Oberkozaviensis: quippe quæ a folorum nutu Principum Serenissimorum pendent. Præfecturæ autem, Helmbrechtana, et Schauensteinensis, Satriapiae aliòquin Culmbacensi innexae, Varisciae itidem vindicantur. Atque hæc vera, hæc verus Variscia, sub tutela et imperio Optimorum Principum floret. Horum auspi-

auspiciis floret iustitia, floret pietas, florent optimae artes, floret religio. Quid enim Principe Gloriosissimo, Serenissimo Marchione; Domino CHRISTIANO ERNESTO, religiosius? quid eruditius? quid magis pium? quid iustius? quid clementius? Ille patet ipse subiectis suis, eosque audit: ille rigorem aequitate temperat: ille bonus, ac propitius omnibus: ille, ut Principum doctissimus est, ita incomparabilis eruditorum Fautor: ille Tutor emendatae religionis: ille denique Vindex, et Assertor Germanicae libertatis, ad seros posteros excelsissime celebrandus. Orti optimi maximique Principes a Celsissimis Comitibus Hohenzolleranis: ex horum prosapia, Burggravii Norimbergenses: ab his Marchiones Brandenburgici Serenissimi: de quibus praestat facere, quam parum loqui, cum tot Augusta Nomina tam angustis dissertationis spatiis includi nequeant, vastissimaque volumina iure meritissimo imperent atque exposcant. Plura qui volet, adeat, si volet, B. Io. Gvolfgangi Rentschii, Concionatoris quondam Aulici Brandenburg. Baruthini, et S. Th. Professoris longe Celeberrimi, opus egregium Teutonice conscriptum, quod dicitur Brandenburgischer Ceder-Hein, ed. Baruthi, literis Gebhardinis, A. MDCCXXXII. Nos quidem in religione votorum acquiescimus, sublatisque ad coelum palmis, DEVM aeternum illum ac immortalem asidue adorantes veneramur, ut Serenissimum Marchionem, ut Serenissimam Coniugem, ut Serenissimum Principem Hereditarium, Dominum GEORGIVM GVILELMVM, ut universam Serenissimam DOMVM BRANDENBURGICAM, semper Principalibus fortunis, et felicitatibus, auctam, atque affluentem, quam diutissime servet, et tutetur.

2018/9

O

XXIV. Se-



XXIV. Serenissimi Duces Saxoniae reliquum Varisciae hodiernae tenent, et emptione partim, partim matrimonio, magnum eius regionis tractum acquisiverunt, qui in Satrapias duas divisus est: Vogtlandicam, et Neostadiensem. Vogtlandia etiam Saxonica in Electoralem, et Ducalem distributa. Posterior Serenissimo Duci Saxoniae Citizenfi subiecta.

Ad Serenissimum Principem Electorem Saxonem Clientes Schriftfashii, ut vocant, Electorales, Schoeneccium item oppidulum Schriftfashium, item Praefectura Verdiviensis, quae hodie cum Praefectura Zwickaviensi coniuncta est, et, si quae sunt alia, pertinent: ad Serenissimum vero Ducem Saxon. Citizensem Praefecturae sex, et Clientes Vogtlandiae Ambtsfashii, item illi, qui Schriftfashii Ducales appellantur. Praefecturae tres: Plaviensis, Vogtsbergensis, et Pausensis, Satrapiam Vogtlandicam; reliquae tres: Veidensis, Neostadiensis, et Zigenruckenensis, Neostadiensem constituunt, Plavia urbs antiquissimis iam temporibus feudum fuit Saxonicum, et ad glebam terrae eius spectavit: sed, Comitibus Ebersteiniis extinctis, Dominium Plaviense, legitimae successionis titulo, ad Advocatos

catos Plavienses devolutum est. V. Beklerus, H. H. P. II L. III, C. 3. Ante id tempus fuit feudum Marchionum Misniae: sed Advocati subiecerunt Ioanni, Regi Bohemiae, tanquam feudum nobile Teutonicum eius regni. Ob singularis autem benevolentiae affectum sese beneficiarios agnoverunt. Namque sibi putabant licere, a quocunque Dominorum liberet, recipere illud dominium. Concessio nem eam deinceps Carolus IV confirmat, feudumque hoc regno Bohemiae in aeternum vult innexum. Vid. id. ibidem. Vogtsberga olim clientela fuit S. Imperii. Hinc universa Gens Dominorum Plaviensium, datis ad Carolum IV. Elect. Imperatorem Romanor. literis, significat, arcem Vogtsbergam olim ad Imperatorem, et Imperium, pertinuisse, petitque, uti se tueatur, et in tutelam recipiat. Id. ibid. At enimvero, cum Dynastia Plaviensis ad Duces Saxoniae postliminio rediit, tum etiam Vogtsberga, item oppida complura, quae antea ipsorum fuerant, ad eosdem redierunt: idque iure beneficiario denuo adepto, simul et emptione secuta. Cum enim Burggravi Misniae, et Domini Plavienses, atque Domini Gerenenses, Vogtdandiam a Carolo V. beneficii titulo acciperent, Princeps Elector Mauritius in eius beneficii partem venit. V. Idem Bekt. III. Stem. Ruthen. Duo autem Burggravi fratres, A. c. 1510 LX, Principi Electori Augusto pro sexaginta millibus florenorum oppignerarunt terras has: Praefecturam, et arcem Vogtsbergensem, Plaviam, et Olinitium urbes, Adorfium, Schoeneceiumque, oppidula, et Neokircham vicum: idque in tres annos. Factum id propter aes alienum, ab Henrico, regni Bohemiae Cancellario Summo, nulla culpa, sed necessitate, contractum. Maximos enim sumptus, in bellum, in quo Carolo V, itemque Ferdinan-



do, Regi Bohemiae, operam navarat. Cum enimvero, triennio elapso, perfidia, et luxu quæstorum, debita non redderentur, cesserunt loca illa Principi Electori, et subiecti Domino Augusto, non quidem, ut Domino Hereditario, sed tamen, ut creditori, sacramentum dixerunt. Gestæ hæc sunt A. c15 15c LXIII. Ante A. c15 15 XLVI loca illa Sereniss. Sax. Ducum peculia fuerant. Anno autem c15 15 LXIX. eadem illa Electori, tanquam Hereditario Domino, tradita sunt ab Henrici fratre juniore superstite. Rursum vid. Bekl. Ill. Stem. Ruth. Neostadium ad Orilam fl. oppidum ad Fridericum Admorsum, Marchionem Misniae, vi pacti dotalitii cum Elisabe ha Coniuge, Comite Arnshaugiensi, pervenit. A. c15 ccc 1. Vid. Dresser. de Praecip. Urbib. Germ. Ceterum Vogtlandiae Saxonicae hodie Regnator praeest Reverendissimus, Serenissimusque Princeps ac Dominus, Dominus MAVRITIVS GVILELMVS, Dux Saxoniae, Iuliaci, Cliviae, Montium, Angriae, et Vestphaliae, Postulatus Administrator Episcopatus Numburgensis, Pater Patriae omni Principalium laudum genere Cumulatisimus, Stator literarum Magnificentissimus, Evergetes eruditorum Optimus Maximusque, Praeses iustitiae clementia magis, quam severitate Conspiciuus, Amor et Delicium subiectorum, Deus quidam miserorum. Quem ut DEVS immortalis, una cum Serenissima Coniuge, cum Serenissimo Principe Inventuris recens nato, Domino FRIDERICO AVGVSTO, cum Serenissima Principe Filia, in serissimos annos, perque istud, quod ordinatur, seculum, salvum, et fortunis omnibus Augustissimo fastigio dignis, auctum cumulatamque esse velit, suspiriis ex imo eductis pectore, precamur.



**XXV. Clientes, inclytique, in toga, perinde ac sago, Heroes nunc memorandi. Ab Serenissima Domo Saxonica clientelares possessiones habent in Satrapia Vogtlandica: Comites Tettenbachii; Liberi Barones Bodenhaußii, Meusbachii, et Steinii; Equites: Beulvitii, Beustii, Bosii, Bunovii, Dobeneccii, Doelovii, Carolovicii, Feilitschii, Floessii a Seilbiz, Haberlandi, Haynii, Heydii, Ioesnitii, Lohmii, Mettschii, Neidbergii, Oelsnitii, Planitii, Poelnitii, Rabii, Reiboldi, Reizensteinii, Roederi, Roemeri, Schaumbergii, Schirndingii, Schmerzingii, Schoenfelsii, Seidevitii, Steinsdorfii, Tettovii, Thosii, Truzschleri, VVazdorfii, Winckelmanni, Wolfersdorfii, VVolframs-  
dorfii, Zedvitii, Zehrerii a Ram-senthal. In Satrapia Neostadiensi: Comites Ronovii; Liberi Barones**

Meusbachii , et Obernitii ; Equites:  
 Brandensteinii, Breitenbauchii, Buno-  
 vii, Creuzii, Dieskovii, Endii, Freyval-  
 dii, Gablenzii, Heydii, Koelbelii, Loh-  
 mii, Naundorfii, Nischvitii, Obernitii,  
 Poelnitii, Posernii, Rabii, Raschovii,  
 Reichardi, Rittesellii, Roederi, Schau-  
 rothii, Schuzii, Sebachii, Seydvitii, Spi-  
 gelii, Spiznasii, Steinii, Steinsdorfii,  
 Tumplingii, VVazdorfii, VVildii,  
 VVolfersdorfii, VVolfraamsdorfii, Zeh-  
 mii. In clientela Serenissimæ Marchionū  
 Brandenburg. hi fere sunt. In Satra-  
 pia Curiensii : Comites Tettenbachii,  
 Barones Steinii, et Roschellii. Equi-  
 tes: Baumsdorfii, Beulvitii, Dobeneccii,  
 Drechsfelii, Feilitschii, Hertenbergii,  
 Magvitii, Oberlandi, Puhelii, Radi-  
 vvorskii de Sechzebus, Raitenbachii,  
 Reckii, Reizensteinii, Schoenstedii,  
 Truzschleri, VValdeccii, VValdenfelsii,

Zed-

Zedvitii. In Satrapia Bonfidelienfi Liberi  
 Barones Steinii; Eqvites: Grafenreuthii,  
 Lindenfeldii, Marschalli, Schirndingii,  
 VValdenfeldii, VVallenfeldii. Celfiffimos  
 Comites Ruthenos feudorum Dominos  
 recognoscunt Eqvites: Beulvitii, Berbisdorfii,  
 Bunovii, Dobeneccii, Doelovii, Draxdorfii,  
 Endii, Feiltschii, Guntherothii, Heydii,  
 Hunefeldii, Iltenii, Karstedii, Kaufungii,  
 Koppii, Kosbothii, Kropfii, Kummerstedii,  
 Magvitii, Meusbachii, Mufflingii, Naundorfii,  
 Oberlandi, Obernittii, Pfugii, Poelnittii,  
 Posernii, Rahnii, Raschovii, Raitenbachii,  
 Reizensteini, Roemeri, Roehrscheidii, Schaurothii,  
 Selbitii, Schoenfeldii, Spiznasii, Steinii,  
 Tettovii, Truzschleri, Tumplingii, VVfelii,  
 VVazdorfii, VVeisbachii, VVinckleri,  
 VVolfersdorfii, VVolframs-  
 dorfii, Zedvitii, Zehmii.

xxvi.

XXVI. Quotempore Variscimontes suos, concessu Theodorici, habitare coeperunt, a vero DEI cultu alieni fuerunt, postea ad sacra Christiana conversi, demum emendatam religionem amplexi, quam usque adhuc summa animorum constantia sartam tectamque servant.

Narisci, prae reliquis omnibus Germaniae populis, foedissimum, maximeque abominandum sibi Deum, Belenum, finxerunt. Nam Q. Septimius Florens Tertullianus, Seculi III post C. N. Pater, Belenum vocat Norici Deum. in Apologia, C. xxiv. Quamvis vero sint, qui substituant Aremoricos, Galliae populum, sciendum tamen, Belenum utriusque populi Deum fuisse. Idem enim Tertullianus alibi idem de Noricis repetit. L. II. ad Gentes, C. 8. Est autem Belenus idem, ac Sol, sive Apollo. Conf. Summe Röv. Dn. Pertschius, P. II, C. 4. Iam idem evincit, Noricos eodem illo cultu vicinos Nariscos inquinaſſe, eosdemque simul intelligi abs Tertulliano. ibid. Multi pro Belenus legunt. Tibelinus; ex quo vocabulo quidam Germanicum Teufel exſculpere conantur. Sed utrumque ineptum. Tibelinus ceteroquin verbum haud dubie ex verbis: Norici Belenus, male connexis, ortum. Ita indicat summi Viri iudicii, Dn. Pertschius, l. d. Ceterum, sicut templa anti-  
qui

qui Germani nulla habuerunt, ita nec Narischi. Luciet nemora, loco templorum, superstitionis causa adita. Inde sacrae frequentes arbores, imprimis quercus. Vid. Dn. Pertschius, P. II, C. 5. Sacerdotes autem, velut Germani ceteri, ita nostri habuerunt; id quod conjectando assecutus videtur Magnif. Vir, P. II, C. 7. Interim profano huic populo de Evangelio Christi iam seculo I. P. C. N. aliquid innotuit. Nam Marcus quidam, cuius Paulus Apostolus mentionem facit, in Norico, atque Laureaci, quod est ad Aeastum oppidum, verbum divinum praedicavit, id quod in actis Laureacensium invenisse se scribit Aventinus, II Annal. Conf. Dn. Pertschius, P. II, C. 8. Porro S. Severinus Noricorum Apostolus Seculo V dictus est. Is, anno cccc lvi, in Noricum, et Austriam veniens, religionem Christianam feliciter amplificavit. Vid. Abrah. Bucholzerus, ad eum annum. Compon. Valdenselius, XII, 27. et Dn. Pertschius, P. II, C. 8. Imo Aventinus non obscure indicat, ipsis etiam Variscis Doctorem Severinum contrigisse, L. II; et ex eo Dn. Pertschius, cui videtur longe certissimum, sec. VI Variscos ad Christum conversos esse. Conversi enim tunc Boii, Theodone, seu Theodorico II, Boiorum Duce, converso. Hic enim vero a patre, cum Boiicam, aliasque regiones, tum etiam Varisciam acceperat. Ayent. L. III. Regnante illo Theodone II, Noricorum, et Boiorum Duce, S. Rupertus, Vangionum Antistes, ex Gallia in regiones has commigravit. Is Ducem, iam octogennarium, Ratisbonae sacro fonte rinxit, et ad ceremonias Christianorum informavit. Secuti Ducem libenti animo Boii: secuti subiecti reliqui. His rebus gestis, Dux Episcopatum Salzburchensem fundavit, creato primo illorum sacrorum Antistite ipso Ruperto. Vid. Valdensels Monum.

Hist.



Hist. et Antiqu. XII, 27. it. Dn. Pertschius, P. II, C. 8. Quare haud satis scimus, quibus rationibus nitantur, qui existimant, Bonifacium, Germanorum Apostolum, sec. viii Variscos Christi sacris imbuisse. Debetur hoc beneficium Severino, et in primis Ruperto debetur. Bonifacius potius Francos, Hailos, ac Thuringos, convertit. Vid. Albert. Stadens. ad annum cto cc lv. Conf. Dn. Pertschius, P. II, C. 9. Adversam sententiam tenet Videmannus, in Chron. et Valdensellius, XII, 27. Qui quidem et ipse Severino, Rupertoque, conversionem vindicat, sed tamen neque Bonifacium ab illa excludit. Progressu autem temporis, cum Ecclesia multo errore corrupta esset, emendatio, opera, et ministerio B. Lutheri, suscepta est. Vogtlandia hinc Saxonica, reiecta superstitione, religionem ad Formulam Augustanam conformavit. Secutus Saxonum exemplum Serenissimus Princeps, ac Dominus, Dominus Georgius I, Marchio Brandenburgicus, qui, anno cto 15 xxvii, sententiae Lutheri accessit, et, convocatis Theologis, pariter et Iureconsultis, in Conventu Svobacensi, religionis repurgationem, in Burgraviatu Norico, decrevit. Vid. B. Io. Gvolfg. Rentschii, olim Sereniss. Aulae Baruth. ac Xenodochii, Ecclesiasticae, nec non Theol. Moral. P. P. Iubilaeus Burgraviatus Norici, ed. Baruthi, A. cto 18c lxxxviii. Decretum in Receptu anni cto 15 xxviii, die Martis, post diem festum Invocavit: *Vi verbum DEI, V. et N. Instruendi, pure proponatur: ut officiales, pariter ac subiecti, attenderent solliciti, nec quicquam verbo DEI contrarium concederent, sed Serenitati suae veraciter indicarent. Neminem enim, adversam doctrinam publice proficentem, in regionibus, suae Serenitati subiectis, tolerandum. Quae res quo felicius perficeretur, indictus Conventus Svobacensis.* Convenerunt die Mercurii, post Corporis Christi Sacrum, Legati Brandenburgici, pa-

ci, pariter ac Norimbergenses. Idem Georgius prima fundamenta ipsius Formulae Augustanae iecit, eidemque Conventus ipse prima rudimenta dedit. Consignaverant Theologi Brandenburgici articulos XVII, quos et Norimbergenses ratos habuerunt. Hos articulos Serenissimus Princeps, Dominus Georgius, Principi Electori Saxoniae, et Landgravio Hassiae, transmisit. Hi Principes Serenissimus eosdem Theologis Vitembergenfibus, et Marpurgenfibus, expendendos tradiderunt, qui, approbatos, et nonnihil emendatos, in Conventu Smalcaldico prodixerunt. Atque ex his ipsis Articulis Theologi, quos modo diximus, in Comitibus Augustanis publicam, et sanctam Confessionem collegerunt. Vid. rursus B. Dn. Rentschius. Quod attinet ad Varisciam Ruthenicam, haec pariter, sub idem repurgatae religionis initium, sacris emendatis initiata, est. Quo de argumento vid. Zopfius, Chron. Ruth. Gerav. P. I, C. 10. De Praefecturis sacris Varisciae addimus, numero esse duodecim: sigillatim, in Saxonica, quinque, in Brandenburgica, tres, in Ruthenica, quatuor. Sacrorum Vogtlandiae Saxonicae Antistites sunt hi: Neostadensis, Olsnitensis, Plaviensis, Reichenbacensis, qui Inspector dicitur, et Principi Electori obnoxius est; ac denique Veidensis. Brandenburgicae sunt hi: Curienfis, Bonfideliensis, et Monachomontanus. Ruthenicae sunt hi: Geranus, Graizensis, Sleizensis, et Lobensteinienfis.

**XXVII.** Superest, ut vicissitudines, et bella, breviter repraesentemus. Multum mali perpeffa Variscia in expeditio-

Pis inuicem in Ca-

Beils

ne Caroli IV, Imp. et Friderici Strenui,  
 Principis El. Sax. suscepta A. c. 1500 LIV.  
 Nec minus a furore Bohemorum passa,  
 A. c. 1500 XXX, et c. 1500 XXXIII. Mul-  
 tum porro vexata bello, inter Frideri-  
 cum, Principem El. Sax. et Ludovicum,  
 Ducem Sax. fratres exorto, A. c. 1500  
 L. Amplius bello, quod inter Albertum,  
 Principem El. Brandenb. et Ludovi-  
 cum III, Ducem Bavarum, exarsit,  
 c. 1500 LIX. Haud ita multo post,  
 nempe A. c. 1500 LXVI. bello Erne-  
 sti, Princ. El. Sax. adversus Plaviensem  
 Ruthenum gesto. Anno autem c. 1500  
 IV, bello Boioarico, inter Maximili-  
 anum I, et Rupertum Palatinum, eius-  
 demque patrem, Philippum, gesto.  
 Anno c. 1500 XXV, tumultu rusticorum.  
 Denique bello Germanico, quod A.  
 c. 1500 XLIV, et tricesimali, quod c. 1500  
 XXXVI coeptum est.

Bella

Bella, malorum maximum, ultimo appendimus loco. Illis Varisca, si qua alia, regio infestata olim. Coeperunt autem inprimis, imperante Carolo IV, Imp. Romanorum. Ante isthaec tempora satis fuit felix Vogtlandia. Anno autem c13 ccc LIV gravissima expeditio Caroli IV, et Friderici, cognomento Strenui, adversus Henricum Plaviensem suscepta est: aliaque, A. c13 ccc LVII, ab eodē Friderico. Vid. Albin. Chron. Misn. P. I. Quamquam alii Historici expeditiones illas coniungunt, et utramque ad annum c13 ccc LVII. referunt. Causae belli hae. Imperator, prout regnum Bohemiae cupiebat esse quam amplissimum, eas urbes, atque arces, quae ad illud olim pertinuisent, recuperare cupiebat. Henricus autem Plaviensis, cognomento Ruthenus, quaedam oppida, arcesque, possidebat, sibi pignori datas. Agitur cum eo, ut iusto pretio repignerari pateretur. Ruthenus nullas condiciones audit, neque contentus finibus, Misnicos invadit. Rē ad Imperatorem delata, admonitus, Ruthenus non desistit incepto. Rex contemptum, et Marchio contumeliam, indigne ferens, communibus viribus, ad sua quisque repetenda, ditionem invadit. Zigenruckum arx, ceteris munitior, primum obsidetur: ea enim multum Ruthenus confidebat. Incisis autem foris canalibus, et tubis, obsessi aequarum, victusque inopia laborant. Facta inde deditione, miles, vitam pactus, arcem Regi, et Marggravio tradit. Mandato regio poenā a Praefecto Zigenruckano sumitur. Quare tantus Praefectis reliquis metus iniicitur, ut imperata faciant. Quo factum, ut, repente deditis castellis, ne recolligendi quidem sui Rutheno imparato potestas relinqueretur. Oppugnata autem, iuxta et dedita, non modo loca debita, verum etiam dominia Rutheni propria: Triptitium, Steina,



na, Ronneburgum, Graiza, Veida, Olsnitium, Vogtsberga, Plavia, Lichtensteinium, Moringa, Hindenburgum, Trier, Rube, et alia plura. Rem adeo indigne tulit Ruthenus, ut confestim Praefectos ad se evocaret. Hos primum obiurgare, propter cupiditatem, qui ab Rege se corrumpi passi essent; deinde etiam, propter formidinem, qui non pugnassent pro republica: postremo accusare, perfidiae, qui, se infcio, munimenta firmissima hosti prodidissent. Praefecti afferre defensionis suae causas: potentiam Regis, et celeritatem: tum, de improvilo se oppressos, numero longe inferiores: hinc cessisse fortunae, non cupiditatis, sed necessitate: non etiam potuisse arces teneri, propter machinas adhibitas, ac tormenta: rectius denique sibi visum, integras relinquere arces, vel hosti, quam incensas deferere, non sine suo, civiumque ingente periculo. Ruthenus nullam partem defensionis accipit. Hinc, ut reliquos Praefectos retineat in officio, severissimum exemplum edit. Namque praefectos in horreum compellit, quod inflammat. Tam aegre is honorum iacturam ferebat. Arces ad Bohemiam pertinentes Rex praefidiis munit: alias, seu pertinentes ad Misniam, seu Rutheni proprias, Marchioni relinquit. Vid. Georg. Fabricii Chemnicenf. Originum, unde haec mutuati sumus, Illustriss. Stirpis Sax. L. vi. Conf. Kranz Saxoniae L. ix, et Bekkerus, H. H. P. II, L. III, C. 4. Anno crio cccc xxx nova Varisciae calamitas a furore Bohemorum. Hussitae enim, post vivos concrematis sanctissimos Martyres, Io. Hussum, et Hieronymum Pragensem, de sedibus erumpunt suis, et, praeter Misniam, Lusatiamque superiorem, et inferiorem, item Saxoniam, complura Varisciae loca vastant, multaque exurunt: exempli causa, Verdaviam, Reich-



chenbacum, Aurobacum, Olshutium. Cum primis autem furiosi eunt in Henricum Plaviensem. Is in carcere detinebat captum Sternbergium, Baronem Bohemum, quem, lite licet aestimata, tamen redimendum dare noluit. Veniunt igitur Bohemi ad Plaviam urbem, paciscuntur cum Praefecto, ut ipse ex arce discederet, milites arma deponerent, salvi abirent. Ni facerent, extrema minitantur. Spatio ad deliberandum dato, arcem in potestatem Bohemi accipiunt. Sed, pacti immemores, crudeliter dedititios inermes interficiunt. In his de nobilitate plus quam centum occisi, et spoliati. Metu illo sublato, in cives ferum stringunt, supra nongentos trucidant: in senatum, et flamines, magis, quam in ceteros, sua consuetudine, truces. Edita per oppidum strage, arcem diruunt, tectis ignes subiiciunt. Accidit VIII Kal. Febr. quo die memoria Conversionis Pauli, Apostoli, celebrata. Multas praeterea urbes obruunt, sique ferro pugnare nollent, magna pecuniae summa aestimant. Ingens ruina castellorum, urbiumque, secuta. Rudera id etiamnum loquuntur arcium: Gattendorf, Kozau; item urbium: Helmbrecht, Monachomonti, Leucopoleos. Curia, et fere omnia Varisciae oppida, ac vici, exusta. Vid. Georg Fabricius Chemnic. L. VII. Conf. Kranz. Vandal. L. XI, C. 20. et Dn. Pertschius, P. I, C. 18. Idem Bohemi iterum in Vogtlandia praedas agunt, A. c. cccc xxxiii. V. rursus G. Fabric. Id. Eodem seculo, et quidem A. c. cccc l. novum bellum. Comites Svarceburgii armis inter se de hereditate contendunt. Eo bello Duces ipsos Saxones, quorum in ditione erant, implicant. Propter enim Henricum Svarceburgium Principi El. Friderico bellum faciunt Adolphus, et Sigismundus, Comites Glichenses, cum aliis quibusdam.

Pro-

Profectus in Thuringiam Elector, populatione, et incendiis illorum agros vastat. Cumque nec fundis fraternis, quorum plerique oppignerati ab Electoris hostibus tenebantur, parceretur, iniuriam interpretatus est Gvilelmus non ferendam, quippe cum sua ignominia coniunctam. Tamen si vero viribus satis instructus non erat, tamen prudentia sibi pugnandum putavit. Itaque fratri non occurrit, sed subito collectas copias in Misniam immittit. Tum ad Albertum Brandenburgicum nuncios ablegat, quem in suas partes, multorum beneficiorum commemoratione, non difficulter pertrahit. Fit varia incursio. Hostem tamen neminem magis oderat, quam in Vogtlandia Gerenssem. Ad huius igitur oppidum evertendum omnes copias congregat. Eas, delectu Torgae habito, contra ipsum educit. Verita excidium mater, gravissima foemina, nobilibus matronis stipata, obviam it Gvilelmo. Admissa in Ducis conspectum, verba pro tempore humiliter facit, et oratione flebili admonet, ne quid iratus committeret, cuius deinde poenitere posset. Laudata mulieris pietate, et virtute, ab incepto desistit, in Misniam confestim revertitur. Fabric. l. d. Sed Gerensis postea, scriptis literis, Gvilelmum de novo lacessit, item in Radensi praefectura praedas agit. His rebus exacerbatus Dux, omnis rebus aliis, omnem vim belli in Gerenssem convertit. Miles externus, instructo pergens agmine, diripit, quaecunque erant obvia in agris, aut castellis non satis munitis: onerat plaustra aere Campano, quod e templis abstulerat: nullam cuiquam suppellestem relinquit. Elector, quid acturus frater esset, non ignarus, Gerensi succurrit, et ex altera Elystri ripa castra collocat. Vtrinque in opere faciendo, et exaequandis equis, et com metu comportando, leviter

prae-

praelia fiunt. In uno a Gvilelmianis Ludovicus Gleichenfis, Ernesti frater, capitur, et magnis clamoribus in castra ducitur. Interim cum copiis suis adventat Fridericus Brandenburgicus, qvi Veidam, uno inde milliari, divertit. Cum per incuriam miles quidam agit, hospitis domum inflamat. Dimidia hinc oppidi pars in cineres redigitur. Gvilelmiiani se ad expugnationem Gerae comparant. Milites praesidiarii, et cives, fidem iureiurando invicem dant, seqve, obfirmatis animis, defendunt. Cum enim mala alia, tum praecipue Bohemorum furorem metuunt. Itaque fortunam experiri, quam cuiusquam clementiam implorare, malunt. Sed Bohemi tandem irrumpunt: et, qvia non sine clade potiti victoria fuerant, in omnem multitudinem faeviunt, ne puerperis quidem parcentes, et infantibus. Gerensis ipse in hostium potestatem venit, Comes Orlamundanus, Burggravius Kirchengensis, et Nobiles multi, et cives primarii. Gerensis, in Bohemia, lue pestilenti moritur: Nobiles item multi ibidem decedunt. Ceterum muri oppidi diruuntur, et arx, atque aedificia, incenduntur. Plebs promiscua, quae fuga in templo salutem quaesierat, spoliata, et, exuta rebus omnibus, nullo habito personarum, aetatis, sexus discrimine, miserabiliter inter aras trucidatur. Caesa autem in oppido sunt ultra quinqve hominum millia. Vid. Fabric. l. d. Anno c13 cccc lxx bellum exarsit inter Albertum, Marchionem, atque Principem Electorem Brandenburgicum, et Ludovicum III, Boioariae Ducem. Bonfideljenses, qvi in primis a Bohemis auxiliaribus, propter damna Hussitico bello illata, petebantur, eos fortiter a muris, cervicibusque suis, repellunt. V. Dn. Pertsch. P. I, C. 18. A. c13 cccc lxxv. Ernestus El. expeditionem suscipit contra Plaviensem.

Q

Nam

Nam ab eo populus deficit, sequē ad Saxoniae Duces applicat. Elector igitur ab ordine equestri, quam a plebe, rogatus, IV. Id. Febr. in Vogtlandiam movet, agrum Plaviensem praedabundus ingreditur, oppidum praecipuum, Plaviā, occupat. Tum arcem oppidi capit, et illam omnium antiquissimam Vogtsbergam. Olsnitenses, et Adorfenses, sponte in castra veniunt, ac sese dedunt. Plaviensis, amissa ditione, in Bohemiam se confert: cum certam pecuniae summam Elector numerat, de qua Deusingam oppidum, et Engelsburgum, emit. Eodem etiam hoc anno Elector Burggravium Misnicum occupat. V. Fabric. l. d. Conf. Albin. Chron. Misn. P. I, Tit. 14. Secutum est bellum Boioaricum, inter Maximilianum I. et Rupertum Palatinum, eiusque patrem, Philippum, gestum, anno c13 15. Bohemi Ruperto supplicias ferunt, et cum ingentibus copiis totam Varisciam depopulantur, magnasque ruinas edunt: sed a civibus Bonifidelienfibus, et Aeremontanis, repelluntur, ac fugantur. Vid. Dominus Pertichius, P. I, C. 18. item Bruschius, Descript. Mōnt. Pinif. Anno autem c13 19 oppidum Olsnitium a Bohemis miserum in modum vastatur, et in favillas redigitur. V. Zeilerus, Itinerar. Germ. P. II. Anno c13 25, rustici in agro Plaviensi seditionem conflant, qua de vid. Munsterus, in Cosmogr. Anno c13 36 secutum est bellum Germanicum magnum. Curia, a Io. Friderico, Elect. Sax. ad deditionem provocata, deditur, et statim recuperatur; at denuo, tormentis verberata, expugnatur. Bonifidelia deditionem recusat: sed tandem tamen Plavio, Burggravio, eidemque Cancell.



Cancellario Bohemiae, bis se dedit. V. Dn. Pertschius,  
P. I, C. 18. Sub initium sec. xvi, oppida Varisciae, a  
Bohemis in bello Smalcaldico occupata, ab Rudolpho,  
Bohemorum Rege, Serenissimis Ducibus Sax. restitun-  
tur. V. Zellerus, de X. Circul. Imp. Demum vero se-  
cutum est bellum Germanicum, quod vulgo tricesimale  
dicitur, coeprum A. c15 13c xxxii. In eo, praeter plu-  
rimas alias Germaniae regiones, et nostra Variscia plu-  
rimum malorum perpessa: sigillatim Olshnium exci-  
sum, urbesque, Curia, et Bonndela, cum vicinia, ma-  
xime omnium vexatae. Finitum autem triginta anno-  
rum bellum A. c15 15 xlvi. Vid. ultima vice laude  
nostra maior Dn. Pertschius, in opere quam saepissime  
laudato, P. I, C. 18. Ab illo tempore, post immensas  
propemodum calamitates, Variscia respiravit, ac fru-  
ctus aureae pacis usque huc percepit, et sub paterno  
clementissimoque imperio Optimorum Saxoniae, Bran-  
denburgicorumque Principum, ut et Principali sangui-  
ne ortorum Comitum Ruthenorum, floruit. Ut vero  
floreat in perpetuum, neque ullis casibus adversis agi-  
tata, turbatave, perennet, postremo DEVM immor-  
talem sine ulla intermissione religiose  
comprecamur.


**PARS II.**



(116)  
**PARS II;**

**CVRIA VARISCORVM.**

**C**VRIA, Vrbs urbium Varisciae, ex  
 Citesqvis, horrendaqve sylva, latro-  
 ciniis frequente, atqve intuta, surrexit.

Vria, an urbs alia, caput sit Varisciae, non con-  
 venit inter omnes. Caspar utiqve Bruschius  
 Curiam metropolin Voilandiae salutat. De-  
 script. Mont. Pinif. Contra Bilibaldus Bircckhei-  
 merus Norimbergam metropolin totius Narisciae ponit.  
 Descript. Norib. Quae sententia minus verisimilis videri  
 potest. Tamen enim Nariscia Noricis oriundi sunt, ta-  
 men diversus postea, quam maiores, populus habiti. Alii  
 Plaviae deus vendicant: in his Seb. Munsterus Cosmogr.  
 L. V, qui eam urbem et Vogtlandiae, et Narisciae, princi-  
 pem ducit. At neque Curiae, neque Plaviae, quicquam nos  
 derogatum cupimus. Est, nostro quidem iudicio, Prin-  
 cepturbium Curia: est item Plavia; illa Varisciae prop-  
 riae: haec Vogtlandiae propriae; porro illa Varisciae  
 latae, sive hodiernae: haec Vogtlandiae hodiernae. Si Vogt-  
 landia Varisciae nomen induit, Curiam agnoscere metro-  
 polin; sin Variscia Vogtlandiae appellationem recipit, Pla-  
 viam agnoscere metropolin videtur. Si dicendum, quod

res

res est, nec Variscia dici potest Vogtlandia, nec Vogtlandia Variscia, quemadmodum Parte I ostendimus. Sed tamen regiones istae pro una eademque hodie ducuntur. Est alioquin sua utriusque metropolis: Varisciae Curia, Plavia Vogtlandiae. Quod sitamen vocabula exaequantur, ac pro iisdem habentur, quemadmodum omnino hodie habentur, sicut totius Varisciae caput Curiam, sic Vogtlandiae latae caput Plaviam, dicendam esse arbitramur. Sed vero Curia nobis curae erit, cuius ante omnia ortum pervestigamus. Henrico III, Imperatore Romanor. A. C. cior lvi vita functo, Henricus IV, filius, natus annos quinque, succedit. Huius cura matri committitur. Relicet per sexennium bene gesta, gliscentibus procerum, ob muliebri imperium; odiis, filius matri, neque sine vitae periculo, eripitur. Huius educatio, pariter et Germaniae administratio, sacris vendicatur hominibus, tunc temporis potentissimis. Hi animum adolescentis, per se liberalem, et clementem, in utilitatem vertunt, sibi que obnoxium reddunt. Multa hinc scelera secuta: bene meriti loco moti: indignis munera vendita: invasa bona, obtentu mandati regii, aliena: summa imis mixta. Corruptus in primis Imperator ab Adelberto, Archiepiscopo Bremensi, et Verembere, Comite. Proceres Germaniae Imperatori narrare in conventu Triburiensi, A. cior lxxvi actio, hominum illius scelera. Cum primis autem Saxones quorundam proceres quotidianis fere proeliis inter se committunt. Excitare hinc Henricus in Saxonia, locis idoneis, hinc inde in montibus, ad Saxones coercendos, castella, et praefidiis munire. Saxones queri, in fraudem libertatis extructa: hinc conventus agere, novas res moliri contra Henricum. Quamquam Scriptores quidam allam extru-

-595b

Q3

tus

Etis castellis causam obtinent: in his Videmannus, in  
 Annalibus Urbis Curiae, et quos hic secutus. Aiunt, cau-  
 sam fuisse libidinem Imperatoris, et crudelitatem adver-  
 sus subiectos. Hannonem, Pabenbergensem, Colonien-  
 semque Antistitem, ab Imperatore in partem administran-  
 di Imperii ascitum, pristinum Reipublicae statum in melius  
 mutasse. Sed hunc, anno praeterlapso, munus deposuisse, of-  
 fensum iniustitia palatii, et juvenilibus peccatis ipsius Im-  
 peratoris. Tum Imperatorem, velut Praefecto morum libe-  
 ratum, in omne genus vitiorum incubuisse. Iam his rebus  
 factum, ut Imperator plerisque populis invisus, nec satis in  
 Imperio tutus videretur. Ideo repente montibus, colli-  
 busque, in Saxonia praecipue, et Thuringia, arces, et ca-  
 stella imposuisse. Sed defuisse praesidians definitos redi-  
 tus, et tributa. Inde his concessum, quovis modo sibi  
 prospicere. Ergo praesidians excurrere, iniurias fini-  
 timis inferre, in proximis villis, et agris, hostili more prae-  
 dari, tributa, et vectigalia sylvarum, camporumque,  
 immensa exigere, greges, obtentu decimarum, abigere,  
 provinciales, eosdemque honesto loco natos, et opulen-  
 tos, villum mancipiorum ritu servire cogere, stupra face-  
 re, et alia nefanda patrare, aegre autem ferentes, ac do-  
 lentes, querentesque, tanquam Regi iniurios, in vincula  
 conicere, nec nisi cum gravissima multa, rerumque o-  
 mnium iactura, dimittere. Sed enim vero Saxones, et  
 Thuringi, tandem praedarum, et latrociniorum impatien-  
 tes, inita societate, fidem sacramento obstringere, aut se-  
 morituros, aut in libertatem se vindicatuuros. Mittuntur  
 Goslariam legati ad Imperatorem, qui postulent, castel-  
 la, ad opprimendam pacem publicam extructa, sine mora  
 complanari eurent. At Caesar, sibi, et nomini suo, hoc  
 dede-

dedecori fore, ratus, contemptim respondet. Saxones arma sumunt, armati Goslariam contendunt, castra ponunt, extrema minitantur. Nuncio Imperator consternatus, ex castello Hartesburgo, pro concilianda pace, legatos semel iterumque mittit. Sed noctu tamen Imperator per sylvam, nihil tale opinantibus Saxonibus, cum Imperii insignibus evadit, spes hostium fallit. Hi, nihilo segniore facti, foedere cum Thuringis percusso, ad expugnanda castella se comparant. In castellis praecipua; Hartesburgum, Vigantensteinium, Moseburgum, Sassesteinium, Spatenberga, Heimenburgum, Asenberga, Vokenrothum. Aliquot etiam horum expugnant, et igne, delent. His auditis, Imperator, licet invitatus, consentit, pacem facit, per nuncios mandat, a castellis exercitus abduceretur, praesidiarii nil hostile provincialibus facerent, denique, consumpro comineatu, castella provincialibus traderent diruenda. Postea vero quam Henricum conventorum mox poeniteret, a Saxonibus Goslariae, facto iterum impetu, oppressus, conditiones aegerrime implet, castellaque, et arces, everti iubet. Accidit altero post anno, i. e. anno cío LXXIV. Sed propius iam ad Urbis origines accedimus. Imitati Imperatorem Nobiles, cum passim alibi, tum etiam in Variscia, arces praedatorias aedificant. Extructae imprimis circa Bonfideliam, et Montem Piniferum, tali situ, ut praedones de una possent alteri signum dare: interdum per vexillum, noctu per lucernam appensam. Extructae item ibi, ubi hodie Curia. Erat ibi horrida sylva, et solitudo ingens, nemoraque densissima. Horum, postea caesarum, circum circa Urbem, hodieque vestigia superant. Hic latibula praedones legunt, arces condunt, transeuntibus non modo agricolis vim afferunt,



ferunt, sed etiam viatoribus: horum bona diripiunt, sanguinemque fundunt. Arces autem hic locorum extructae tres: una in colle Clausenberg, versus occidentem Solem, qui collis saxum est, cui Templum D. Laurentii impositum: alia apud pagum Gattendorfiurn, quod dimidio lapide a Curia distat: tertia in saxo Salenstein, tantundem a colle Clausenberg disito, inter Iodizium, et Inferius Kozavium, pagos, et ipsi Salae fl. imminente. Arces hae sic constructae, ut a Salenstein ad Clausenberg, et ab hac arce ad arcem Gattendorf, mutuus prospectus esset. Cum primis latrocinia agitata circa eum locum, ubi hodie platea est, quae latrocinialis appellatur. Ibi frequentissimae invasiones. Inde ubi quis venisset ad vadum Salae, quod felix (der selige Fuhr) cognominatur, et ultra illud, quae tenditur ad Nosocomium, in viam, quae similiter felix (das selige Gaesgen) dicitur, salvus pervenisset, vitae discrimine perfunctus putabatur. Sicut vero Nobiles in exaedificandis arcibus Caesarem imitati, ita, in excindendis, Saxonum exemplum aemulantur Nobiles Narisci. Sigillatim Domini de Eger vicina castella, ad Montem Piniferum, item in ipso Monte, sensim paulatimque demoliuntur. Quo pacto sibi, perinde ac vicinis, atque viatoribus, terram pacant, itineraque tuta praestant. Sub idem tempus generosissimi, fortissimiisque Equites: Kozovii, Sparneccii, Rabensteini, Feilitzschii, Luchovii, magni rem animi aggressi, primum sylvam illam, quam diximus, eradicant, deinde castella expugnant, et solo aequant. Vid. Videmannus, in Chronico, et, post eum, Pl. Rev. Dn. M. Io. Christoph. Layrizii Programma, cuius haec est inscriptio: Origines Urbis Curiae, ed. A. MDCCCXXCV.

II. Eß



II. Est autem Curia in Urbem Veterem et Novam divisa. Illam condiderunt Equites generosissimi: Kozovii, Sparneccii, Rabensteinii, Feilitschii, Luchovii: hanc Otto, cognomento Magnus, Dux Meraniae, et Otto, Comes Orlamundanus, et Henricus, Advocatus Veidensis.

Ne destructa, et everfa latronum latibula cum tempore reaedificarentur, loco excisae sylvae, et infestae solitudinis, viculum ad Salam fl. aedificant fortissimi, quos commemoravimus, Heroes. Huc coloniam traducunt: huc subiectos suos, simul et villicos alios, ablegant. Hisque rebus factum, ut Veteri Vrbi Curiae primordia darentur. Crevit Vrbs, crescentibus incolis, indies in majus, brevi iusti oppidi magnitudinem consecuta. Gesta haec sunt, circiter annum C. N. cto xxci. Ne autem loco divina auspicia deessent, aedificandi templi cura tempestive suscipitur. Ergo sacellum in Colle Clausio struitur, quo loco castellum steterat. Arces reliquae, Salensteinium, et Gattendorfense, nihil, praeter rudera, saxa, et fossas, magni operis monumenta, ostentant. Post haec factum est, ut Veteris spatium Oppidi frequentiam hominum vix caperet. Exinde facta incolis, perinde ut accolis, nec non Equitum subiectis, potestas, ut aedificia septentrionem versus proferrent, Novamque Urbem exaedificarent. Data


potestas a Bertholdo IV., Marchione Istriae, eodemque Comite Andecensi, et Dyssenensi, qui, anno crio cxxx, a Friderico I., Imperatore, Dux Meraniae, et Vogtlandiae creatus est. Tum ab ipso, pariter et successoribus, statutis civilibus, legibus, privilegiis, immunitatibus, firmata. Hinc aliquo post tempore coepta Vrbs Nova condita, circiter A. crio ccxxx. Otto enim, cognomento Magnus, Marchio Istriae, Dux Meraniae, Dalmatiae, et Vogtlandiae, Comes Palatinus Burgundiae, Comes Andecensis, et Dyssenensis, ut erat Princeps potentissimus, et aedificandis urbibus, arcibus, monasteriis valde delectabatur, sic opus urget, sed non ita post multo, nempe A. crio ccxxx, aeterno ipse sopore urgetur. Filius degener, Otto II, voluptatis, quam reip. studiosior est. Sub huius itaque imperio cessat affectum opus, vix supra aedem S. Michaelis productum. Si qua etiam hoc vivo aedificata, minus decoris, artisque produnt, quam quae antea, velut sinistrae urbis pars evincit. Hoc autem Principe interfecto (id quod anno crio cc xlviii accidit) Curia ad Ottonem, Comitem Orlamundanum, propter uxorem Beatricem, Ottonis M. Meranii filiam, pervenit. Hic Urbem, per forum medium, usque ad portam inferiorem, continuat: item binis vicis, nominatim, Area, ut Videmannus vocat, et Orla, amplificat. Deinde Otto ille, Orlamundanus Henrico, Advocato Veidensi, Urbem vendit, qui arce, muro, fossa, pommeriis, propugnaculis, munit. Eiusdem tempore Henrici suburbium, vicus piscatorum, et aedificia fossae imminetia, usque ad pontem lapideum inferiorem, aedificantur, et, sub imperio Burggraviorum Norimbergensium, magis magisque extenduntur. Vid. Venerand. Dn. Layrizius, Program. supra adducto. it. Videmannus.

III. Cu-

❧ (2) ❧

### III. Curia, cum adiectione, Curia Regnitiana, item Curia Variscorum, appellatur.

Quantum ad nomina Urbis attinet, ea Germanice Hof dicitur, Latine Curia, item Curia Regnitiana, ut et Curia Variscorum. Ante Urbem conditam aedificium aliquod extructum fuit versus meridiem, ad dextram Salae ripa in eo loco, ubi mola est fruticeti, (Stauden-Mühl) Istud aedificium dictum Hof. Fueritne autem villa, an praedium nobile, non satis liquet. Vtrumque enim lingua Teutonica Hof salutatur. Altera tamen sententia veri similior videtur. Argumento sunt praedia nobilia, hodieque in proxima vicinia reliqua: Hofeck, Hoefles, Laufenhof, Neu-hof. Pro villa pugnat Videmannus: pro praedio antecessor eius, Thomas Blebelius, oratione illa, quae Rhetoricae subiecta est. Idem illud aedificium situm fuit ad confluentes Regnitii rivi, et Salae fluminis. Inde dictum et cum adiectione Regniz Hof. Porro hinc factum est, ut non procul inde, viculus aedificaretur, et ipse pariter nomine Hof consalutaretur. Idem porro ille, perinde ut solitarium, quod modo diximus, aedificium, non solum Hof, sed quoque cum additamento, Hof Regniz appellatus. Quia etiam Nova deinde Urbis idem nomen sortita. Vtraque Urbs, Verus, et Nova, licet aliquanto longius a Regnitio rivo absit, tamen causa subest, cur utraque ab eo nomen tulerit. Nam uterque rivus Regnitianus, superior, et inferior, supra, et infra Urbem, Sala mergitur, et alveolis duobus limites Urbis distinguunt, agrumque a vicinia, in meridiem versus, et seiprecutiones, seungit. Hinc tota etiam terra illa olim terra Regnitiana appellata. Atque operae pretium hic fuerit


**U**trumque rivum paulo accuratius descriptum dare. Regnitium superius in sylva Friderici ruthensi oritur. Haec nomen habet a Friderici rutho pago, ad secundum lapidem a Curia sito. Rivus autem scaturit ex quibusdam scaturiginibus, et primum dicitur Rivus stanneus, eo quod multum ibi stanni quondam effossum dicitur. Postquam venit Fridericiruthum, feudum Bohemicum, molendina duo agit. Digressum inde ad aliud molendinum, quod Tumpermuhl dicitur, fundum Brandenburgicum contingit, nomenque induit Regnitii. Forte ab aquis pluviis, quarum ibi colluvie facile inrumescit. Tendit vero inde ad pagum Losam, quae ideo Losa Regnitiana audit; inde ad Tauperlitium pagum, a quo dilapsum, et aliquandiu progressum, infra Moschendorfium, Salae miscetur. Regnitium inferius oritur ex scaturiginibus, sub piscinis, quas sylvestres, et infernas (Heyd- und Hoellenteiche) vocant. Sunt illae in fundo Saxonico. Regnitium, vix natum, terram attingit Brandenburgicam. Primum Grunmahlerus dicitur, id nominis usque ad solitudinem Foehrig retinens. Ibi vallem permeat Lutschenum, cuius vallis nomen et ipse rivus suscipit. Praedium Hartmanniruthum affecutus, nomen demum Regnitii consequitur. Porro Feilitschium attingit pagum, progreditur ad ponticulum, qui est inter Zedvitiuum pagum, et Curiam, ad viam regiam. Proxime hunc ponticulum rivo alii iungitur, qui, supra Zedvitiuum, ex scaturiginibus ortus, Zedvitiio dextram versus relicto, in valle quadam rivo Regnitio allabitur. Hunc rivum accolae etiam Regnitium appellant, non aliam ob causam, quam, quod, ad ponticulum Regnitianum properans, Regnitio rivo unitur. Regnitium denique, infra ponticulum, percurrit vallem Schameiseliuum, et prata inferioris Koza vii,

tan-  
 21

tandemque Salae illabitur. Sicut ceteroquin Regnitium superius, sic inferius, ab aquis pluviis, niveisque, sic fama, dictum. Propter eas enim aquas turgidum, exundat, multumque dat mali. Iam Hof Regniz Latino verbo Curia appellata est. Id nominis ab Antistitibus Bambergensibus inditum. In horum enim dioecesi Vrbs fuit: et Canonici Bambergenses Plebani erant, ut vocantur, id est, Praesides aedis D. Laurentii. Causam, cur Antistes, et Canonici, Oppidum ita nominari voluerint, reddit hanc Videmannus. Vidisse Clerum Bambergensem incolarum eximium cultum Numinis, et amorem, atque zelum erga res divinas. Idemque satis testari sacellorum, coenobiorum, Xenodochii, extructionem. Maturo hinc, et deliberato consilio nomen Curiae Vrbi inditum; *Curiam* enim (auctore Varrone, L. III, de Ling. Lat.) *locum esse, ubi vel sacerdotes res divinas, vel magistratus res humanas curent.* Atque omnino ex his verbis elucescit, esse Curiam vel locum publici consilii, vel, ubi cura sacrorum suscipitur. Curia autem, Vrbs, perinde ut Teutonicum Hof, cum adiectione Regnitiana dicta est, eandem ob causam, ob quam Hof Hof Regniz: insuper, alio cum additamento, Curia Variscorum. Est enim praeterea et alia Curia, eademque Rhaetorum, quae et ipsa caput est urbium, puta, Rhaeticarum. Vid. Videmannus, et inprimis Rev. Maxime Dn. I. C. Layrizius, Progr. de Nomine Urbis Curiae, ed. cto 1800. xxvi.

#### IV. Curia ab Aeqvatore gradus quinquaginta, minuta triginta septem, secundum



cunda triginta octo , distat :  
 quot autem gradibus a Meridiano primo, in incerto. Signum coeleste, cui obnoxia , Leo putatur. Insigne est itidem Leo, idemque aureus, in clypeo nigro.

Neque in assignanda Curiae latitudine, nec longitudine, Scriptorum consensio. Petrus quidem Apianus, in Cosmographia, facit latitudinem Urbis, sive elevationem poli, graduum quinquaginta, et minorum viginti: quam sententiam ex doctrina triangulorum, pariter et umbra Circuli aequinoctialis meridiana, Videmannus emendat, et gradus quinquaginta, minuta triginta quatuor, secunda, quinquaginta octo, ponit: emendatissimam vero rationem Pl. Rev. Dn. I. C. Layrizius, qui gradus quinquaginta, minuta triginta septem, secunda triginta octo conficit, subducere videtur. Vid. Videmann. Chron. et, post eum, Venerand. Dn. Layrizius, Progr. de Latitudine, Longitudine, et Signo Urbis Curiae, ad A. cix dcc xxxvi. Quamvis vero nec defuerint, qui in emetienda Oppidi longitudine elaborarent, tamen nec illa ab omnibus eadem traditur, nec ante tradi poterit, quam unus recipiatur ab omnibus terminus, a quo ducatur, Quod priusquam accidat, quot capita, tot sensus erunt. Ceterum Apianus, quem diximus, Curiae longitudini gradus viginti novem, minuta triginta assignat: Thomas Blebelius, in Sphaerica, gradus triginta, minuta viginti sex: Stephlerus gradus tri-  
 ginta

ginta duo, minuta quadriginta quinque. Vid. Videman, et Laudatissimus Dn. Layrizius, Progr. adducto. Signum denique coeleste, item Insigne Urbis, commemorandum. Leonem Urbis tribuendum censet Videmannus; Probat ex mutuo consensu, itemque ex fato probat. Cum enim nec annus, nec mensis, nec dies Urbis conditae constet, idcirco nec dodecatemorion constare potest. Ergo Videmannus Signum ex causis adductis conicere laborat. *Inter Leonem, inquit, et Curiam, arcanus quidam consensus datur, dubioque procul Leo, cum Urbs aedificaretur, in parte coeli orientali, sive Horoscopo, stetit.* Confirmare id satagit coniunctione, oppositione, et eclipsibus planetarum in Leone, atque inde consecutis in Urbe eventis rerum. Tum fatum in partes vocat. Ait, a Ducibus Meraniae Urbis concessum esse, loco Insignis, Leonem coloris lutei, aut aurei, in clypeo atro, aut fusco, una cum viris duobus feris. His Dominos Veidenfes turres duas adiecisse. Dum vero nos de Signo coelesti diximus, simul, eademque opera, velut imprudentes, Insigne Urbis exposuimus. Efficiant illud Leo aureus erectus, et in duobus pedibus posterioribus consistens, in atro clypeo; deinde duae turres; tertio duo feri homines; denique effigies dimidiati angeli, clypeo innitentis. Quamvis vero stanni fabri caput molossi, tanquam Insigne Urbis, usurpent, tamen sciendum, illud ex Burgavriorum Norimbergensium insigni petatum esse: quamquam et Domini Veidenfes caput molossi, galeae impositum, in insigni suo habuerint. Vid. de Signo, iuxta et Insigni, Videmannus, in Annalibus. Separatum Urbs Vetus Insigne habet. Sunt autem illud bipalia duo decussata, et rastrum inversum, centrum bipaliorum transiens, et angelus denique dimidiatus, clypeo incumbens.

V. iam

V. Iam vero propius intuemur situm. Sita Vrbs est milliaria tria ab Alto Monte Pinifero, totidemque fere ab Salae fontibus, totidemque a Plavia, Adorfio, Olsnitio, Sleiza, Bonfidelia. In proximo quaquaversum amoeno colle, nemoreque cincta. Ad Urbem duo pontes lapidei, unus ponticulus subli-  
cius, super Salam strati.

Vrbs, circum circa circumdata vallibus, collibus, sylvis, nemoribusque, mirabile visentibus spectaculum. Nihil, undique et undique, prospectu amoenius. Illa vero, quae in proximo Urbem circumstant, memoramus. Atque exordimur ab eo loco, unde Vrbi et origo, et nomen datum. Is enim vero Mons est Fruticeti (Staudenberg) Hic, a nemoroso colle, Sveinleiten, incipiens, ultra molam Fruticeti deficit. Hunc montem excipit Mons supplicii (Galgenleiten) propius urbem progrediens. Ei exorienti Collis Speculae adiacet. In hoc Speculae altissimae, pars superest, de cuius olim fastigio Egra oppidum, ad quintum lapidem distans, prospici potuisse fertur: Colli Speculae Mons Cloeselius (Cloesle-Berg) proximus: huic Mons Eichelberg vicinus. Vbi itur ex portula Michaelitana, ad altam semitam, prata cernuntur, in quibus Mons ille exsurgit. Eum montem in partes duas  
vallis

vallis dirimit, quam rivulus perlabitur. Dextra Montis pars Montem Cloeselum attingit, et magna ex parte abietibus decoratur. E regione huius, ultra vallem, pars altera, similiter maiori ex parte arboribus praedita, conspicitur. Proxime hanc, ultra viam Plaviensem, Mons est Labyrintheus, abietibus, iuniperisque convestitus. Mons ille nomen a Labyrintho cepit, terrae Daedalia inciso manu. Labyrinthus porro spatium rotundum est, quod abietes efficiunt. Ultra Labyrinthum Montem, paulum sinistram versus, est Sylvula Centurionis. Inter eundem Montem, et Sylvulam eandem, decurrit rivus, qui a cancris nomen suum accepit. Venit ille a Gumpertirutho pago, praeterit Sylvulam, progressus occidentem versus, prope Nosocomium, in Salam se insinuat. Ceterum, infra Montem Labyrinthum, adeoque propius Urbem, patet mons Lapis Amoenus. Hic vero sic dicitur propter saxum geminum, positum in clivo huius Montis. Atque ab hoc ipso saxo mons nomen adeptus est. Lapis autem ipse amoenus dicitur, quia ex eo loco tota, non solum Nova, sed quoque Vetus Urbs, summa cum voluptate pervideri potest. Vbi definit Centurionis sylvula, ibi Mons Trappenberg incipit, leviter editus. Montis huius latus sinistrum stipat Mons Studiosorum, qui, non ita procul, ab inferiore Prochotropheo surgens, usque ad ponticulum Regnitianum pertinet. In cuius medio Montis quod literati iuvenes, in Academiam abituri, sibi mutuo valedicunt, ab his Monti nomen. Ultra Salam Collis Kozaviensis cernitur, cui nomen ab Inferiore Kozavio pago haeret: inde Prata Hofeckiana: inde Mons Daemonicus. In extremo huius Montis, quod prata spectat, binae rupes sunt se ferme mutuo contingentes. Prior rupta, et quasi partes in duas fissae.

LA

S

Fau-



Fauces angustissimae, eademque declives: hae infernus dicuntur. In rupis autem alterius fastigio simulacrum vestigii ostenditur: saxo impressi, quod immanem velut calceum praefert. Idque simulacrum Vestigium Daemonis (Teufels-Tritt) dici solevit. De ipso Monte, cur Daemonis nomen teneat, causam Videmannus affert, partim, quia ater genius praeis temporibus multas ibi praestigias et ludos fecerit, ac praetereuntes, nocturno inprimis tempore, spectris terruerit, in Salam fl. deduxerit, laeserit; partim, quia horrenda ipse specie visus sit, et aliquo tempore pede uno in Monte Eichelberg, altero in Monte Daemónico constiterit: indeque etiam in hoc Monte vestigium relictum esse. Rationem autem, cur fauces infernus appellatae sint, eam reddit, quod fortasse ibi spectra velut habitaverint, atque ex eo loco viatoribus apparuerint. Vid. Scriptor iste, Annal. Urb. Cur. E regione Montis Daemonici iacet Schoelenberg. Sub hoc Monte, inde a fullonica, inter hanc, et illum Montem, semitadatur, ducens ad Montem Daemonicum, et Kozavium Inferius. Iam supra Montem Schoelenberg, sed tamen sinistrorsum, Via Alta, Culmbacum ducens, existit. Inter Viam, et Münsterum sylvulam, vallis est, quae Pratum Clericorum (Pfaffenlohe) dicitur: Münsterus autem nemus est exiguum, amoenissimumque. Non procul inde Alzenberg collis, et Sylvula Alzenbergica. Ex utriusque regione Mons patet Sveinleiten, iucundissimo item nemore vestitus, interiectis pratis, perinde ac Sala flumine interlabente, a colle, nemoreque Alzenbergico separatus, Monti ceteroquin Fruticeti contiguus. De pontibus addimus, eorum esse tres, quibus Sala iungitur: duos maiores, eosdemque lapideos, unum publicium. Lapideorum unus superior est, inferior alter.



Ad illum per portam superiorem, perque Urbem Veterem:  
ad hunc per portam inferiorem itur. Inferior pilis tribus,  
superior undecim fulcitur. In superiore, fidem superat,  
quod homines tres constituti se invicem videre neque-  
ant. Pons, aut potius ponticulus, sublicius, Alta Semita  
(der Hohe Steig) audit, pilis novem lapideis insists. In-  
eum ex portula Michaelitana itur, via illa, quae inter bal-  
neum medium, et molendinum Michaelitanum, patet. Ul-  
tra ponticulum prata sunt, in quibus mons Eichelberg ex-  
oritur. Via ceteroquin super eodem ponticulo ad Leimi-  
tium pagum deducit.

VI. Suburbia tria, quorum unum  
nomen Suburbii praefert, alterum Aedi-  
fiorum Fossae Impendentium nomi-  
ne venit, tertium Vicus Piscatorius ap-  
pellatur. Portae Urbis Novae duae,  
portulae autem tres. Portarum una Su-  
perior, Inferior altera: Portularum una  
Balneatoria, altera Michaelitana, tertia  
Xenodochialis nuncupatur. Urbem  
eandem murus, et fossa, ambiunt. Illud  
etiam memorabile, Salam flumen, totum  
Urbis latus, quod Solem spectat orien-  
tem, alluens, in alveos duos divisum, ex  
maiore Suburbii parte Insulam formare.

Suburbium proprium unica platea constat. Aditum Porta Inferior aperit. Inde recta in Suburbium tenditur. Ad sinistram Xenodochium: ad dextram diverforium cernitur. Ultra haec aedificia ponticulus visitur. Ultra hunc, ad dextram, Hortus Novus Pharmaceuticus. Atque hic Insula initium capit, reliquum Suburbii complectens. Sub Insulae, pariter et Suburbii exitum; Pons cernitur Inferior: ante hunc porta, ab ipso ponte nomen indepta. Ceterum hocce Suburbium aedificia comprehendit triginta octo. Suburbium Aedificiorum Fossae Impendentium (Teutounice: auf dem Graben) divisum est in Suburbium apud molendinum Michaelitanum (auf dem Graben gegen der Capel-Mühle) et in Suburbium apud fullonicam (auf dem Graben bey der V. Valckmühle) Illi exortum donat molendinum, exitum ingressus Suburbii proprii: huic idem Suburbii ingressus initium, fullonica vero terminum. Porro illud aedificia viginti quatuor: hoc triginta tria numerat. Suburbio ad molendinum Hortus Vetus Pharmaceuticus continetur. Vicus Piscatorius longissima serie domos continuat, Veterique, perinde ac toti propemodum Novae Urbis, versus orientem Solem, obtenditur. Itaque incipit in extremo Oppidi Veteris, sub montem Clausum, et Templum adeo Laurentianum, ultra dimidium Urbis Novae protrahitur. Terminus balneum est medium, quod proxime excipitur a molendino Michaelitano. Vbi Vetus Oppidum relinquit, ibi Monticulus est, cui panni textorum columellae, a quibus pannum, succandi causa, suspendunt (der Rämberg) nomen fecerunt. idemque collis, ex Vico Piscatorio exurgens, usque ad superiorem Urbis Novae portam ascendit. Vicus autem ille aedificia complectitur quadraginta. Portae, veluti ostendimus, duae dantur Superior, et Inferior. Atque haec Urbis longitudinem de-

signant. Superior Urbem Veterem, atque adeo meridi-  
em, spectat: Inferior septentriones. Sed latus Urbis ori-  
entale duae portulae exornant, unica septentrionale.  
Prima est Balneatoria, quae, per viculum Urbis balneatori-  
um, in Balneum summum perducit, non longe a Monticulo  
panni textorum discreta: secunda Michaelitana, post  
aedem D. Michaelis, viam aperiens ad cognomine molen-  
dinum: tertia Xenodochialis, in medio Urbis latere se-  
ptentrionali, deducens in Suburbium, quod Suburbium ad  
fullonicam appellatur. Eiusdem e regione portulae,  
molendinum Xenodochiale situm est. Pomoeria Urbis,  
bello ultimo diruta, nequedum resecta: muri superant:  
fossa denique inculta iacet.

**VII. In Vrbe Vetere platea etres, vi-  
culi quatuor: in Nova autem foratria,  
platea octo, viculi duodecim. Tum,  
in Vetere, crater unus, unus item puteus:  
in Nova crateres octo, putei quatuor.**

In Vrbe Vetere est Platea Lata, cuius ingressus pro-  
xime a porta superiore Urbis Novae abest. Haec, aliquan-  
tum progressa, in fauces duas, sive, Vias divisa est Profun-  
das, saxo incisas. Dextra Superior, sinistra Inferior co-  
gnominatur. Vbi Superior incipit, ibi e regione Procho-  
tropheum superius iacet. Inferior, in utroque latere, se-  
mitam habet, quae Semita Templi dicitur. Semita sini-  
stra, paululum progressa, venit ad coemiterium Lau-  
rentianum. Cis murum coemiterii occurrit viculus trans-  
versus, cui nomen est Viculus Mortuorum, qui, ab semita

coeptus, in orientem versus, Vicum petit Piscatorium. Ab hoc revertimur ad Templi Semitam. Post aliquantum intervallum, porta Templi superior spectatur. Ex huius regione, contra orientem, porta opposita, aditum coemiterii Vico Piscatorio adaperiens: versus autem occidentem, trans fauces, Viculus Apum. Hic usque ad Viam Profundam Superiorem pertinet. Non procul a porta Templi superiore, in extremitate sinistrae semitae, scala est lapidea graduum duodecim, quae in Viam Scholasticam (Teutonice, bey der Schule) deportat. In hac Via aliquantum progressus aspicias Portam Templi inferiorem, ad medium coemiterii. Ex Porta regione, dextram versus, Schola sita est. E regione autem Scholae extremae portula Templi datur. Iam e regione portulae, in ipso coemiterio, Templum D. Laurentii collocatum est. Extra coemiterium, nec longe ab ea, quam diximus, portula, quo loco via Profunda cessat, scala est alia lapidea, eademque graduum triginta. Pone Scholam, versus occidentem, stratus est fornix super fauces, idemque ad domum venatoriam viam monstrat. Fornici autem porticula est superimposita. Ceterum sub ipso fornice Via Profunda, parum porrecta, mox profundum amittit, et ad dextram flecit, et mox Viae Profundae Superiori unitur. Vnitur vero ibi, ubi diversoria duo, in duabus suis extremitatibus posita, attingit. Via etenim Profunda Superior, diversoria illa praeteriens, Viam Inferiorem, ex eorundem intervallo emicantem, sinu suo excipit. Diversorium sinistrum est ad signum Rubri Caballi, dextrum vero Scharfeck cluit. Horum e regione, ultra Viam Profundam Superiorem, viculus est, quem Canaliculum (Teutonice das Rinnelein) appellant. Per eum enim viculum defertur rivulus, in campis circumiectis oriundus.



undus. Via Profunda Superior, cum Inferiøre coniuncta, paulum etiamnum procedit, et tum in latere sinistro viculum aperit, qui, propter sublimitatem, Mons vocatur. Idemque Mons, sinuoso suo flexu, ad Fontem Carificum perducit. Hic fons proximus Templo est, aquam dulcem, ac per salubrem, propinans. Supra illum ceteroquin rivulus praeterfluit. Fons cognomen sustinet propterea, quia is viam ad pontem superiorem lapideum, adeoque simul ad loca supplicii, commonstrat. Rivulus, ex prato Clericorum profectus, iuxta pontem superiorem lapideum, in Salam immergitur. Demum verò subiungimus, esse aedificia in Vrbe Vetere in universum centum sexaginta sex. Nunc vero, relicta Vrbe Vetere. Novam ingredimur. Haec velut in partes duas, inde a porta una ad alteram, divisa. Pars dextra complectitur fora, quae unam longam plateam, totum per Oppidum patentem, prae se ferunt. Unum forum dicitur Forum Superius, alterum Medium, tertium Inferius, item, Figulorum. Superius ad portam superiorem exoritur, et ad Curiam, ubi platea transversa Coenobialis prominet, terminatur. Medium a Curia, perinde ac platea Coenobiali, usque ad plateam latrocinalem, similiter e transverso conspicuam, extenditur. Forum Inferius, ab exitu plateae *Ἀγριμῆς*, usque ad portam inferiorem progreditur. Illud est maximum, istud minus, hoc minimum. Praeter Fora, quae enumeravimus, viculi aliquot, et vicus quidam, in eodem Urbis dextro latere, e regione Fororum trium, exant. Primus quidem viculus est Balnearius, qui iter, per portulam cognominem, ad balneum superius ostendit: alter Via Templi, quae Templum D. Michaelis frequentatur, plateae Coenobiali oppositus: tertius est Viculus ad



ad Templum, in longitudinem, versus septentrionem porrectus, idemque aedificiis Parochialibus obtenditur. Idem ille in vicum, eundemque latum, abducitur, qui Orla appellatur. Orlae pars est Forum Pecuarium, quod ab Orla reliqua, per imminensem ex Foris Viculum Pecuarium distinguitur. Idemque Viculus est viculus quartus, et vico latrociniali propemodum adversus, qui vippe paulo propius portam inferiorem situs. Nunc autem sinistram Urbis partem lustramus. Ibi, a porta superiore, usque ad vicum Coenobialem, platea satis longa patet, dicta Platea Posterior. Ea utrinque complures viculos transversos prospicit. Sinistram versus, proxime superiorem portam, Viculus Bruga est. Non procul hinc Argentens, quae ad arcem itur. Haud procul inde, sed dextrorsum, Viculus Acuum. Contra, sinistrorsum, similiter haud procul, Viculus Arcis, et regione Arcis. Vicissim, non procul, ad dextrum latus, Viculus Bohemicus. Non longe hinc, sinistrorsum, Viculus parvus Coenobialis: atque huic e diametro oppositus Avenarius Viculus. Ultra hunc, ubi per paulum Platea Posterior procedit, eam praetexta Platea Coenobialis abrumpit. Ceterum, in Plateae Posterioris sinistra extremitate, macellum in oculos incurrit. E regione huius, trans vicum Coenobialem, Platea est Canina. Dixeris redintegratam Plateam Posteriolem. Non longe a Canina, ad latus, et quidem propius Coenobia, Viculus Boum. Iam, inter hos viculos, et domicilia e regione sita, versus Plateae Posterioris exitum, Vicus Coenobialis transversus, inde a Coenobiis, usque ad Curiam, ac fora, panditur, Forum inter Superius, Mediumque, limes. Restant plateae duae aliae, itidem transversae: Iudaeorum, et Latrocinialis, in Portam

Portam Inferiorem versus. Vtraque igitur inter Caninam, Boumque, plateas, et aedificia transversa, exporrigitur, ac tantum non una esse videtur. Exitus Caninae utramque disterminat, ita, ut sinistra sit Iudaeorum, dextra vero Latrocinialis. Eadem Canina, ultra principium utriusque perpaululum etiamnum durans, portulam Xenodochialem adit. Vicus Iudaeorum, ab exitu Canini incipiens, ad aedificia Gymnasii pertingit: Latrocinialis, apud vicum eundem ortus, usque ad Forum Figulorum, quod, ut paulo ante dictum, designat, tenditur. Duae item plateae, ad latus sinistrum Plateae Posterioris positae, adhuc repraesentandae. Ratione adeo illius in longum sunt, porrectae: at ratione Coenobialis, et Iudaeorum, Platearum, transversariae. Prior Area Arcis dicitur, non procul a porta superiore, sub Bruga viculo, ingressa, indeque Arcem praetervecta, apud Coenobiorum initium nomen suum amittit. Exinde altera initium capiens ad Lyceum perducitur, et Via ad Coenobium nominatur. Aedificia totius Urbis Novae computata efficiunt numerum trecentorum viginti sex. Extremo, antequam pensum hoc absolvamus, crateres, aequè ac puteos, leviter perstringere animus. In Vrbe Vetere crater unus, unus pariter puteus; ille e regione Prochotrophei superioris, hic sub ingressum Urbis. In Vrbe Nova crateres octo, et altero tanto pauciores putei inveniuntur. Quod ad crateres attinet, eorum sigillatim in Foris sunt quatuor: in superiore lapidei duo; in medio lapideus unus, in Foro Figulorum unus ligneus; in Vico Posteriori unus itidem ligneus, ac lapideus unus; in Vico Coenobiali unus lapideus; in Platea denique Latrociniali unus ligneus. Puteorum, ut diximus, sunt quatuor: unus in Foro superiore, proxime portam: unus in Orla,

T

et spe-

et speciatim ea in parte, ubi forum est pecuarium : duo denique in area Lycei : ad unum omnes lignici.

VIII. Curia olim habuit Sacella tredecim : D. Gangolphi Martyris, D. Nicolai, D. Sigismundi, D. Viti, D. Erhardi, D. Hieronymi, D. Michaelis, Quatuordecim Opitulorum, D. Ioannis, Omnium Sanctorum, D. Annae, D. Elisabethae, S. Sepulchri ; et Templata tria : D. Laurentii, D. Francisci, et Xenodochiale : habet hodie Templaqvatuor : unum, D. Laurentii, in Vrbe Vetere ; duo in Vrbe Nova : D. Michaelis, et D. Francisci ; unum denique Xenodochiale, in Suburbio.

Vrbis Novae aedificia praestantissima, quippe marmorea. Marmore strata Curia Vrbs, aedificata ex marmore. Quo iustius eius aedificia describere ingredimur, sed ita tamen, ut illorum delectum habituri simus. Publica referre iuvat, cum sacra, tum profana : dehinc privata quaedam, publicis commodis consecrata. Sacrorum ; si usquam alibi ; certe Curiae, pro modo Vrbis, copia. Atque

hinc de summa et singulari Curiensium pietate existimari potest. Sacellum D. Gangolphi Martyris situm fuit in extrema Urbis Veteris parte, versus meridiem, paulum ultra Laurentianum Templum, prope pontem saxeam Salanum, qua iter patet comitantibus in Bohemiam, et Boio-ariam. Tempus, quo esse coepit, ignoratur. Fuisse primos conditae Urbis annos, Pl. Rev. Dn. Layrizius autumat. Quippe situm fuit ad viam regiam, loco commodo, frequentatum saepe, et honoratum Missis, quas vocant, donisque oblatis. Cinxerunt olim undecim procerae salices, character Urbis. Reddita Evangelii luce, a cultoribus destitutum, et vetustate consumptum, emptionis iure cesit Ioanni Groenio, circiter A. c15 15 xxxvii, et frumenta, lignaque asservavit. Emit deinde Gvolfg. Oberlenderus, in horreum convertens: porro alii, qui condendis frumentis hucusque destinaverunt. Vid. Dn. Layrizius, Progr. de Templis Curiensium Antiquis, ed. c15 15 cccxxviii. Conf. Videmanhus, Annal. Urb. Cur. Sacellum D. Nicolai, in honorem Episcopi Nicolai, in eadem Vrbe Vetere extructum. Extructum autem versus occasum Solis, ad eam viam, qua in Franconiam, et adiacentes provincias, itur. Annus extructionis nescitur. Stetit certe ante annum c15 15 ccxvi. Conflagravit tertio post anno, i. e. c15 15 ccxxi, postea reaedificatum. Anno autem c15 15 ccccxxx ab Huisitis igne deletum, tribus subsequentibus annis, ex cineribus resuscitatum. Exorta Evangelii luce, lues Gallica ab Hispanis ex India affertur: quae cum anno circiter c15 15 xxxvii Urbem infestaret, iuxta Fanum istud extructum est Prochotropheum, pauperibus, morbidisque hominibus, concessu Serenissimi Marchionis Georgii, habitari coeptum. Illud vero Prochotropheum, A. c15 15 ciii, bello



bello orto, una cum Fano, propter hostem adventantem, studio evertitur, sed, A. c15 15 LXII, solum ex cineribus excitatur. Vid. CL. Dn. Layrizius, Progr. adducto, et cum eo compon. Videmannus. Sacellum D. Sigismundi collocatum fuit extra Urbem, in occidente eius plaga, e regione utriusque Monasterii, ad latus Fossae sclopetariae, quae hodieque, cum omnibus adiacentibus arvis, Fossa Sigismundi appellatur. Freqvens olim peregrinatio eo suscepta, in primis Encoeniorum die, id est, die primo festo post ferias Paschatos: quo tempore immensa hominum vendentium, ementium, compotantiumque, pro genio aevi, turba confluit, Missaeque multae celebratae sunt. Natalis Sacelli huius non manifestus, sed tamen fatalis, qui incidit in annum c15 15 XVIII. Tunc enim, indultu Serenissimi Principis Georgii, dirutum est, ut caementa recens suscitando Ptochotropheo superiori, de quo antea mentionem fecimus, adhiberentur. Ceterum eo loco hodie comparat Domus sclopetaria. Vid. Dn. Layrizius, et Videmannus. Sacellum D. Viti ubi fuerit, quove anno conditum, aut antiquatum, non constat, nisi quod ante annum c15 cccc XLII stetit. Vid. Laudatissimi Auctores. Sacellum D. Erhardi ultra Suburbium. Tempus, quo fundatum, ignoratur. Postero tempore conversum est in Ptochotropheum inferius. Sacellum D. Hieronymi fuit in Templi veteris Michaelitani exteriori ambitu, sed, anno c15 cccc xxc, cum Templum illud redderetur amplius, loco motum, in eiusdemque utilitatem versum. Ne tamen Fani memoria perderetur, Hertindus de Stein, Parochus tunc temporis Curianus, septimam Templi cellam, sumptu suo excitatam, novum Hieronymi Sacellum appellari voluit. Vid. Dn. Scriptores. Sacellum D. Michaelis, A. c15 cc xxx.

quid

s. T

tem-



tempore Ottonis M. Ducis Meranii, conditum, et c15 cccc  
LXXIX amplificatum, pariter et aedes parochialis Vrbis No-  
vae factum. Vid. Videmannus, qui tamen diverso loco  
annum millesimum quingentesimum septuagesimum se-  
cundum inaugurationi huic assignat. Sacellum XIV Opi-  
tulatorum quam proximum Parochiali Xenodochii Tem-  
plo fuit, deinceps in eiusdem Sacrarium commutatum.  
Nomina illorum Sanctorum haec circumferuntur: Geo-  
rgius, Blasius, Erasmus, Pantaleon, Vitus, Christophorus,  
Dionysius, Cyriacus, Achatius, Eustachius, Aegidius, Mar-  
garetha, Barbara, Catharina. Vid. iidem. De Sacellis D.  
Ioannis, et Omnium Sanctorum, nihil scriptum reperitur:  
tantum in vetusta quadam epistola, scripta A. c15 cccc XXXII,  
fit mentio. V. Videman. Sacellum D. Annae probe distin-  
guendum est a Monasterio D. Clarae, iudicio Maxime Rev.  
Dn. M. Ia. Christophori Veisii, Gymnasii Curiensis olim  
Rectoris, Programme de Coenobio ad S. Claram, ed. c15  
100 XCII. Eius verba haec sunt: *Nomen quidem quod primum  
concernit, vocant illud (scil. Coenobium S. Clarae) quidem aliqui  
S. Annae, sed perperam: templum enim, non monasterium hocce,  
dicatum Virgini illi fuit.* Sacellum autem Annae Coemite-  
rio Franciscanorum fuit impositum, et quidem circiter  
annum c15 ccc LI, statis Missis et Concionibus notum. Lon-  
gitudo fuit passuum quinquaginta quatuor, latitudo viginti  
duorum; sed altitudo muri, etiamnum superantis, passuum  
quadraginta. In medio fere latere australi turricala, adhuc  
salva superest. Paries orientalis occidentali aedis Fran-  
ciscanae est contiguus. Vtraque aedes, Annae, pariter et  
Francisci, cryptoporticus subterraneas habuit mutuas.  
Mutua item supra terram fenestra, per contiguum parie-  
tem transiens, mutuam dedit lucem. Lamina item ferrea

clathrata, contiguo inserta parieti. Structura Fani ceteroquin magnifica, firmissimum caementorum robur, fornice operis, mirandi. Immania tam vasti corporis rudera hoc testantur. Sterit Templum usque ad annum crio 13 XLVI. Hoc enim anno Abbatissa ultima moritur, virgines sacrae, accensa luce Evangelii, dilabuntur, aut matrimonia celebrant. Tum vero impij, ac maleferiati quidam homines, zelo infano, petulanterque, Templum spoliare, et diripere, sacrum apparatus omnem confringere, conqvasare omnia, denique in Abbatissarum tumulos saevire. Post haec tempora, cum nemo curam Templi gereret, praesertim exorto bello Germanico, laquearia, fornicesque, et ipsum tectum, tandem corruerunt: nihilque hodie reliquum, praeter parietes, qui et ipsi ruinam minitantur. Vid. Venerand. Dn. Layrizius, Progr. de Templorum Curienfium Antiquorum Ultimo, S. Clarae inscripto, ed. A. crio 13c xxxviii. Conf. Videmannus, qui praeterrea perscribit, materiam, et caementa Fani, Gymnasio extruendo, et commodis Magistrorum habitaculis figendis, adhibita fuisse, A. crio 13 XLV. Sacellum D. Elisabethae, in honorem S. Elisabethae Thuringae, proxime Templum D. Laurentii, in coemiterio est positum. Quo anno, incertum: certum tamen, hoc accidisse ante annum crio cccc xxxii. Ex ea postmodum aedicula ossarium excitatum. Anno autem crio 13 Lxxv, quo anno coemiterium ad D. Laurentii amplificabatur, ipsum etiam ossarium abolitum. Vid. Videmannus. Sacellum S. Sepulchri exstructum A. crio 13 ix, trans Salam, versus orientem Solem, ad radices montis Eichelberg. Exstructum vero a Casparo Geilsdorfio, Consule Curienf. Exstructum porro in honorem Sepulturae Christi, et S. Crucis, atque solenni ritu, anno eodem,

a Ca-

a Casparo, Antistite Vicario Bambergensi, inauguratum, fuit in eo Sacello simulacrum Sepulchri Servatoris, ad instar Hierosolymitani fabrefactum. Fuit enim incisum, uni saxo. Item mensura, situs, forma Hierosolymitani, distantia denique eadem ab urbe, servata. Simulacri effigiem quidam Martinus Mullerus, Monachus Curiensis, tertium Hierosolymis reversus, attulit. Sacellum anno **MDLIII**, coorto bello, ne obsidentibus stationem opportunam praeberet, succensum, et in lapides versum, e quibus hodie rarissima rudera supersunt, ita, ut, praeter solum nomen (das Heilige Grab) nihil fere amplius sit reliquum. Vid. Videmannus, itemque Dn. Layrizius, l. d. Missa verò nunc facimus Sacella, et Templam maiora explicata damus. Horum autem tria priscis temporis fuerunt : D. Laurentii, D. Francisci, et Xenodochiale. Templum D. Laurentii eminet in Monte Clausio. Coemiterium fuit praedonum latibulum. Latibulum dedit occasionem excindendae, sylvae : dedit condendo viculo : dedit denique excitando Templo. Aequum censuit Maiorum pietas, ut, ubi latronum fuisset domicilium, ibidem, pulsa profligataque impietate, cultus divini sedes, atque domicilium collocaretur. Olim autem minus hodierno fuit, aucta deinde accolarum multitudine, Sacellis S. Ioannis, et Omnium Sanctorum, item Sacratio Sacerdotum, amplificatum, circiter **A. MDCCCXXII**. Tota vero aedes, iniecto ab Husitis igne, conflagravit, **A. MDCCCXXX**, biennio sequente reaedificata. Ceterum dicta fuit Ecclesia Parochialis, atque ad eam Sacella, S. Michaelis, et S. Nicolai, pertinerunt. Vid. Videmannus, et Dn. Layrizius, Progr. de Templorum Curiensium Antiquissimo, in Veteri Vrbe sito, et D. Laurentio dicato, ed. **A. MDCCCXXVIII**; item sequente, de eodem Templo,

Templo , ed. A. eodem. Templum Coenobiale, hinc exponendum. Illud vulgo appellatum S. Francisci Fanum, item Ecclesia S. Crucis, attestantibus literis indulgentiam impertientibus, datis circiter annum c13 cc xcii. Forte, quia Monachi initio crucem aliquam eo loco erexerunt, deinde pro peccati remedio venditarunt. Fuit tamen idem Templum et dicatum B. Virgini Mariae. In aliis enim literis indulgentiae, datis A. c13 cc xciii, dicitur extractum in honorem Gloriosae Virginis Mariae, et Sanctae ac salutiferae crucis. Imo dicatum pluribus Patronis, ac Matronis. In literis enim aliis, datis c13 cc xcvi, mentio fit B. Virginis Mariae, ac Sanctorum, Francisci, Antonii, et S. Clarae. Ceterum dedicatum, consecratumque Templum, teste antiqua schedula, die festo SS. Trinitatis, A. c13 ccc lxxvi. Vid. Progr. Dn. M. Io. Christoph. Veissii, de Templi Coenobialis Nominibus, ed. c13 13c xcii. Conditores, et Amplificatores, Domini Veidenfes fuerunt, sub quorum imperio aedificii fundamenta iacta: Comites Orlamundani, qui in structuram aliquid sumptus fecerunt: Albertus, Marchio Brandenburgicus, qui subsidium dedit ad Coenobium instaurandum: Ioannes, Dux Megapolitanus, qui aedis incrementa liberaliter adiuvit: Civitas Curienfis, quae similiter opibus suis aedem ornavit: denique complures Equites, ac Cives, qui donis pietatem suam comprobarunt, quos recenset Dn. Veissius, Progr. de Templi Franciscani structura, ed. c13 13c xcii. Iactis fundamentis Videmannus annum c13 cc xcii assignat. Post annum c13 13 xxxi aedis amplificandae cogitatio suscepta. Incitamento fuit frequens hominum piorum largitio. Henricus inprimis Veidenfis, vestigiis insistens pietissimae Matris, Margarethae Vitenhofiae, dilatando aedi-

aedificio magnam argenti vim impendit. Exemplum  
 secuti Equitum, Civiumque opulentorum, multi. Nec  
 tamen ante annum c10 ccc lxxvi. perfecta sunt omnia,  
 quippe qvo demum tempore dedicatio facta. Totum  
 fere Templum, A. c10 cccc xxxi, ab Hussitis igne deletum.  
 Reparatum fata eadem habuit, A. c10 cccc lxxviii. Nam  
 sacra virgo, ut libidinis suae incendium restingveret, clam  
 supposito igne, incendit. Grassatumque latius incendium,  
 contiguum Francisci Monasterium, et vicinas aliquot do-  
 mos, depavit. Postero vero anno resecta, et restituta  
 omnia. Spatium Templi internum longitudine pe-  
 des centum sexaginta septem, latitudine sepruaginta no-  
 vem, altitudine circiter qvadraginta aeqvat. Vid. Dn.  
 Veissius, l. d. Conf. de incendio ultimo, Dn. Io. Christo-  
 phori Layrizii Progr. de Religione Curienſium Pristina  
 Papaea, ed. c10 10c xxcvii. De Altaribus, qvibus olim  
 scatuit, videtis Progr. separatim Dn. Veissii, de Altaribus  
 ad S. Franciscum, ed. A. c10 10c xcii. De Monumentis  
 Sepulchralibus Templi Franciscani aliud eiusdem Progr.  
 ed. A. eodem. Postremo de Templo Xenodochiali no-  
 bis videndum. Dictum hoc, cum adiectione, D. Mariae  
 Virginis. Nam ipsum Xenodochium Hospitale S. Mariae  
 Virginis dictitatum. Testantur illud literae Henrici, Ad-  
 vocati Veidenſis: testatur inscriptio Germanica, Prothy-  
 ro Xenodochii, spectante Urbem, A. c10 10c xxci, addita,  
 et A. c10 10c xxcvi renovata: testatur insigne Xenodochii,  
 qvod, in libro foundationis, pictam, cum Filiolo, Mariam  
 exhibet, sub qua pons, et duae villae conspiciuntur, cum  
 epigraphe:

*Reginae Coeli qui servit mente fidei,*

*Ex omni poena trahit illum Virgo Serena:*

U

testa-



restitatur denique sigillum, epistolae, in scrinio pauperum  
 asservatae, affixum, et eiusdem B. Virginis icona praeferens,  
 ita tamen, ut sub illa aegroti cuiusdam, in lectulo  
 decubentis, effigies simul conspiciatur. Sed antiquiores  
 literae Henrici, quem diximus, Veiensis, quippe datae  
 A. crio ccc ii, Xenodochium appellant Hospitale S. Spiritus,  
 et D. Mariae Virginis. Fundatores fuerunt Advocati  
 Veienses, et Plavienses, Comites Orlamundani, Equites  
 Rabensteinii, item Schuttfeldius Civis, Civesque alii.  
 Videmannus putat, aedificationem Templi Xenodochialis,  
 proinde ac Sacelli xiv, Opitulorum, coeptam esse circa  
 annum crio cc lxxviii Xenodochium autem iam circiter  
 annum crio cc lxx conditum. Annus primus aedificationis,  
 pariter et dedicationis, incertus: id vero certum,  
 Templum inauguratum esse prima post Sacrum Michaelis die  
 Dominica. Murus longitudine pedes sexaginta quinque,  
 latitudine quinquaginta, altitudine denique viginti octo  
 exaequat. Vid. haec in Dni. Veissii Progr. de Templi  
 Xenodochialis Onomathesia, et Aedificatione, ed. A. crio  
 roc xcii de Templi eiusdem Ornamentis internis, in Progr.  
 sequente, ed. A. crio roc xciii. Tantum de Templis antiquis  
 dixisse satis sit: ab iis nunc iam ad nova nos conferimus.  
 Eorum pariter quatuor conspiciuntur: ex his tria iam olim  
 fuerunt: hodie tantummodo magis exornata. Cum primis  
 Coenobiale, quod, A. crio roc xcvi, eiectione idolis, expolitum,  
 et A. crio roc xcvi, d. n. iun. dedicatum fuit. Vid. Supplementum  
 Chronici Videmanniani Iodoci Kifelingii. Templum autem  
 D. Michaeli inscriptum ceteris Urbis Novae Templis multo est  
 recentius, et serius ex Sacello Templum Parochiale factum.  
 Idem vero hodie non tantummodo Parochiale est, sed  
 -sili  
 Tem-

Templorum omnium praecipuum. Olim Angelo T<sup>u</sup>telari creato dicatum, hodie Archangelo Michaeli, Domino IESV CHRISTO. Constat id ex fronte Templi, ubi haec verba leguntur: MICHAEL ARCHANGELVS. Aetas Templi eadem, quae Novae Urbis. Dies adeo natalis in annum c<sup>ro</sup> cc xxx incidit. Ergo et iidem fundatores, qui eiusdem Urbis. Huius autem conditores fuerunt Ottones, Duces Meranii. Credibile, Cives Veteris, Novaeque Urbis, diversis, distantibusque aedificiis discretos, diversas Parochias quaevisisse. Sed mansit tamen nomen, pariter et honos, matris penes Templum Parochiale Urbis Veteris, per secula duo, et dimidium. Primo itaque Templum D. Michaelis Sacellum fuit. Locus, ubi erectum, angulus Urbis orientalis, petrae innixus, fere in medio Urbis latere. A foro medio, per viculum, qui Via Templi dicitur, ad Templum hocce aditus patet, idemque viculus, Templum praeteriens, per portulam Michaelis, extra Urbem egreditur. A c<sup>ro</sup> cc xcix Sacellum Michaelis incendio conflagravit, una cum Templo Laurentiano, et Sacello Nicolai. Pleraque enim Veteris, Novaeque Urbis aedificia tunc exusta. Fanum nostrum, triennio sequente, non modo ex favillis resuscitatum, verum et iam septentrionem versus, pariter et Solis exortum, ampliatum, et, subsecuto tempore, magis magisque exornatum, et A. c<sup>ro</sup> ccc xxviii dedicatum fuit. Rursum vero ab Hussitis, immisso in partem superiorem igne, deletum. A. c<sup>ro</sup> cccc xxx; sed post paulo deinceps reparatum. Ab A. c<sup>ro</sup> cccc xxv, quae longitudinem, quae latitudinem, prolatum, dimidia prope sui parte factum longius. Ab eodem tempore cellis novem interioribus augeri coeptum. A. c<sup>ro</sup> cccc xxvii denuo cultui publico sacratum, atque, tot au-

et accessioibus, ex eo tempore, pro filia, mater aedis Laurentianae factum. Idem illud Templum, ab anno c13 13 xii, fornicibus, novisque operibus instructum mirifice, et expolitur, sed anno demum c13 13 lxxii omnibus numeris perfectum redditum, iterumque dedicatum. Illo simul tempore, et quidem die xxvii Junii, die Dom. octava post Trinitatis, in quam diem inauguratio incidit, orta hodieque superstes processio, qua integer coetus incolarum, praeerantibus Scholis, ferto, ac flore ornatis, sequente Venerando Sacerdotum Ordine, Proceribusque Urbis, et Civibus quibusvis bonis, ex aede Franciscana, aedem Michaelis, inter hymnos, et gaudia petit. Cum anno c13 13c xxv, die vi Novembris, Urbs gravissimum incendium pateretur, et, praeter Curiam, aedificia centum sexaginta duo igne depascerentur, tectum quoque, flamma correptum, deflagavit, quod deinde, primo scandulis, sed ab anno c13 13c liv lapide Armenio stratum est. Totius Templi, quoad domum ipsam, altitudo, pedibus xxciv, murus, cui tectum est superpositum, pedibus xlvii, et operis totius longitudo pedibus cxlii constat. Vid. Dn. Layriz. Progr. de Templorum Curien- sium in Vrbe Nova Primario; D. Michaelis, ed. A. c13 13c xxviii. De interiore autem Templi structura, et ornatu, reliqua, quae de eodem Templo exponunt, Programmata sex, edita A. c13 13c xxcix, c13 13c xc, c13 13c xci. Conf. Videm. hinc inde.

**IX. Habuit et duo Coenobia, eademque in Vrbe Nova: D. Francisci,**

et

et D. Clarae : habet celebre Gymnasium : habet Xenodochium : habet Ptochotrophaea duo, superius, et inferius : habet denique Nosocomium.

Monasteriorum unum superius est, alterum inferius : illud S. Clarae, hoc D. Francisci. Coenobium enim S. Clarae positum est Arcem inter, et Coenobium alterum : loco eo, ubi antea fuerat sedes ac domicilium generosissimae Moerrungiorum gentis. Reliquum, quod ex antiquioribus superest, aedificium, tetragoni longi formam referens, pedes in longitudinem porrigitur cxv, in latitudinem xxxiii, fornicibus contiguis circum circa pervium. Opus, si fundamenta spectes, sumptuosum, praesertim, quia multae porticus subterraneae, eademque satis magnae, fuerunt, et adhuc superant. Construi coepit Monasterium circiter annum cto ccc XLviii. Tres sorores nobiles Vtenhofiae : Gertrudis, Margaretha, et Tecla, fundaverunt. Praecipue Gertrudis, Henrici, Advocati Videntis, Coniux, eademque, post obitum Coniugis, prima, Abbatissa. Quintamen Domini Advocati et ipsi symbolum ingens dederint, indubium. Namque Henricus, Advocatus Plaviensis, Margaretham in matrimonio habebat. Feruntur item Henricus Senior, et Henricus Iunior, Vogti Plavienses, consensu suo piarum mulierum, legata, foundationemque confirmasse. Post illa tempora Comites Orlamundani, Equites vicini, et pii Cives multi, liberalitate sua opus perfecerunt. Neque horum omnium beneficio tantum Monasterium, sed etiam Fanum S. Annae



furrexit. Domus anterior, quam forte Abbatisſae olim habitarunt, hodie Praefectus Coenobii habitat, ſerius addita. A. cto 13 XLVIII. Antea, nominatim A. cto cccc LXXVIII, Virgo ſacra libidinofa Monafterium (horrendum dictum) ſuppoſito clam igne, incendit, quo incendio et Coenobium Franciſcanum, ut et vicinae aliquot domus correptae, perierunt. Anno tandem cto 13 LIII Monafterium a Virginibus deſeritur, quo anno hoſtis Curiam obſidione urget. Mox idem illud tormentis laceratur, et a milite diripitur. Ruinoſum, poſt exceſſum ultimae Abbatisſae, ſimul cum omnibus reditibus, ad Sereniſſimum Marchionem, Georgium Fridericum, redit: id quod anno accidit cto 13 LXXIV. Reditus ſtipendiis literarijs, viginti quatuor, perinde quam Sacerdotibus, et Magiſtris melius ſuſtinendis, deſtinantur. Vnum addimus, Coenobium pro nobilibus, imo et principibus, foeminis, ac virginibus, conditum fuiſſe. Ad numerum quod attinet, fuerunt A. cto 13 II mulieres nobiles quadraginta. Ceterum reditus annui mille quadringenti floreni. Haec omnia, et plura, memoratu haud indigna, vide in Progr. CL, Dn. Veisſii, de Coenobii ad S. Claram Hiſtoria, ed. cto 13c xciii. Conf. Plur. Rev. Dn. Villius, Paradis. Pinif. Teuton. Sect. V, C. I. inprimis autem Videmannus. Iam de altero Monafterio tractandum, quod Franciſcanum audit, conditum ab Henrico Veidenſe, qui et primus Gvardianus fuit: conditum autem anno cto cc xcii. Prius vero, quam ſtrueretur, aliquot ante annis Franciſcani Ordinis homines Curiae vitam egerunt. Principio arctis admodum limitibus circumſcripta erant illorum habitacula, inſigniter poſtea dilatata ſumptu Henrici, quem diximus, Veidenſis. Tres ceteroquin fuerunt huius Coenobii domus, Vna complexa eſt bibliothecam,

-III

§ V

iuxta



iuxta et coenaculum, longa pedes triginta duos, lata sexaginta tres: hodie ibi sunt duo Auditoria, et Contubernium Scholasticum. Altera domicilia Monachis praebeuit, lata pedes centum, longa centum quinquaginta novem. Tertia polentae conficiendae, et coquendo zytho, accommodata fuit, longa pedes viginti duos, lata quinquaginta duos. Hodie vero dicata est frumentis, lignisque servandis. Coenobium postmodo universum, ab habitatoribus suis desertum, in Gymnasium celebre abiit, ab Serenissimo Marchione, Alberto, Amplissimo Senatui donatum, ut Schola inde insignior pararetur. Vid. Videmannus, et, post eum, Dn. Veisius, Progr. de Coenobii ad S. Franciscum Historia, ed. c15 15c. xciv. Atque hic iam locus datur differendi de Scholis, et Gymnasio Curienfium. Quae schola fuit in Vrbe Vetere, ea verus dicta est. Tempus, quo instituta, incertum: sed veri tamen simile, fuisse ipsum tempus Templi Laurentiani recens aedificati. Instituitur iuventus Civitatis Veteris, item pagana. Fuit tamen et Vrbi novae Schola Vetus: eademque Templo Michaelis configua fuit. Primo institutionis ratio, pro capto aevi, fuit rudior: post deinde, aucto Magistrorum numero, melior. Inter Scholae Moderatores quam maxime floruit Nicolaus Medlerus, S. Theologiae, et Philosophiae (ita se ipsum appellat) Doctor. Is, adhuc non multum aetate proventus, A. c15 15. xxvii, non solum Scholam Patriam colapsam in pristinum locum restituit, sed etiam Ecclesiae emendationem feliciter suscepit. Cum enim M. Caspar9 Loenerus Ecclesiae, primum repurgandae, impar videretur, eum sibi Virum adiunxit. Hic Vir postea simul scholastico, simul concionandi munere, perfungebatur. Vtrique autem Viri loco cedere coacti, furore Praefecti Urbis, A. c15 15.

xxix, die Margarethae nomine insigni. Loenerus Ols-  
nitium concessit, Sacerdos factus: Medlerus Vitember-  
gam, ut studio Theologico colophonem imponeret. Inde  
Brunsvigam evocatus, ibi obiit. Eum M. Io. Streitberge-  
rus, oratione, die xv Martii, A. cix ix xlviii, Curiae, aulpi-  
cii causa, in Gymnasio novo habita, hoc elogio ornat: *banc urbem non habuisse excellentiorem Virum.* Medlero succes-  
serunt tres alii, iidemque ultimi Scholae Rectores. Postea  
autem illa in Gymnasium commutata est. Vid. Videman-  
nus, qvocum conf. Dn. Veisii Progr. de Scholis Curien-  
sium Antiquis, ed. cix ix xciv. Gymnasio, secundum  
DEVM, vitam dedit Gloriosissimus Marchio, Albertus Iu-  
nior, cognomento Alcibiades, A. cix ix xliii. Creverat  
discentium multitudo, neque omnibus capiundis Schola  
Michaelitana par amplius videbatur. Moderator, idem-  
que postea primus Gymnasii Rector, erat Iacobus Schlem-  
merus: Antistes Sacrorum Leonardus Eberhardus.  
Tum ultro, tum autem multo magis illorum hortationibus  
Virorum, incitati Consules, immortali laude digni, Io.  
Techius, Conradus Ianus, Michael Klugius, et Vitus Io-  
dizerus, cum Senatu reliquo Amplissimo, de commodi-  
ore Musarum sede constituenda in medium consulunt.  
Peropportune derelictum ab religiosis hominibus Coeno-  
bium Franciscanum fuerat. Hinc e re visum, ut in Scho-  
lam Coenobialem verteretur. Mittuntur ideo, cum  
Grammateo, Senatores duo ad Principem: damnantur  
voti: fundamenta Gymnasii iaciunt. Etenim Princeps  
cum Templum, ac reliqua Coenobii aedificia, Gymnasio  
condendo dicat: tum reditus Coenobii omnes Magistrarui,  
pro sustinendis Magistris, donat. Literae donationis da-  
tae Blassenburgi, die Lunae, post diem Dominicam Oculi,  
A.

A. CIO IO XLIII. Ergo manus operi admovetur, domus-  
que Monachorum acroateriis duobus, itemque alumno-  
rum habitaculis, locum facit. Ima contignatio auditorium  
inferius continet, ubi prima artium rudimenta traduntur:  
media superius, ubi disciplinarum altiorum doctrinae,  
proponuntur: summa alumnorum Musea comprehen-  
dit. Operis auctor fuit Conradus Ianus, Consul, idemque  
sacri aerarii Praefectus. Hic effecit, ut, A. CIO IO XLV, opus  
absolveretur. Sed pestilentia dedicationem Gymnasii suf-  
flaminat. Itaque inauguratur demum A. CIO IO XLVI, die  
xiv Iunii, Feria II Pentecostes, et agmen Scholasticum  
ex Schola vetere in novum Gymnasium introducitur. In-  
auguratio ceteroquin talis fuit. Agmen adolescentum ex  
aede S. Michaelis, comitantibus omnium ordinum homi-  
nibus, procedit: hymni concinuntur: itur in Templum  
Coenobiale, Gymnasio contiguum, indeque, finitis sacris,  
in Lyceum: Rector, Iacobus Schlemmerus, coram An-  
tistite, et Collegis suis, orationem habet, auspiciūque  
laborum captat: Antistes coetui benedictum impertit:  
mox, die xvi Iunii, docendi fit initium. Atque eius me-  
moria inaugurationis, ritu anniversario, hodieque reco-  
litur. Rector ad festam procesionem Germanico carmi-  
ne omnis ordinis, aetatis, sexus, homines invitat: po-  
striedie, id est, die Gymnasii natali, signum aere Campano  
datur: confluit mane in aedem Michaelis multitudo: dux  
adolescentum primi ordinis dimidia hora octava carmen  
Germanicum recitat, in quo Gymnasii origines exponit,  
DEO, et Principi Conditori, eiusque Successoribus, ut et  
Musagetis omnibus, agit gratias: canitur hymnus: *Qui es  
veris atis Spiritus*: recitatur Oratio Domini: circumitur in  
Templo: canitur hymnus Encomiasticus inter exeundum:

X

Vend.

*Veni Sancte Spiritus* ; inter procedendum : *Veni Creator Spiritus*. In processione primi eunt Ludorum trivialium discipuli ; secundi Gymnasii cives, et Magistri, tertii Sacerdotes Venerandi ; quarti Exarchus Provincialis Eminentissimus, et Politici ; quinti Doctores, Officiales, Consules, et Senatores ; sexti Cives oppidani. Hos, post aliquot intervallum, sexus elegantior subsequitur. Vbi in Templum Coenobiale ventum est, verba pro concione fiunt. Post concionem sacram, binis semper annis, Historia Gymnasii ex pulpito Ecclesiastico praelegitur, et omnium defunctorum Magistrorum nomina praeleguntur, et votum denique pro Gymnasii perennitate additur. De Collegis addimus, anno c15 15 XLVIII numerum fuisse binario auctum, factumque ex eo quaternarium. Deinde, A. c15 15 LXVI, Gymnasium Collega quinto, ac denique sexto locupletatum. Ceterum ad laudes Gymnasii pertinet, quando Videmannus, ad annum c15 15 XLVIII, haec commemorat : *Magistros artes liberales : Grammaticam, Dialecticam, Rhetoricam, Arithmeticam, Musicam, et Astronomiam, ac praeterea lingvas praecipuas : Latinam, Graecam, et Hebraeam, inventuti Scholasticae fideliter tradidisse ; item disputationes Theologicas, ac declamationes introduxisse, eaque re factum esse, ut Gymnasii fama, longe lateque vagata, e regionibus remotioribus, exempli causa, ex Carinthia, adolescentes huc inducerent.* Vid. Videmannus, ad annum c15 15 XLVII, et c15 15 LXVI. Conf. Dn. Veissii Progr. de Gymnasii Curiani Primordiis, ed. A. c15 15 XCIV, et Progr. de Gymnasii Curiani Incrementis, ed. A. c15 15 XCV. Vnde non possunt non Curiae florere, literae, bonaeque artes, praesertim, cum juvenibus literatis complura insuper stipendia sint constituta. Nam, quemadmodum supra indicavimus, subsidia literaria,



viginti quatuor de redditibus Monasterii D. Clarae fundavit  
 Gloriosissimus Marchio, Georgius Fridericus, A. cto 13  
 lxiv. Dinante, A. cto 13 vii, quidam Laurentius Mord-  
 eifius, Curienfis, idemque Mercator Lipsiensis, legavit,  
 stipendia sex studiosis Lipsiensibus, Curiae natis. Aliud  
 Nicolaus Hahnus Nailensis legavit, A. cto 13 xii. Vid.  
 Videm. Recentiora in studia literarum liberalitatis docu-  
 menta taciti praeterimus, et ex antiquioribus solam adhuc  
 Bibliothecam commemoramus. Eius origo a Monasterio  
 Franciscani origine repetenda. Post recepta sacra emen-  
 datoria, cessit communi usui civitatis, alportata, A. cto  
 13 xxxviii, in Templum D. Michaelis, sicut Videmannus  
 testatur. Cella autem Templi quinta ei dicata est: atque  
 ab eo tempore Bibliotheca atgeri coepta. Sed, progressu  
 temporis, custodum iniuria, sensim imminuta, tandem  
 prorsus atque omnino periit: foruli in Templum Mona-  
 steriale deportati, A. cto 13 lxx. Instaurationi autem rei  
 librariae manus admota circiter annum cto 13 xc, locus-  
 que alius inventus, idemque conclave idem illud, Sacrario  
 aedis Franciscanae superimpositum, ubi iam olim sita,  
 Monachorum bibliotheca fuerat. Factis bibliothecae  
 incrementis, amplior quaesitus locus, et in Templo S. An-  
 nae designatus. Nova vero Bibliotheca condi coepit A.  
 cto 13 xcii: translatis libri forte circa annum cto 13 xcvi. Ex  
 Franciscanae conclavi aedis, desperata aptiore in Templo  
 S. Annae sede, a portatur in Sacrarium D. Michaelis, ubi  
 hodieum servatur. Vid. D. Layrizii Programma de Sa-  
 crario D. Michaelis interiore, cum Bibliotheca Curienfe,  
 ed. A. cto 13 xcxi. Nunc Xenodochium inspicimus, aedifi-  
 cari coeprum A. cto 13 cc ix, quo anno Vrbis Nova ab Henrico  
 Veidente mœnibus circumdata. Dictum vero est Xenodo-  
 chi-



chium S. Spiritus, et B. Mariae Virginis. Sumptus in  
eam rem fecerunt multi, non solum nobiles, verum etiam  
ignobiles: quam maxime autem Equites vicini Raben-  
steinii, item cives Schutfeldii, iam pridem emortui: item  
post deinceps Vogti Veidenſes, iuxta et Comites Orlamun-  
dani, utpote qui reditus suppeditaverunt. De hisce redi-  
tibus quotannis aluntur homines egeni, iidemque senes tri-  
ginta sex, qui vitam bene egerunt, viri, perinde ac mulie-  
res, sed tamen nullo foedo morbi genere infecti. Iis, in  
singulas hebdomadas, Sacerdos Xenodochialis verba pro  
concione facit, et statis temporibus SS mysteria dispensat.  
Ceterum totum Xenodochium tribus aedificiis absolvi-  
tur: Templo Xenodochiali, domo Xenodochiali, et do-  
mo oeconomiae. Conf. Videmannus. Nunc ad Procho-  
trophea accedimus, quae bina esse diximus: superius al-  
terum, alterum inferius. Prochotropheum superius (Teu-  
tonice olim dictum est das Franzosen-Haus; hodie das O-  
ber-Lazareth, item, das Armen-Haus dicitur) in Coemite-  
rio D. Nicolai extrui coeptum est A. c15 15 xxxvii, et anno  
sequente perfectum, quo anno caementa Sacelli D. Sigis-  
mundi extructioni adhibita fuerunt. Occasio originis  
fuit haec. Postquam ab Hispanis lues Gallica ex India  
allata fuit, ea, circiter annua c15 15 xxxvii, et Urbem  
hancce infestabat. Quare, propter homines illa lue infectos,  
Prochotropheum, concessu Serenissimi Marchionis Geor-  
gii, iuxta Sacellum D. Nicolai, aedificatur. Bello autem,  
quod anno c15 15 lxi, inceptum est, data opera diruitur, et,  
anno post decimo reaedificatur. Alii homines quatuor-  
decim, nimirum Praefectum cum uxore, et mulieres pau-  
peres duodecim. Vid. Videm. et Dn. Layrizius, Progr. de  
Templis Curienſium Antiquis, collapsis, aut immutatis, ed.

A,

A. c. 1303 xxviii. Prochotropheum inferius (Teutonice, das Vnter-Lazareth, item, das Siech-Haus) situm ultra Suburbia, viae regiae, sinistram versus, ad ponticulum, quo rivus cancrorum iungitur. Via, super hoc procedens, proficiscentibus in Varisciam reliquam, Saxoniam, itemque Misniam, et Thuringiam, tenenda. Cum, anno c. 1313, Vrbs bello vexaretur, et Prochotrophei superioris, de consilio inflammati, incolae Vulcano cedere cogerentur, pars illorum Sacello D. Erhardi cessit. Hoc itaque Sacellum in Prochotropheum tunc mutatum est. Alit autem Prochotropheum mulieres senes octo, et praecipuis aliquot sacris diebus Sacerdotis Xenodochialis sermonibus personat, illis cum primis diebus, quibus hospites sacrosanctis mysteriis utuntur. Vid. Videmannus, et conf. Dn. Layrizius, l. d. Nosocomium breviter demum describimus. Extructum fuit aliquod apud S. Sepulchrum, A. c. 1312, sed illud interiit. Superest autem aliud, quod conditum est A. c. 1325, non procul a Prochotropheo inferiore, ubi rivus cancrorum in Salam defluit. Teutonice appellatur das Pestilenz-Haus. Quod restat, inter Prochotropheum, et Nosocomium, coemiterium interiaceret, in quo hospites horum aedificiorum sepeliuntur. Vid. Videmannus.

**X.** Inter aedificia profana eminent Arx, et Curia. Praeter haec dantur complura alia memoratu digna, et communi utilitati servientia: molendina tria, pharmacopolia duo, mola chartaria, do-

mus tinctoriae, fullonicae, balnea tria. Statis etiam temporibus cives arma tractant, et sive sagittas iaciunt, sive sclopetata explodunt. Hinc casa sagittaria, et domus sclopetaria.

Arx magnifice extracta ab Henrico, Advocato Veiensi, circiter A. cto cc lxx. Is, posteaquam a familia Comitum Orlamundanorum Curiam, cum terra Regnitiana, emerat, Urbem Novam Curiam aedificavit, et sedem ibi, aulamque fixit. Vid. Videmannus, Annal. Urb. Cur. Conf. Bekleri Ill. Stem. Ruthen. Curia nova, Urbis Novae, Curiae splendide item aedificata. Post antiquam enim, anno cto d. xii. deiectam, anno consequente nova, eademque superbiore, extrui coepta est. Vid. Videmannus, ad annum cto d. lxxii, et cto d. lxxiii. Datur vero et Curia in Urbe Vetere, quae, consueti nomine, Domus Communis (das Gemein-Haus) appellatur. Molendina tria; omnia et singula, a Sala flumine agitantur. Primum cognominatur superius, estque situm e regione Templi Laurentiani, in ipso aditu Plateae Piscatoriae. Alterum Michaelitanum, e regione aedis S. Michaelis positum, in ipso aditu Suburbii eius, quod dicitur Suburbium ad molendinum Michaelis. Postremum molendinum Xenodochiale, quod septentrionem spectat, iacens e regione portulae Xenodochialis, in Suburbio versus fullonicam. Pharmacopoliorum unum vetus, alterum **GEORGGVILELMIANVM** nuncupatur. Mola chartaria A. cto d. lxxi, teste Videmanno; constructa est. Ab Urbe fere ad dimidium lapidem distat, sita ad Salam, papyrum

pyrum praestantem, lateqve celebrem, conficiens. Conf. Videmannus, ad annum dictum. Typographia, signum florentium literarum, iamdiu floruit, primum instituta A. c15 10 LIII, III. K. April. Primusqve Typographus Matthaeus Pfeilschmidius, Bonfideliensis, fuisse dicitur Videmanno, in Annal. Cur. Domus tinctoriae complures dantur: in histinctoria sericorum, sita in Suburbio versus molendinum Michaelis, ipsi molendino vicina. Fullonica, praecipua est fullonica panni textorum, sita in exitu Suburbii, qvod ab ipsa nomen suum accepit. Balneorum unum superius, alterum medium, tertium inferius audit. Suntqve omnia in Suburbiis sita: superius e regione viculi balneatorii, portulaeqve cognominis: medium non, procul inde, e regione Templi, portulaeqve S. Michaelis, sub ingressum plateae piscatoriae, proxime molendinum S. Michaelis: inferius ad molendinum Xenodochiale, versus ipsum Xenodochium. Deniqve domus duae aspi-ciuntur, in qvibus Cives, statis temporibus, in armis sese, exercere solent: casa sagittaria, et domo sclopetaria. Illa contigua portae superiori ad dextram est, haec eo in loco, ubi olim Sacellum Sigismundi extitit.

**XI.** Qvae fuit Varisciae Veteris, ad Christi sacra conversae, religio, eadem olim Curiae Urbis: qvae postea Varisciae hodiernae, doctrinam emendatiorem secutae, eadem, Vrbi suscepta, constanter adhuc retinetur.

-idi

Qvo



Qvo tempore Romana Ecclesia, superstitione iamdum principatum tenente, errores erroribus cumulabat, Curia Vrbs coepit condi. Qvare, falsa a teneris opinione imbuta, candidam simplicitatem prae se ferens, pie, qvoad poterat, Divinum Numen colebat. Eius rei testes tot Sacellorum, Monasteriorum, aliorumve sacrorum aedificiorum foundationes, perinde ac dotationes, tot altarium dedicationes, et alia pietatis adversus DEVM documenta. Sed tamen incolae nostri ita superstitiosi fuerunt, ut, meliores nacti duces, vellent utique emendari. Id qvoad, reddita rei Christianae Evangelii doctrina, constare poruit. Vix repurgata ab erroribus religio, iubare suo longe lateqve fuso, tum universam Varisciam, tum Curiam Variscorum, implet. D. Lutherus cum multos alibi divini instituti praecursores, tum qvoadam etiam Curiae habuit. Fuerunt utique et in illa Vrbe, qvi, aliquo venturi Evangelii diluculo collustrati, crassioribus errorum tenebris qvoadam modo reniti conarentur. Fuit in his D. Theodorus Morungerus Bambergensis, Herbipolensis, et Eystadiensis Ecclesiae Canonicus, Plebanus postmodo Curianus. Posteaquam enim, A. cio. cccc. xxix, Innocentius viii, Pontifex Maximus, Legatum a latere, Raymundum Payraudium, Gallum, Archidiaconum Rom. et Theol. D. per hanc universam terram dimississet pro danda venia peccatorum, plenissima, Iubilaei nomine consignata, imposturae indiguitatem indigne ferens Morungerus hinc Norimbergam se confert, ubi tunc nundinator Pontificius agebat, bullaeqve Pontificiae palam obloquitur, et veniam Pontificis invalidam animabus pronunciat. Sed, Norimberga rediens, instinctu Pontificii legati, a subiectis Marchionis Frederici capitur, et vulneratus Cadolsburgum abducitur, ibi-



ibique, iussu Pontificis Romani, Marchioni traditur, et novem integris annis in arce Culminibus Asperis, captivus tenetur. Fuit et quidam M. Io. Sorgelius, Plebanus Vicarius ad D. Michaelis, qui in Monachorum, atque Sacrificulorum inertiam severe invecus: *Vos, inquit, ignavi sacrificuli, Paulum, cum suis scriptis, nunc sub scamno reposuistis; sed, credite mihi, mox erit tempus, ubi inde resurgat, ac vos eo detrudat.* Ex quo de pietatis zelo Curiensium iudicari potest, atque intelligi, nihil ipsis fuisse vero DEI cultu antiquius, nihil vel ad veram pietatem defuisse, nisi quod, Pontificiorum rituum nubibus obtekti, non viderint, qua ratione eam testatam facerent. Illa vero constare coepit, simul atque D. Lutherus doctrinam coelestem a mendis, atque corruptelis repurgavit. A. 1515 XVI Ecclesiae Curiensis Plebanus erat Fridericus Iunior, Marchio Brandenburgicus, Friderici IV, Marchionis Brandenburgici, Prioris Lineae Franconicae, pariter et Ducalis Prusicae, hodie emortuae, Conditoris Gloriosissimi, Filius quintus, idemque Praepositus Onoldinus, et Herbipolitanus, Canonicus item Moguntinus, et Praepositus Canonorum Herbipolitanorum. Tunc enim temporis Parochia Curiensis ordinarie fere a Canonicis Bambergensibus administrabatur. Licet vero is Plebanus, ac Parochus, aliquoties ipse munere suo fungi debuerit, tamen id non obisse legitur. Quare legit vicarios, primo Pancratium Neudeckerum, deinde M. Io. Hollerum, tertio M. Casparum Loenerum, eundemque A. 1515 XXIV. Hic, agnita procul dubio ex Lutheri scriptis veritate doctrinae coelestis, palam illam professus, corruptelas Pontificiorum audacter taxat, et monachorum ordines, ac studia, ceteraque humani ingenii commenta notat, ac reprobat. Graviter eam rem fert Vigandus, Antistes

Y

Bam-

Bambergensis, et Loenerum Templo D. Michaelis pellic,  
et in eius locum Gvolfg. Techium, sacrificulum, surrogat,  
cumque Loenerus deinde, in Templum Franciscanum,  
concedens, per singulas hebdomadas Verbum Dei propo-  
neret, et cum Cives paulatim, tum quosdā etiam Monachos  
ad veras doctrinas adduceret, alio edicto Vrbe eundem eii-  
cit, A. c15 15 xxv. Vim Antistitis secuta fraus, et impostura, in-  
crementa verae doctrinae attentat. Venerat, A. c15 15 xxiv, in  
Vrbem quidam Nicolaus Storchius, Cygneus, arte panni  
textor, doctrina fanaticus. Specie laboris venerat, re-  
vera, ut ibi virus suum latius disseminaret. Idem et ante-  
fighanus Anabaptistarum, et Thomae Munzero, qui incen-  
tor tumultus fuit rusticorum, auctor impiarum opinio-  
num fuisse memoratur. Cum Vartburgi Lutherus deli-  
tesceret, Storchius, A. c15 15 xxi, Vittembergam profectus,  
discipulos et ibi clanculum quaerit, perinde ac invenit:  
praecipue Marcum Stubnerum, contreraneum, et Marti-  
num Kellerum, ceterum ipse minime diu ibi commora-  
tus. Sed revertimur ad Curiam, ubi multos, non solum  
tribules suos, verum etiam Cives alios, item aliquot Mona-  
chos, praestigiis, et necromantica arte editis variis miracu-  
lis, fascinat, et horrendis commentis, ac mendaciis delu-  
dit. In exemplum Sanctissimi Servatoris Apostolos xii  
legit, et, daemonis ope, optimas dapes, ac vina generosis-  
sima, Civibus furtim erepta, distitit a Gabriele Angelo,  
perpetuo suo apparitore, sibi, tanquam novo Eliae, aspor-  
tari. Cum multa impie in S. Ecclesiam, ut et Magistratus  
dicit, tum, diuturno conflictatus morbo, in DEVM ipsum  
horrendas blasphemias ore impurissimo eructat. Demum,  
pristinæ redditus valetudini, rebus suis diffidens, per po-  
sticum clam elapsus, non multo post Monachii, in Xenodo-  
chio,

chio, aut diversorio, tenui et ignoto habitu, animam efflat. Relinquit vero Storchius Curiae nihilo se meliorem discipulum, Ioannem Leonem, qui non ita pridem Monachus e Coenobio Franciscano aufugerat. Ille sub dio, in patente campo, non procul a S. Sepulchri Sacello, qua itur in Montem Eichelberg, Evangelium Matthaei, ex C.V, inde a comm. 1 ad 12, vespera Cathedrae Pauli, et subsequente die Dominica, A. c10 10 xxv, frequente populo, publice, more fanaticorum, explicat. Idem vero ille Vrbe, metu seditionis, eiectus, proluxa ad Curienfes fideles, uti is quidem vocat, epistola conscripta, velut de iniuria sibi facta conquestus, sententiam suam plenius confirmat. Parum autem absuit, quin, talibus ducibus corrupti, multi Civium Curienfium turbae rebellantium rusticorum accederent, invitantibus cum primis rebellibus, ad Plaviam, urbem vicinam, congregatis. Sed cura Magistratus, et Sacerdotum, praecipue Loeneri, hortationibus factum est, ut, intermisso scelere, praesens vitae ac salutis periculum a Civium cervicibus averteretur. Sermones utriusque fanatici, aeq; ac posterioris, puta, Leonis, literas, accurate consignatas, memoriae prodidit En. Videmannus, Annal. Urb. Cur. A. c10. 10 xxiv conventus actus Provincialis Culmbaci, auspicio Sereniss. Principis Casimiri, ut suffragia Procerum de suscepta religionis mutatione corrogaret. Adsunt et Curienfes, qui, contra Praefules, *se in agnita semel veritate, firmius perstituros*, asserunt. Sed tamen, ante A. c10 10 xxvii, vix liberum fuit Curienfibus religionis exercitium, quod Vrbs, usq; in id tempus, in dioecesi esset Antistitis Bambergensis; tum, quod multo Clero Pontificio referta. Tandem vero annus c10 10 xxix, eiusque dies V. Septembr. plenum lucis Evangelicae usum Curiae concedit. Hoc enim

diē Miſſa, ſeu adminiſtratio S. Coenae, in aede D. Michaelis, primum Germanice haberi coepit, et verba ſecure pro concione fieri, poſtquam Antiſtes Bambergeniſis iure ſuo epiſcopali ceſſit, illudque Sereniſſimi Marchioni, Georgio, reliquit. Reſtitutus etiam eo anno in dignitatem priſtinam M. Caſparus Loenerus, de quo ante diximus. Qvanquam iſthaec felicitas non fuit perpetua. Namque ater genius, velut ex inſidiis rediens, poſtremam in eum Virum evomit bilem. Dum enim officii ſui munere egregie fungitur, in odium Praeſecti Urbis, una cum Nic. Medlero, ſancti muneris ſocio, eodemque Ludi literarii moderatore, incidit. Rei indignitate commoti, utrique dant ad B. Lutherum literas, conſilium expetunt. Lutherus una epiſtola, ſolatii pleniffima, utriſque reſpondet. A. c1515 xxx1, die vii Iul. quam et ipſam epiſtolam Videmannus ad poſteritatem tranſmiſit. Mox ex Vrbe utrique eiiciuntur. Loenerus Olsnitium primo, deinde Numburgum, denique Nordlingam, ſe confert, et hic decedit: Medlerus Vitembergam, ad Lutherum, proſectus, primum Magiſtri, tum Doctōris honore auctus, cum Numburgi, tum poſtea, Brunſvigae docet. Ab eo demum tempore Eccleſia Curienſis uſque adhuc alcionios agit dies, et, quod divino munere recepit melius religionis genus, ſumma animi conſtantia tenet, atque tutetur. Praeſectura ſacra parochias habet ſub ſe viginti ſex, quarum Antiſtites Curienſes, non minus de Eccleſia univerſa, quam de Curienſe, immortaliter meritos, ſtriſtim enumeramus. Sunt autem hi. Poſt Loenerum, Sereniſſimi Marchionis Brandenburgici, Friderici, qui A. c1515 xxxvi obiit, Vicarium, mittitur A. c1515 xxx, a Fratre Sereniſſimo, Georgio, Auguſta Vindelicum Curiam, et  
in

in Loeneri locum surrogatur Stephanus Agricola, S. Theol. D. qvi, A. c15 15 xxxvii, Smalcadicis articulis subscribit. Post hunc primus est Antistes constitutus Leonardus Eberhardus, Gunzenhusanus Francus, qvi formulae interreligionis se opponit, eamqve Serenissimo Marchioni Alberto dissvadet. Obit A. c15 15 LI, d. vii Decembr. Huic Viro sufficitur Io. Streitbergerus, Doctor Theologus, A. c15 15 LXvii, d. xix Martii, Antistes Summus ad Culmina Bacchi evocatus. Succedit Andr. Pancratius, Bonifdelienfis, qvi obit A. c15 15 LXXvi, d. xxvii Septembr. Huic Aurelius Streitbergerus, A. c15 15c xii. Huic M. Christoph. Iordanus, A. c15 15c xxiv, d. iii Nov. Huic Christophorus Schleupnerus, D. Theolog. A. c15 15c xxv, d. xii Mai. Huic M. Iac. Seyfridus, A. c15 15c xxxiii, d. xiv Mai. Huic M. Henricus Teubelius, A. c15 15c xxxiv Huic M. Io. Kufnerus, Pressensis Palatinus Superior, A. c15 15c liv. Huic Io. Valtherus, S. Theol. Licentiatus, A. c15 15c lxx. Huic deniqve Generosissimus, Summeqve Rev. Dominus Iosephus Fridericus Valdeccius, Dominus Hereditarius in Culmiz, Doebrastoecken, et Berg, Patronus Summus, A. c15 15c lxxix, d. xxx Aug. Vid. Videmannus: item Dn. M. Layrizii Progr. de Religione Curienfium Pristina Papaea, ed. A. c15 15c xxxvii, et Progr. seq. de Religione Curienfium Hodierna Evangelica Lutherana, ed. an. eod. Pl. Rev. Dn. Villius, Parad. Teut. Pin. P.V, C.I. Ritus Ecclesiae Curienfis vide apud Dn. Layrizium, Progr. De Religione Curienfium Moderna Evangelica Lutherana, Fide, et Ritibus, ed. an. eod. Nomina Venerandorum Antistitum partim rursus apud Videmannum, in Annal. partim apud Magnif. Dn. Io. Georg. Perschium, in Gratulatione Teutonica ad Generosissimum, et Summe Reverendum



dum Dominum Iosephum Fridericum de VValdeck, Antistitem Urbis, Principis Curiae, Ecclesiarum Exarchatus, aliarumque vicinarum, Designatum.

**XII.** Curienses olim in potestate fuerunt Ducum Meraniorum, Comitum Orlamundanorum, et Advocatorum Veidensium: hodie Serenissimis Marchionibus Brandenburgicis parent. Toti Civitati praeest Exarchus Provincialis. Reliqui magistratus partim sunt Officiales Principales: Quaestor, Eparchigrammateus, Praetor oppidanus, Praefectus Coenobii, Praefecti Rationum Principalium; partim Senatus oppidanus; partim Curatores.

Curia, cum seculo undecimo ex latronum spelunca surgere coepisset, soli S. Imperio fuit obnoxia: deinde ab Imperatoribus, feudi nomine, variis Dominis concessa. Tenuerunt eam longo tempore Duces Meranii: post hos Comites Orlamundani. Namque Otto, Comes Orlamundanus, Beatricem, Ottonis M., Ducis Meranii, filiam, uxorem duxerat. Eius filio, Ottone II., sine heredibus mortuo,

tuo, lege hereditatis, praeter possessiones alias, Vrbs Curia, et terra Regnitiana, ad Comitem Orlamundanum pervenit, A. c15 cc XLVIII. Iam Comes ille Curiam, pomeroiis nondum cinctam, cum agro Regnitiano, circiter A. c15 cc LX, Henrico Iuniori, Vogto Veidenfi, vendit, qui eam aula sua illustrat, iuxta et quam plurimis privilegiis, beneficiisque cumulat, quae Videmannus memoriae prodita reliquit. Ludovicus autem, cognomento IV, Imperator Romanorum, Burggravium Norimbergensem, Fridericum IV, Vrbe Curia investit, causa remunerandae fidei, ac virtutis, quam Caesari, in proelio apud Muhlhusium commissio, testatam fecerat. Concessio illa facta est Monachii, A. c15 ccc XXIII, d. XXVII Octobr. *propter fidelia obsequia* (ut Imperatoris verba, privilegio, et tabulis concessionis inserta habent) *maxime, quod in die dimicationis, et belli, pro ipsius S. Imperii, ac nostris summis honoribus per nos habiti, cum Friderico, Duce Austriae, ipse miles strenuus, et adiutor, de multa comitiva extitit.* Atque hoc ipsum d. XII, et XVIII Febr. A. c15 ccc XXVIII, Romae, Bulla aurea confirmat. Atque ex eo tempore penes Burggravius fuit Feudi concessio, ceterum possessio penes Dominos Veidenses, usque ad A. c15 ccc LXXXIII, permanet. Eo vero anno ad Fridericum V, Burggravium, plenum dominium transit, repraesentatis octies mille centum sexagenis denariorum Misnicorum, i. e. florenis quadrages mille quingentis. Atque ab eo tempore, praesidio DEI, et beneficio Serenissimorum Burggraviorum, qui Marchiones deinde Brandenburgici creati, tuta et valida Curia stetit, et, ut stet, ac floreat perpetuo, quam maxime optamus. Vid. Videmannus; Valdenselius, Sel. Antiq. XII, XXXIII Bek-

Beklerus, Ill. Stem. Ruth. Summe Rev. Dn. Io. Georg. Layri-  
zii de Burgraviatu Norico Dissertatio Historica, ed. c191 oc  
xxxvii. Io. Gvolffg. Rentschii, Consiliarii Brandenburg. Brand-  
enburgischer Cederhayn, P. II, C. 2. Dn. Villii Teuton. Pa-  
rad. Pin. P. V, C. 1. Iam Exarchus, pro Principe, sicut to-  
ti tractui, ita Vrbi praeest. Isque est hodie Illustrissimus  
Comes, ac Dominus, Dominus IOANNES ALBER-  
TVS, Comes de RONOY et BIBERSTEIN, Dominus in  
Oppurg, Knau, Grobiz, et Grunau, Serenissimi Marchionis  
Brandenburgici Baruthini Consiliorum Praeses Summus,  
et Consiliarius Intimus Eminentissimus, Heros in toga,  
Praeses iustitiae aequissimns, Stator, et Maecenas literarum  
Summus et Incomparabilis: quem ut DEVS immortalis,  
una cum univcrsa Illustrissima GENTE, saluum semper,  
incolumem, felicissimumq; praestet, perinde ac diutissime  
conservet, Numen eig suppliciter, religioseq; adorantes ve-  
neramur Hinc de Amplissimo Urbis Novae Senatu (nam in  
Urbe Vet. Senatus tantum aliquot Viris constat) eo dicemus  
plura, quo iniquius a nonnemine Scriptore est traductus. Est  
ille Georgius Steinhartus, qui Librum Exemplorum Li-  
psiae, prima vice, anno, supra millesimum, qvingentesimũ,  
nonagesimo sexto edidit. In eo libro falsam de Senatu  
Curienti historiam affert, quam se ait ex M. Georgio Ruta,  
die Mariae Magdalenae, anno millesimo, qvingentesimo,  
octogesimo secundo, audivisse. Scribit autem pagina  
centesima octogesima, et centesima octogesima prima,  
Ioannem Streitbergerum, Antistitem Curientem in Vogt-  
landia, ab Senatu ad convivium in Curiam invitatum,  
sed, convivio finito, a Consulibus, et praecipuis Senatori-  
bus, male exceptum et tractatum esse. Verum enim vero  
haec, et si qua sunt alia, erudite, accurateqve, nomine Am-  
plif-

plisimi Senatus refutat, et erroris convincit Libellus ille, qui PIVM PRO PATRIA inscribitur. Summa totius libelli est haec. Falsum est, Dn. Ioannem Streitbergerum, Doctorem Theologum, a Senatu Curiense, post convivium, in curia male exceptum esse. Sed res ita sese habet. Dedicatur nova curia recens aedificata, anno millesimo quingentesimo sexagesimo sexto, postridie diei Thomae Apostoli, die xxiii Decembris : post habitam concionem sacram, Dn. Streitbergerus, simul cum ceteris Sacerdotibus, pariter et Scholae Magistris, ad convivium invitatur : finito convivio amice, humaniterque dimittitur. Anno autem sequente, die xiiii Febr. filius Antistitis, in Suburbio, cum suis Affinibus, iisdemque privatis hominibus, rixatur : accedit, amicitiae reconciliandae causa, Antistes, sed indignis modis excipitur : Senatus, rem graviter ferens, auctores sceleris carcere mulctat. Ex hac re igitur patet, quanta iniuria facta sit Optimo Ordini, qui dignum semper honorem verbi divini Praeconibus, DEique adeoque ipsius Ministris ac Legatis, habendum existimavit. Es ist un-  
 wahr / und falsch / was Georg Steinhart in seinem zu  
 Leipzig / Anno 1596. in Folio heraus gegebenen Exempel-  
 Buch / im 180. und 181. Blat anführet / nemlich / daß der  
 Rath zu Hof Herrn D. Johann Streitbergern / Jh-  
 ren Superintendenten / auf dem Rathhause / nach gehal-  
 tener Mahlzeit / sel übel tractiret haben / sondern es ver-  
 hält sich vielmehr die Sache in der Wahrheit also und der-  
 gestalt. Es ist Herr D. Streitberger / am Tage der Ein-  
 weihung des neuerbaueten Rathhauses / im Jahr 1666/  
 Montags nach Thomae Apostoli, den 23. Decembris, nach  
 vorhergehaltener Predigt / nebst andern Kirchen- und  
 Schul-Dienern / zur Mahlzeit geladen / nach der Mahlzeit



aber freundlich / und mit guter Bescheidenheit / wieder di-  
mittiret und nachher Hause gelassen worden. Es hat sich  
aber darauf in dem folgenden Jahr / und zwar den 13 Fe-  
bruarii, zugetragen / daß sein Soñ mit zween seiner neuen  
Schwäger / welche Privat-Personen gewesen / in Mißver-  
ständniß und Uneinigkeit gerathen / und er / um diese Sa-  
che wiederum bezulegen / auch dahin gelanget / darauf er  
dann anders / als sich gegen einem Priester Gottes ge-  
büßren wollen / in furore übel empfangen und tractiret  
worden / es sind aber nachgehends die Thäter von der O-  
brigkeit / so an solcher That kein Gefallen getragen / mit  
Bürgerlicher Verhaftung gebühlich abgestraffet wor-  
den. Vorans dann erscheinet / was vor ein grosses Unrecht  
E. Hochweisen Rath durch die gang ungegründete Impu-  
tation geschehen sey / als welcher vielmehr Gottes Diener  
und Boten iederzeit sehr hoch respectiret / und in gebüh-  
renden Ehren gehalten.

XIII. Extremo bona, perinde ac  
mala reddenda. Bona haec sunt: com-  
moda vivendi ratio, opificium fre-  
quens, mercatura florentissima, solum  
benignum. Mala: lues, incendium,  
et belli calamitas.

Facilis parandi victus ratio. Multa enim sunt, unde  
quaestum, unde pecunias facere licet. Omnium rerum pre-  
tia mediocritia. Multa sive nascuntur, sive elaborantur,  
quae



quae alibi importari videas. Cum pleraque omnia opificia,  
tum maxime panni textura exercetur. Incredibilis pro-  
pemodum salium textorum multitudo: resque illa mer-  
caturae multum commodat. Quamquam haec rebus  
multo pluribus efflorescit. Huc situs Urbis opportunus,  
huc assidui quaque versum transitus, ac itinera, huc insi-  
gues nundinae pertinent. Itinera, viaeque regiae, per  
Vrbem versus omnes plagas conspiciuntur. Via una est  
Baruthina: haec per portam superiorem, per Vrbem Ve-  
terem, eiusque fauces superiores, perque Munsterum ne-  
mus ducit. Alia est Culmbacensis, quae, per portam ean-  
dem egressa, aliquantum praeterit Fossam Arcis: ubi fere  
officinam novam lateritiæ attingit, ad sinistram flectit,  
tum vero, e regione domus sclopetariae, Via altera dicitur,  
indeque pergens, ad pratium Clericorum, et Neuhosium praec-  
dium procedit. Tertia Egrana, per eandem portam  
exiens, perque inferiores Urbis Veteris fauces Templum  
D. Laurentii praetervecta, super pontem lapideum superi-  
orem incedit, posteaque loca supplicii ad dextram relin-  
quit. Quarta Bonsideliensis, ex eadem porta proficiscens,  
fauces superiores transiit, indeque ad sinistram flectens, a-  
liquantum continuata, Munsterum sylvulam praeterit,  
porroque Superius Kozavium, et Svarcenbacum salutat.  
Quinta Olsnitiensis, per portam inferiorem permeans,  
Lapidem Amoeum praeteriens, Leimitium pagum ad  
dextram deserit. Sexta Plaviensis, per inferiorem portam  
penetrans, inter montem Eichelberg, Lapidemque A-  
moenum, et montem Labyrinthum, per vallem per-  
ducta, Heidam pagum dextrorsum praeterit. Septima Li-  
psiensis, per portam inferiorem, perque Suburbium, pro-  
gressa, pontem inferiorem lapideum superat: tum Procho-  
tropheum

tropheum quam proxime praeterit: denique, ultra montem Studioforum, Zedvitiū pagum attingit. Octava Hirsbergensis, per eandem portam inferiorem, ac deinde super Kozaviensem collem, progressa, inferius Kozavium sinistrorsum derelinquit. Nundinarum solenniorum sunt duae: unae in diem Conversionis Pauli, alterae in diem Laurentii incidunt. Illae, teste Videmanno, anno, supra millesimum, quingentesimum, septimo institutae: utraeque dies septem celebrantur. Praeterea dantur mercatus quidam boarii, quorum praestantiores in dies Bartholomaei ac Michaelis incidunt. Denique dantur singulis hebdomadibus singuli hebdomadarii. Ager Urbis Curiae satis amplus, ac solum perfoecundum, frugumque omnis generis, item lupuli, pabulique, feracissimum. Marmor etiam aliquot in locis crescit, et caeditur. Una lapidicina marmoris est ultra Suburbium, ad viam Plaviensem, ubi marmor griseum caeditur. Alia datur ad latus medium Munsteri nemoris occidentale, inter sylvulam illam, et pratum Clericorum: ibi vero marmor atrii coloris reperitur. Mala et calamitates etiamnum attingendae restant. Quamvis autem aer, et aqua, ut ceterae Varisciae, ita in primis Curiae, admodum salubris sit, tamen nonnunquam lues pestilens et hic grassata est. Anno **MDV** sicut tota fere Germania, ita et Curiae crudelissime saeviit, et in hac una Urbe extinxit homines mille quadringentos: anno **MDXIX**, homines mille centum: an. **MDXCIX** homines mille quadringentos: an. **MDCLIV**, rursus aliquam multos: an. **MDLXVI** contra per paucos: an. **MDXCIX** similiter aliquam hominum turbam. Ceterum nunquam Curiae saeviit contagio, quin simul, eodemque tempore, viciniam affligerit. Vid. de eo argumento Videmannus. Multum etiam mali ex incendio Urbs saepe-

nu-

numero sensuit. Anno c13 cc xcix tota fere Vrbs Nova, Vetus-  
que, igne deleta est. Eo incendio simul Aedes D. Lauren-  
tii, item Sacella, D. Michaelis, et D. Nicolai, deflagra-  
runt. An. c13 cccc lxxviii utrumque Monasterium, D.  
Francisci, et D. Clarae, simul cum vicinis aliquot domi-  
bus, alibidinosa virgine vestali, velut iam supra docuimus,  
succensum est. Longe maius autem incendium anno fuit  
c13 15 vii, die V. Kal. Aug. Erumpit flamma, ex aedibus  
pistoris, apud viculum balneatorium: inde ad portam su-  
periolem: inde vel in ipsam Vrbem veterem serpit. Igne  
consumuntur domus, et horrea, centum quingvagina.  
Tertia pars Vrbis Novae: maior Veteris. In Nova aedifi-  
cia sexaginta: in vetere pleraque omnia: porta praeterea  
superior: denique pons ipse superior. Incendium aliud  
an. c13 15 xvii, die VII. KL. Octobr. idemque negligentia  
puellae, coortum, depascit dextrum fori latus, et quidem  
inde a viculo D. Michaelis usque ad portam inferiorem:  
tum universam Orlam, una cum domiciliis Sacer-  
dotum, usque ad ipsum Templum Michaelis. In  
universum combusta aedificia quingvagina, cum horreis  
tribus. An. c13 15 lxxix, incendio in platea coenobiali ex-  
orto, domus sex deflagrant: anno sequente rursus tres in  
platea posteriore: item rursus totidem an. c13 15 xxciii.  
Vid. et de hoc argumento idem Videmannus. Omnium va-  
stissimum incendium fuit A. c13 13c xxv, d. vi Nov. quo, prae-  
ter curiam, aedificia circiter cxxii perferunt. V. Dn. Layritz.  
Progr. de Templo D. Michaelis, ed. A. c13 13c xxviii. Vltimu  
incendium ortum an. c13 13c xc, d. xvii April. pridie diei Vi-  
ridium: ortum autem incuria servuli, fumo herbae Nicotia-  
nae usi. Hoc incendio, una nocte, horis tribus, tertia propemo-  
dum pars Novae Vrbis deletur. Flamma, coepta ad portam infe-  
riorem, usque ad Pharmacopolion vetus grassata, plateam  
latrocinalem, Iudaeorum, dimidiumque coenobialis, ut et

turrim

currim curiae maiorem, consumit. Aedificia in universum octoginta novem conflagrant. Hausimus haec ex ore Viri Ampliff. Dn. Io. Frid. Braunii, Tributorum Principaliū Praefecti, Patroni Singularis Conf. Venerand. Dn. Layritzii Progr. de Funesto Curianae Urbis Incendio, ed. ipso incendiū aīo; et Iod. Kifelingii Supplementum Añalium Videm. Ad extremum ab incendiis ad belli incendia convertimur. Anno c10 cccc xxx Husitae Curia capiunt, diripiunt, multos homines interficiunt, alios captivos abducunt, Urbem utramq; exurunt, ac ne Templis quidē parcunt, sed eadem ornatu, quo possunt, omni exspoliant. Biennio post denuo ab Husitis obsessa, elapso mense, cum hoste agit, dataqve pecunia, eum placat. An. c10 10 xlvii, d. x. Martii, Vrbs, ab Henrico Rutheno Graizensi, et Gvilelmo Thumnshirnio, ad deditiōnem provocata, Ioanni Friderico, Principi El. Sax. se dedit. Diu vero illud duravit bellum, multumqve eo mali Vrbs perpeffa ab hostibus Alberti, Marchionis Brandenburgici, inprimis ab Antistitib9, Bambergensi, et Herbipolitano, Henrico Plaviensi, et Norimbergenfibus, foederatis, saepeqve numero cincta obsidione, saepe occupata est, pariterqve pomœriis, ac munimentis omnibus denudata. Cuius quidem belli descriptionem vide apud Iacobū Schlemmerum, Curiani Rectorem, qui bellum illud Scripto Teutonico, nondum publicato, accurate executus est, anno c10 10 lxxiv. Nos tandem aliquando difficili, ut opinamur, labore defuncti, DEO O. M. gratias immortales consecramus, eidemqve, quod superest, ex animo supplicamus, ut Optimam, Carissimamqve CVRIAM in antiqua sede sitat, ut, rebus omnibus secundisimis utentem, et felicitatibus omnibus affluentem, atqve cumulatam, in perpetuum conserveat, atqve tueatur.

